


Cronica, vñ allen Rünig und  
Keiseren : von anfang Rom.  
Auch von vil geschüchten bis zu  
unsern zeiten die geschehen seint.



BIBLIOTHECA  
PONICKAVIANA

HALLE  
1711



Faint, illegible text, possibly bleed-through from the reverse side of the page. The text is arranged in several lines and is mostly obscured by the paper's texture and age-related discoloration.



**In Gottesnam Amen.** ¶ In diser Cron-  
nick würd durch verdriesslich vermeiden langer ge-  
schrift zū lesen. vñ lieplich die kurtze zū hōre/begriff-  
en gar vil mengerley schöner alter geschichtē/so vor-  
mer dān tausent iaren geschehen/zū den zeitē do die  
schwābischen land vñ andere land Heiden gewesen  
sind. Vñ durch wen sie zū cristenlichem glauben ge-  
notdrengt vnd gebracht seind worden.

¶ Item des erstē wie ein keyser zū Rom ist gewesen  
der hat Kurio geheissen nach der gebürt Cristi hun-  
dert vñ vier iar/der ist mit weib vñ mit kindē cristē  
wordē. Vnd darumb vō seinem brüder Antiochius  
vnd den Römern vō Rom her aus biß in Kurwal-  
den auff Dalfatz vertriben worden.

¶ Item was der selb keyser Kurio darnach gūts an  
cristenlichem glauben gethūn/ vnd was vō ym kum-  
men ist. Vnd was er vō schlossen vñ andern dingē  
gebauwen hat.

¶ Item wie vnd vō wem Ulm das dorff vñ ander-  
stett gewinnen gebauwen vnd mit notdrang zū cri-  
stenlichem glauben gebracht sind worden.

¶ Item wie die sällig Reichenaw auff ist kūmē/ vnd  
durch wen sie gebauwen vñ gemacht ist worden.

¶ Item wie vñ durch was vrsach das tal im Hego  
also heist. Vnd durch wen ym der namm also geben  
ist. Vnd stett vñ schloß darinne vnd anderswo im  
Schwabenland gebauwen sind worden.

¶ Item wie von den römern vil Grafen Ritter vñ  
Knecht durch den cristenlichen glauben vō Rom ver-  
tribt seind wordē/ vñ in teütschelant kummen. Vñ  
was sie gūts darnach getūn haben. Vnd war durch  
sich der adel also gemeret vnd geöffnet hat.

¶ Item wie die hertzogen vō Schwabē auff kum-  
men seint. Vnd was sie von stetten vnd schlossen ge-  
bauwen habent. Vnd in sunderheit wie ein hertzog  
von Schwaben einem Römischen keiser halff die rō-  
mer zwingē vnd notdringen das sie yn einig zū ein-  
em keiser haben müsten. Vnd was d selbig keiser dē  
hertzogen von Schwaben von stetten schlossen vnd  
freiheiten gegeben hat.

¶ Item wie ein hertzog von Schwaben einem keiser  
halff wider die vnglaubigen streiten/ vñ durch sein  
hilff yn ab gesiget.

¶ Item wie ein hertzog von Schwaben kriegt einē  
Marggrafen von Beirn/ vnd sigt ym ab / vñ zwāg  
vnd notdrang yn cristen zū werdē. Vnd selb zwölff  
te auff den Rechberg iar vnd tag zū beleiben/ den ge-  
laubē zū lernen. Vnd müst do schweren den zū übē.

¶ Item wie die keiserin Helena das heilig kreütz vñ  
vil heiligtumbz zū wegen bracht. Vnd wie sie ein  
stück des kreütz vñ sunst vil heiligtumbz durch einē  
teütschen mā in teütsche land schicket. Vnd den heili-  
gen berg ließ bauwen. Vnd das so vil grosser zeichē  
do geschachen dar durch manig stet schlösser vñ klō-  
ster gebauwen wurden.

¶ Item wie vnd durch wen Weingarten das gotz  
haus. Heiligkreutzstat vnd Sefling die frawen klö  
ster vñ vil andere ding gebawen vñ gemacht seind  
worden

¶ Item sunst vil anderer hübscher sache vnd getatē  
so durch die Graffen Ritter vñ knecht in dē land zū  
Schwabe durch sie einander geschehen gemacht vñ  
gehandelt sind worden.

¶ Item sunst auch vil anderer hübscher gethaten so  
von den schönen frawen vnd Jungkfrawen gehan  
delt seind. Dar durch ein junger mā vil auß erlernen  
mag sich dester Ritterlicher vñ erlicher wiß zū haltē.

¶ Item wie lang von anbeginnen der welt biß zū d  
Süntflut gewesen ist Vnd von d Süntflut biß zū  
vnser herzen gebürt. Vñ wie vil Pöpst vñ Römi  
scher Keyser von do dānen biß zū des grossen keyser  
Karol<sup>9</sup> zeittē gewesen sind. Was todes sie gestorbe  
vnd wie sich ir yeglicher gehalten hab in seinem regi  
ment. Vnd wz güts vñ böß vnder ynen gehandelt  
ist worden.

a iij






S was in dem Jar nach d gebürt  
 cristi vnfers herren hundert vnd  
 in de vierten iar ein keiser zü Rom  
 des nam was Kurio/der het vier  
 brüder/einer hieß Antiochius / der  
 ander Barochen/der dritt Schw  
 essenhein/der vierd Elesehe. Vñ  
 het ein weib die hieß Doeka. Vnd drei töchter vnd  
 acht sün. Nun was der vngelaub vast groß vñnd  
 merer vnd stercker dann der cristen gelaub. Vñnd  
 datzimal thet Theonestus zü Rom predigen den  
 cristen glauben / vnd kam zü der keyserin vnd sager  
 // ir wie cristus gemartert wär / vñ wie er der wär der  
 // alle ding geschaffen / vnd himel vnd erden gemacht  
 // hette. Vnd all creatur dem menschen vñndertänig  
 müst sein / vnd auch wie Adam vnd Eva gemacht  
 vnd geschaffen wære worden / vnd das sie das gebot  
 gottes übergangen hette vnd wir alle dar durch ver  
 // loren wörc. Das het Cristus wid gebracht / vnd wär  
 // geboren worden von einer reinen magt Der lere vnd  
 predig macht er so vil das er die keyserin zü cristen ge  
 lauben bracht / das sie sich tauffen ließ heimlichen.  
 Da ret sie mit dem keiser irm gemakel wie das sie ein  
 cristen wære worden / vnd sagt im den cristē glaubē  
 vnd wer sie zü cristenlichen gelauben gebracht hette  
 Da sandt er nach Theonestus / der bracht yn auch zü  
 dem glaubē das er den tauff name. Da het Theone  
 // stus eins brüders sun der was in dem fünfften iar / d  
 hieß auch Theonestus / den het er auch bei ym / vñ ler  
 et yn die geschriffte vnd cristenlichen gelauben. Nun  
 was er gar zūmal ein hübscher knab / den nam der fei  
 ser Kurio zü im Vñ i etwe vil zeit ward des keisers

Brüd gedencken wie das der Keyser den cristē gar gen  
holffen vnd gelaubig wäre. Vnd do auff eintag der  
Senat vnd die gewaltigen in einem gesprech bei ein  
and warēt/ do gieng Keyser's Kurio brüder Antioch  
ius/ vñ nam die andern drei brüd mit jm/ vñ gieng//  
gen für den Senator vnd die andern rät/ vñ sagten  
yn wie der Keyser ir brüder cristen wäre. Nū was ei//  
ner in dem rad & hieß Amor/ der w3 des geschlächtes  
Columbo/ vñnd noch einer der hieß vertrum Viscū  
die gabent den rat das mā nit gahete vñ den Keyser  
horte. Dān der brüder het lang darnach gestelet wie  
er seinen brüd vertribe damit er an sein stat erwellet  
vnd Keyser würde. Den zweien ward gefolget/ & Key  
ser ward besendet für sie. Do hūb einer an zū redē vñ  
der yn der hieß Paule Viseum vñ sprach zū dem Key  
ser. Ein gelid der obern vernufft/ ein verweser & vñ  
dertanē/ ein beschirmer wittwen vnd weisen/ ein be//  
hüter der gerechtigkeit/ ein starcker fluß der barmher  
zigkeit/ ei vorpild der demütigkeit/ vñ merer vnser  
heils. Mich heissent redē die gegenwürtigen eüwer  
gehoramē in aller billikeit bitent eüch als den grūd  
aller verstantlicheit yn zū erlauben vnd gūnnen ein  
frag zū thun. Der Keyser on alles gedenckē sprach Al  
le gerechtigkeit vñ notdurfftigkeit iuch zū fragē vnd  
mit zū antwurtē seien wir zū beiden seitten schuldig  
vnd den notdurfftigē gebunden. Vnd ein freies bil  
lichs vrlaub gib ich dir zū redē Da hūb Paule an vñ  
sprach. Der Senat vñ & gewalt der höchsten römer  
fragent eüch warumb ir Ihesum vñ seinen nachuol  
gern so gelaubig vñ hilfflich seient. Do antwurt er jm  
vnd sprach. Deiner vernufft vnd eüch allē ist zū wis//  
sen wol neinß wern her kumbt das leben vnd alle be



Kuriosus /  
Bekundung

weglichkeit/ vñ alle creatürliche Ding auff erden vñ  
die sele darinne wonet. Hierumb so glaub ich an Ihe-  
sum der vns alle geschaffen hat/ vñ alle creatürliche  
Ding dem mensche vndertänig gemacht. Vm vnser  
willen vō himel auff erd kumē ist/ vnd geboren wor-  
den vō einer reinen magt/ vnd marter vñ auch tod  
vmb vnser willen geliten hat/ leben vnd glaubē an  
Ihesum/ vnd bin getaufft worden. Do wurdēt sie er-  
zürnet vñ woltent nach ym gegiffen haben. Do wick  
er vñ zwey der besten geschlächte mit ym in ein hauß  
Capitolium scripture genant. Do nam Antiochius  
die vngelaubigen an sich/ vnd wolt yn gefangen vñ  
getöt haben. Da halff man ym darvon mit den zwei  
en geschlächten Columbo vnd Orseo. Vnd kament  
mit ym seiner swester sün Jurgo vñ Hego/ vñ auch  
die keyserin vnd ir töchter vñ acht ir sün vnd vil vō  
frauen vnd māneß pilde der besten geschlächte von  
Rom. Nū was der vngelaubigen in der stat vñ auf  
dem land vast mer dān 8 glaubigen/ darumb er nit  
do:st in dem land beleiben/ vñ zoch über das hoch ge-  
biereg auß gen teütschenlanden wertz/ vñ firt mit im  
Theonestü den Knaben. Do ward Antiochius geno-  
men zū keyser. vñ Kurio floch über das hoch gebirg  
vnd kam auff den plan Dalfatz.



**D**ann dauor als mā zalt achtzig iar nach goe  
 tes geburt do was sant Lucius ein geborner  
 künig von Schotten an der art vñ in dem  
 gebirg wonhafftig/ vnd het sein zell vnd kirchen da//  
 hiē gemacht do es noch zū sant Luzen heist/ vnd ein  
 Verschlug ein Ochsen zū tod als er bauwet. Do bāt  
 er den Beren an des Ochsen stat/ vnd müst ziechen  
 als der Och gethün het. Vnd vil ander wunder zei  
 chen die man yetz beleiben lat/ het der selbe sant Lu//  
 cius. Vñ an der selben art do warent cristenleüt die  
 dān sant Lucius bekört het Vñ do so vil walhen vō  
 Rom dahin kament von iüngfrawen weibern vnd  
 kindē/ wellisch vnd teütsch vnder einand wonhafft  
 warēt/ do ward ein besundere sprach dar aus als bö//  
 se römische wellisch vñ etliche teütsche wort darund  
 gemischt/ als mā die lange zeit biß her gebraucht vñ  
 geret hat Vnd hieß mā die sprach vnd das land an  
 der art Kurwalhē/ vñ gieng herab biß an den Bodē  
 see/ vnd übersich auff biß an de Setner do Weilād  
 anstößt. Aber es hat sich darnach fast bekört/ vñ die  
 Kurwallich sprach zū teütsch worden. Nū het auch  
 Appollomoz ein brüderßsun d hieß Alban/ d was in  
 seiner kindheit vßschickt worden vō seinem vater die  
 bücher zū lernen. Do er nun auß für cristen glauben  
 zū predigen/ desselben was Alban wol gelert vñ ein  
 güt cristenman/ vñd kam zū Kurio dem keyser yn  
 Dalfatz/ dannoht was gar wenig cristen inn dem  
 land/ vnd in allen teütschen landen.


**D** Un fraget Alban de Keyser Kurio wo seine  
sün wärent. Do sagt ym der Keyser wie er ge//  
bauwen het ein vesten die gab er seinem elt//  
esten sun/ vnd nannt die veste Hochentrentz/ vnd  
hieß yn Wagne vō Hewen/ vñ macht ym ein schilt  
// geteilt/ vnd oben darein ein stern zū einem zeichen  
cristenlichs glaubens ym erschinen wäre vñnd auff  
gangen/ vñ solt den glauben meren vnd die leüt da  
bey behalten. Dem anderē sun bauwet er ein vesten  
auff ein sinbelē velse vñ berg die hieß er Güttenberg,  
// vnd gab ym ein schilt weiß vnd ein rots kreutz dar  
yn zū einem zeichen/ dz er des leidens Cristi nit ver//  
gessen solt/ vñ das lob gottes all tag meren. vñ gab  
ym den namen Egloff vō Werthaw. Vñ darnach  
gab er dem dritten sun einen berg vñ bauwet ym dar  
auff ein vest die hieß er Starckenberg/ vñ gab ym  
// ein schilt weiß mit einem roten fanen zū einem zeich  
en das er die cristenlichen ordnung haltē solt vñ dar  
umb fechtē ob es not geschehe/ vñ hieß yn Anßhelm  
von Starckenberg. Dem teütsch nach wirt das ge//  
schlächht vast geheissen die vō dem rotenfan. Vñ dar  
nach als sich die wellischen Kurwalken gemert hetē  
do ward der namn in wellisch bekōret vñ geheissen  
von Montfort.

**N**un hett der Keyser Kurio ein stat gewunnen  
oder ein Kassel, der nammen was Bolando.  
Die was vngelaubig, dar ein bauwet er ein  
Kirch in der ere vnser lieben frawen, vnd der heili-  
gen dreier künig. Vnd gab die dem vierden sun, vñ  
ein schilt mit einer lü kirchen, vnd nant yn Herz Wil-  
part von lü kirchen. Vnd nannt das Kassel auch lü  
Kirch. Den fünften sun macht er zü einem patriar-  
chen, der was der erst patriarch in cristenlichem ge-  
lauben. Vnd macht ym ein wonung auff ein berg  
bey dē dorff Ulm, vnd nannt es Kirchberg. Nū het  
er vnd firt gar ein sällig leben, das vil herze vñ edel  
leüt ire kinder zü ym thetē, das sie geistliche zucht vñ  
erberkeit lernentē, vñ het vil edeler kinder zü ym ge-  
samlet. Vnd hieß der patriarch Burgundus. Nun  
was zü den selben zeitten ein hertzog in Schwaben,  
der het sein wonung zü Rauenaw, das yetz Rauen-  
spurg heist, des nam w3 Saturninus, dem ward ge-  
sagt wie der patriarch Burgū dus den cristen glau-  
ben so vast öffnete vnd meret das die gemeinschafft  
der leüt der mer teil sich an yn kōrten vnd glaubten  
vnd er wolt den abtgōtern vñ ym nit mer gehorsam  
sein. Do ward er ertzürnet vñ samlet sich mit macht  
vnd leget sich in das dorff Ulm vnd auch darū in  
das gew, vñ trib es so lang das der patriarch bekü-  
mert ward, vñ nit mer zü essen hette. Do vielend sy  
über die mauren aus vñ enttran mit allē den seinen  
Nū sagt der hertzog ein richter in das dorff Ulm 3  
hie3 Sigwaldus, vñ entpfalch dem wer Ihesum zü  
ein gott veriahe vnd cristenlichen glauben het den  
solt er martern vnd tōten.

**U**nd zoch aus vnd wolt wider heim, do kam  
er auff ein büchel gar mit hübschem gewächs  
vnd baummen, dar auff bawet er ein wesen  
wann er wolt kurtzweil haben, das er also wäre, vñ  
gab ym den namen Warthausen. Nun lag ein Kas-  
tel gar nahent da hey des nammen was Bibrach do  
verharet er neun monat do was der Patriarch Bur-  
gundus mit den seinen geflohen in einen wald der  
ligt an dē tieffen see, dar ein het er gebawen ein zell  
vnd woūng, darinne er gott dem herzen gar streng //  
Elich dienet. Do kam die klag Kurio vñ seinen sünē  
für wie der Patriarch Burgundus vō dem hertzog //  
en Saturnino vertriben wäre, do starckten sie sich  
vñ zugē auff den hertzogē mit macht, vñ gewūnent  
ym das land vnd das dorff Ulm ab, vnd bauwten  
// dar ein ein gotzhaus cristenliches glaubens, vñ satz-  
// ten vil priester dar ein. Vnd gabent es einem herzen  
ein der hieß Hercules von Wullenstettē, seind dar //  
nach grafen von Kirchberg genant. Der solt yn rech-  
te reformatz geben vnd machen. Vnd zugent wider  
auff den hertzogen mit macht, vñ erschlugent ym vil  
volcks, vnd zugent wid auff gen Rauenaw vñ na-  
ment das mit gewalt ein. Nu ward Prius keyser zū  
sant Alban<sup>2</sup> zeittē do kam sant Alban zū dē vertri-  
ben keyser Kurio auff Dalsatz vnd fraget yn wie er  
mit seinem weib vnd mit seinē kinden darvon kam //  
men wäre. Do saget ym der keyser Kurio allsach wie  
es ym ergangen was, vnd wie der hertzog von Ra-  
uenaw sein sun den Patriarchen vtriben het. Do zū  
// mal was Theonestus zū Augspurg den gelauβē pre-  
// digen, vnd wurden vil cristen gemacht vñ getauft  
Vñ ließ dē sāligen Vrseum do, dz er die leüt sterckte

*graf vñ  
kürspach*

vnd manet das sie vest beliben an cristenliche glau-  
ben. Nū was der keyser Kurio vnd Vrseus zweier  
brüder sūn. Vnd ward Vrseus ertötet zū augspurg  
Nun für Theonestus aus vnd wolt gen Mentz da  
hin wolt Alban zū ym kummen/als er auch thet In  
dem het sich der hertzog von Schwaben widerumb  
gesterckt/vnd Ulm vnd was er vor verlorn het wid  
gewunnē Darnach nam Kurio zū ym sein sūn vnd  
groß volck vō den cristen/vnd kam yn wider zū hilff  
Vnd zugent wider für dē hertzog zū Schwaben vñ  
gewunnēt ym den sig ab. Vñ ward der hertzog auch  
erschlagē/vnd gab die stat Rauenaw seinē sūn Ru-  
mulo/vnd nānt yn hertzog Rumulus vō Schwa-  
ben. Sein schilt was gülden vñ darin drei schwarz //  
lewē/der auch der erst cristenlich hertzog in Schwa //  
ben was. //



172  
So zugen sie auff Ulm vnd zwingent sie  
auch mit gewalt wider zu cristenliche glau-  
ben. wann sie woltent Hercules von Wul-  
lenstetten nit gehorsam sein. Also gewunnen sie es  
Vnd gab leut vnd gut rechten zehent/ vnd alle an-  
deren nützung in das gotzhaus do der Patriarchyn  
nen was. Das man dazumal nant die sölig Reich-  
enaw/ vñ solt darüber ein beschirmer vnd vogt heis-  
sen/ vnd sein ein hertzog vñ Schwaben/ als hernach  
stat. Vnd ward bestetigt ewig vnd immer zuhalten  
Do sieng man an die Auw zu bauwen vñ ein schön  
münster zu machen/ vñ ward gestift vñ angesehen  
ob ein fürst ein graff oder ein freier herz ein kind het/  
vñ nit so vil guts das er im gehelffen möcht nach sei-  
nem stand/ d möcht ein sun hinein thun das er geist-  
liche zucht vñ die bücher leren/ biß er zu seinen tagen  
kame so möcht er dann geistlich werden ob er wölte  
oder in die welt kumen/ des het er seinen freien willē  
Doch so solt man keinen rittermessigen noch keinen  
burger darein auff nemen. Nun was der keyser Ku-  
rio vast alt worden/ vnd het gebauwen ein weiden-  
liche starcke veste die hieß er Dockenburg nach sein-  
er frawen Docka/ vñ gab die seiner frawen/ vñ satz  
sich dar auff vñ wont er bey ir. Sein schild was weiß  
mit ein schwarzen wind/ der het ein gelb windpād  
Vnd macht ein kloster nit ferz dauon das hieß fisch-  
ingen. Vnd starb der keyser Kurio do man zalt von  
der gebürt Cristi hundert vnd zweiundsibentzig iar  
Vnd ward begraben in dem kloster fischingen.

**L**Tem also was Jurgo vnd Hego in einem  
weiten tal vnd land/ vnd bauten auff einem  
starcken berg ein vesten die hießent sie Heii//  
vnd das land darumb Hego nach ym. Vnd der key  
ser Kurio het sein tochter ertöt/ vnd über die zinnen  
aus geworffen/wann er fand sie bei seinem capel an/  
die hieß Cleopha/ die ander hieß Magdalena/ der  
gab er künig Steffan von ytalia/ der lebt nit lange.  
Vnd sie was bey ir mütter biß sie gestarb. Darnach  
nam sie ein anderē man/ der hieß graff Dolmus vō  
Maliers aus francckreich. Nun het Hego ein frawē  
genommen/ die was Columbanstochter/ der auch vō  
Rom vertribē was worden/ vō des glauben wegen  
vnd bawt des erste Kumb. Der het ein brüder 8 wz  
der erst bischoff zū Kumb. Er het auch zwen sūn vñ  
ein tochter/ einer hieß Petrus/ 8 ander Johānes/ die  
tochter hieß Cleopha/ vnd was ein sölige jūngfraw  
vnd wolt kein man nemen. Nū was sie gar schön vñ //  
het gar vil anfechtūg vō den herzen vñ der welt Die //  
bat vnser frawē das sie vngestalt würde vñ nit über //  
wūden von der welt. Also ward die feltsiech/ vñ bau //  
et mit irem gūt vñ kleinetē ein kloster geheissen We //  
tenfeld/ da ligt sie begraben. Vñ Petrum irē brüder  
nām Hego vñ macht yn sein erben/ dān er kein kind  
het/ vñ ward bischoff zū Mentz. Nū was Wartaw  
ein groß man vnd bawt ein vesten die nānt er nach  
ym Wartaw/ vñ bawt auch an dē tieffē see ein tūrn  
den nānt er End. Nū was er gar ein selzām wun//  
derlich man das jm niemant sein tochter wolt geben  
Vnd starb also on leibs erben.

**D**en dritten sun nant er auch nach der veste  
Starckenberg/der nam eins herzen tochter  
vō Vincenz aus Lamparten. Bey der hert  
er sechs sun/ vnd was gar vast mechtig/ vnd gab de  
einen sun sein schlos/ vnd nant yn ein herzen vom  
rotensan/ vnd Wolffrant was sein nam/ sein schilt  
was weiß ein roterfan darin. Dem andern sun gab  
er ein veste die nant er Werdenberg/ sein schilt was  
rot vnd ein weisser fan darin/ vnd nant yn ein herzen  
vō Werdenberg. De driten sun gab er Keinegk  
sein schilt was weiß mit ein schwartzē fan/ sein nam  
was herz Anshelm vō Keinegk derselb erbt de tūrn  
Lnd/ vō sein brüder Wartaw/ der nam eins grafē  
tochter vō Badenweiler/ bey der hert er vil kind. Nū  
gab er dem vierden sun ein veste hieß Schellenberg  
des nam was Heinrich/ sein schilt was schwarz mit  
ein weissen fan. De fünfften gab er ein gelben schilt/  
mit einem rotē fan/ der kam an des rōmischen pfaltz  
grafen Hof/ vñ hielt sich mit so frumer ritterschafft dz  
ym d pfaltzgraff sein tochter gab hieß Benigna/ vnd  
gab ym ein groß kassel do vil lands zū gehört/ des na  
men was Tübingē/ sein nam was Wilhelm d ward  
geheissen ein pfaltzgraff von Tübingen. Do nam er  
sein brüd zū ym hieß Kūland/ vñ ein herz saß mit fer  
von ym auff einer vester hieß Herzenberg vñ er hieß  
Balthasar von Herzenberg/ sein frau was eine von  
Klingen bei d hert er ein tochter/ do bat er yn vmb die  
tochter/ die gab er ym. Do starb der von Herzenberg  
darnach ward er genant ein herz von Herzenberg  
sein schilt was rot vñ ein gelber fan darinn/ der besaß  
also die herzschaft Herrenberg erblich von seinem  
weib.

*Hubigen*

**N**un was Herz Wilpart von Lütkirch vō dem roten fan ein groß frey dig man. Sein weib was ein gräfin von Sunnenberg hieß Clopha/ die het im zwo töchter vñnd ein sun geboren die ein hieß Ameley/ die and Katharina/ der sun Hego/ Er gab der ein tochter ein herren vō Rotenburg/ der andern ein herze von Kapensteyn/ Hego starb do er was im .xij. jar. Do bawt er ein vester in ein tannē tobel/ dem gab er den namen Hochentan/ vñ gab sie einem sein diener hieß Kūland vō Hochentan/ der nam ein frowen des herin vō Angelberg tochter/ die töter in ein gāßen zorn vnuerdient/ Darum ward er von all sein freunden gefast vñ vtriben/ vñ für übermōr vñ starb. Vñ do Herz Wilpart von Lütkirch ge starb do erbt in d Herz vom roten fan, do zoch der Herz vom roten fan vff ein schloß genant Dawenfelt dar vñnd lag ein kassel hieß auch Dawenfelt. Nun het d Herz von werdenberg vñnd sein brüder vom roten fan gar ein grossen vnwillē vñnd yn/ das sie nit sicher wa rent gegen einand. Der Herz von werdenberg bawt ein vest hieß Sadutz wid sein brüd/ nun was Dwa enfelt kurglich cristen wordē vñ wolte sich nit cristenlich halten als sie solten/ Darumb ward yn d Herz vom roten fan feind. Do riet im d von Werdenberg das sie vñ das land wid in wārent so wolt er in helfen. Do sie seins brüders willen vstündent do zugēt sie für das schloß vñ wolte den herren gefangē haben. Do entr an er yn/ vñ siengēt syner diener ein rit ter vō Rms hieß Albrecht/ vñ bezwungē den das er müst den ersten stein an d kirchen ab preche/ den sein vatter gelegt het in der ere sant Johannis.

6

**D**u samelet sich d Herz vom rotenfan vñ k̄  
zū ym hertzog Kumulus von Schwaben mit  
vil cristen/ vñ zugent auff Dawensfelt vnd  
gewunnt es/ vnd zwungen sie wider zū cristenli-  
chem glauben/ vñ der Herz vom rotenfan nam sie wi-  
der ein/ vñ besetzt das mit seinē basthart/ vñ v̄k̄orte  
ir dē namen vñ hieß fürbas felltkirch. Nun w̄z dan  
nocht ein graff vō Wegk̄ d̄ was mit cristen vnd was  
gar mechtig an land vñ leütē/ des ward hertzog Ku-  
mul<sup>o</sup> innē/ vñ sein brüder Wilpart mit ym vñ zugē  
für Wegk̄/ vñ die stat darbey hieß auch Wegk̄ Des  
ward ein Marggraff vō Beyrn innen des w̄nung  
was zū Burgaw/ der was seiner Schwester sun vñ be-  
samelte sich so sterckest er mocht/ vñ zug vff zū d̄ silß  
Nun het ein Herz von d̄ silß genant Helffens ein ven-  
stengebawen auff ein fels d̄ nam was Helffenstein/  
sein wapen nach/ w̄n er ein Helffant zū ein wapen  
fürt/ vñ heissent darnoch grafen von Helffenstein d̄  
het w̄nung auff dē selben schloß vñ w̄z ein güt cri-  
sten. Do k̄ament die cristen wol mit vierundzeintz-  
ig tausent manen/ vñ die vngelaubigen hetē wol bei-  
achtundtreissig. m. mā. vñ slügent einand in dē tal  
zū Hawsen. Da ward ein kirch in dē tal gebawen in  
vnsere frawen ere/ geheissen Hawsen. Do ward der  
Marggraff gefangē/ vñ vier mit dē roten löwē mit  
ym. Vñ wurden d̄ vnglaubigen dreizehentausent  
erschlagen/ vnd der criste viertausent. Darund̄ wan-  
tent zwen herzen vō der silß/ d̄ pfaltzgraff vō Tün-  
bingen ein Herz vō Stöfel/ ein Herz vō Gerhausen  
vnd ein graff vō Achalm Do begab sich der Marg-  
graf mit allem seinem volck criste zū werdē/ do nam  
in der hertzog auff.

**N**un was ein berg naheñt dabey hieß Rechu  
berg do müßt der marggraff vñ zwölff mit  
im schwörē do iar vñ tag zū sein. Do ward  
der marggraff mit allen den seinen getauffet, vñ  
nam zwölff zū ihm/ do waren die vier brüder vom  
roten löwen/zwen von ybach/einer von Lomberg/  
einer von Portigal/drey von Westerstetē/zwen vō  
Kingingen/vñ einer vō Wülhausen. Do ergab sich  
der graff von Weck vñ ward auch cristen Do bawte  
man auff den berg ein wonūg, do hielt sich der marg  
graff so wol vñ so ordenlich in cristenlichem glaubē  
vñ müßt sein vätter d' graff von Wegk sein kassel  
heissen kirchē, vñ bat das man im ein kirchē darin  
bawte in der ere vnser lieben frauen an der stat do er  
gefangē was worden. Das gefiel dē hertzogen so wol  
das er in zū im nam gen Rauenspurg vñ bawet im  
ein veste dar ob/die ward geheissen sant Veitzberg  
vñ dem selben nach nānt man den grafen vō Weck  
hertzogen von Tegk. Nun het der hertzog kein kind  
vñ nam dē marggrafen zū eim erben, vñ gab im dz  
hertzogtūm auff bei seinē lebē vñ huldet im das land  
vñ waren im vast hold. Also gab im hertzog Kum  
mulus ein frauen was ein grāfin von. Soffey hieß  
Klena/vß der marggraff hieß Wendel. Die hystori  
vō hertzog Wendel kumbt hernach ¶ Item hertzog  
Kumulus nam zū im etwen mengen diener vñ beu  
sant zū im mauerer vñ ander werckleüt, vñ bawet  
ein vesten die hieß er Dienburg, vñ ein berg lag na  
het dabey do lag ein groß dorff vñder/ do bawt er ein  
schöne kirch in der ere sant Johannis, vñ macht im  
ein wonūg darbey mit schön reben vñ gertē vñ men  
gerhant frucht, vñ nannt es Weingart vñ das dorff

Altdorff. Nun het er einen diener der hieß Gebhart,  
dem gab er ein Jaghaus das was vor der Heide ge-  
wesen, vnd nanntes Waltpurg, wann es in einem  
tannanwald lag. Vn gab im ein schilt mit einer grün-  
nentannen, vnd gülden tangapffen darein vn hieß  
in Truchßäß vō Waltpurg. Er het auch ein andern  
diener dem gab er ein vesten die hieß Kadrach, vnd  
ein schilt mit ein weissen rad, vnd hieß in Schenck  
vō Kadrach. Einē andern gab er ein kassel dz hieß  
Wartdorff, den annnt er marschalck vō Wartdorff,  
sein schilt was rot vn drey weiß stral darinne. Dem  
herden gab er ein vesten hieß Kemering, vn gab im  
ein schilt gelle mit einē schwarzen schlüssel darinn.  
Das het er das die vier ampt vō dem hertzogthüm  
versehen wärent.

**U**nd also gewan hertzog Wendel zwen sün-  
vnd ein tochter. Nun het der hertzog georn-  
net wenn er abgienge so solt Bienburg die  
kantzley sein in dem land zu Schwaben, vn Wal-  
purg truchßassen des hertzogthümb, vnd Kadrach  
schencken. Wartdorff Marschalck, vn Kemering  
kammerer. vnd macht vierundzwentzig pziester  
auff dem berg, vnd ordnet den ir güt, vnd wie sy sich  
halten soltent, als sy in iren bücherern wol verständigē  
hertzog Kumul<sup>2</sup> was alt vn het sein leben vast cri-  
stenlichen gehalten, er was schwach vn het das boten-  
gram an den füßen. Vnd starb nach der gebürt Criu-  
sti zwey hundert vn zweyundzwentzig iar. an dem  
vierdentag. Nouenbris.

222 In  
4. Novembris  
briß.

**A**lso het hertzog Werdel noch zwen brüd in  
Beyrn/ der ein hieß Ernst/ der and Ludwig  
Die entboten im das er sich versech die Un-  
gern zügent mit macht die Dona w herauff In dem  
Kamen märe wie das der keyser Constantinus kam  
der was dannoch mit cristen. Vnd zoch im entgegen  
vnd vereinet sich mit im das sie de Ungern ein  
widerstand thun möchtet. In der nacht kam de Kei-  
ser für/ wölte er seinē feinden ansigē so solt er mach-  
en ein weiß baner vnd ein rots kreutz darin/ vñ an  
der andern seittē ein reyne magt vñ ein kind auff ir  
schos/ mit der sunnē umb geben / so gesiget er in ab.  
Dā es werent allweg wol dreissig man an einē. Am  
morgē sagt er es hertzog Werdel vñ macht das ban-  
ner/ vnd zugent den Ungern entgegen/ vnd mit im  
hertzog Werdel vnd sein freünd vñ andert anē des  
lands Schwaben. Do kament sie zū samen/ vñ lag  
der Keiser vnd hertzog Werdel ob nach dem willen  
gottes.

B ij

*Ad hanc  
topi-  
ad hanc*

*In hoc sign  
erit.*

**A**lso zoch d̄ keiser wider gen Rom vñ vil cri-  
sten mit im/er ward mit freüden entpfangē  
Do kam er zū seiner mütter helena vnd bat  
sie das sie im hülff vmb das kreütz do gott an gem-  
martert wār worden. Do was zū Rom ein priester  
hieß Eusebius der sagt wie das kreütz zū findē wāre  
In dem samlent sich die Vngern wid vñ zügēt mit  
grosser macht auff das römisch reich. Do bracht der  
keiser vil volcks zusamē/doch was ir gar wenig ge-  
gen den Vngern/ vñ ward sich vast fürchtē vñ besor-  
gen/ vnd thet sich dannoch belegern gegen in yn das  
feld. Nun sprachē die teütschen zū dē keiser/ es wār  
besser mit in ritterlich zū streiten/ dān das sie auff sy  
zugent vñ in leib vñ güt nemen/ vñ thet mā das nit  
so verdürb das römisch reich Do lag d̄ keiser der sel-  
ben nachts an dem pet vngeschlafen vor sorgen vñ  
sach auff gen himel do bedunckt in der offenstan/ vñ  
wie er das heilige creütz vor im sech ston. Er sach es  
gar ernstlich an/ do sprach ein stim zū im. Constāti-  
ne vertzag nit/ hab hoffnung zū dem zeichen/ vñ zū  
dem der den tod daran geliten hat Vñ du solt ein so-  
lich zeichen wie vor an dein fan machen/ so wirstu  
innen das du in an gesigest. Er stünd des morgens  
frü auff vnd hieß im machen ein zeichen des heiligē  
kreütz an den fan/ vnd hieß die seinen frölich wid dy  
Vngern streiten/ vnd manet sy das sie kein sorg hetē  
dān sie soltent mit dem heiligen kreütz ob ligē. Vnd  
d̄ fan flog ob den seinen. Sie thetent sich nahent zū  
den Vngern. Do die Vngern die ordnüg vñ den fa-  
nen sahent do trauret ir einer nit genesen/ dān wen-  
licher sein leben wolt haben der floch so er best mocht  
Der selben zeit wurden d̄ Vngern vil erschlagē vñ

Behüb d̄ keiser die walstat mit grossen eren. Do aber  
der keiser dē sig gewan do rufft er zū jm die lantzher-  
ren aus Schwabē. Sachsen Francken vñ andern  
teütschen landen, vñ ordnet vñ schuff das in yeglich  
em land zwölff richter soltēt sein die die land vñ lüt  
in irer vneinigkeıt entschiedent, vñ über die zölff all  
mal einer über die ädern, damit ein mererß gemachte  
möcht werden. Also zugent sie wiß mit dē keiser gen  
Rom mit grossen freüde. Do fragt d̄ keiser den prie-  
ster Eusebium vō dem zeichen des heiligē kreutz ob  
jm darumb icht wissent wer. Do anwurt jm der pri-  
ster, ym wer wol wissen daruon/es wer got der aller  
ding gewaltig wer, vñ geboren von der reinen magt  
Maria, vñ hat beschaffen anfang mitel vñ daz end  
vñ welcher mēsch nach seiner lere vñ nach seinē le-  
ben thūt des sel hat freüd ewigklich, dān er dem mē-  
schen hat geben freien willen, vñ wil jm helffen strei-  
ten wiß die drey feind, das ist wider sein eygnen leib  
wider die welt, vñ wider die bösen geist. Vñ wer jm  
nachuolgt des freüd wirt werden ewigkliche on end  
Er ist auch also mechtig vñ gewaltig das jm nichts  
wider sein mag. Vñ sein gewalt ist über alle welt.

**D**ie solicher lere bracht er in dartzu dazet sein  
mutter Helena bat das sie mit irselts leibe  
für über möz vnnnd besehe ob sie möchte das  
krütze finden do Jhesus den tod an geliten hat von  
den judē. Vnd sagt ir von de zeychen wie er de Vn-  
gern darmit obgelegen wär. Do Helena erkant ires  
suns ernst vñ byde do macht sy sich vff vnd für über  
möz mit vil arbeyt gen Jerusale/ vñ do sy dahin kã  
do ward sy gar schan empfangen. Die juden schanck-  
ten ir groß gab/ vñ ward ein geschrey die keyserin vñ  
Rom wär in de land zu Jerusale/ vnd in Samaria  
vñ über al in Judea/ vñ fing die mechtige Also kam  
ent sy all zu/ do sieng sy an vnd sprach zu in. Ir ber-  
ren ich byn nit vnsunst herkomē/ ir habent wol in d  
geschafft gehört das got nach seiner barmhertzigke-  
t wolt geboren werdē/ vñ an ein krütz gemartert wer-  
de darumb will ich nit enperē ir tünd es gern od vñ-  
gern das ir etwen vil d weiste aus sich erwelent die  
mir sagen w3 ich sy frag/ vñ tünd das heit by dise tan-  
ge. Do die judē das erhörtent do erschrockent sye gar  
übel vñ forchtent irn zorn Sie namēt palt vñ erwel-  
ten vß in sibentzig mann vñ schickten sie zu d keyse-  
rin. Do sie zu ir kament do sprachē sie. fraw keyserin  
was ist eüwer bet/ wir habent sibentzig gewelt vñ sy  
zu eüch geschickt de ist all vnser geheim künd vñ wis-  
sent vñ künent eüch dz wol sage. Do sprach die key-  
serin. Bringēt sie mir od ir müßent eüwer leben ver-  
lieren. Die juden wurden gar trurig/ sy forchtēt die  
frawen gar übel. Sie giengē an ein rat zusamē vñ d  
sprachen. Vnser sach stat übel/ vñ was die fraw mit  
vns anfaßen will das wissent wir nit. Vnd den si-  
bentzig was gar ein weiser mit namen Judas d was

vast alt der sprach. Ich mein ich wiß wol w3 sie wöll  
ich meingentlich sy wöll das holtz do Ihesus an ges  
martert ist wordē. Da sprachē die judē/ es lebt niē  
mant der dz wiß. Da sprach Judas/ do Sachē' gar  
alt was do sagt er meinē vater Symō vnd zeigt ym  
das holtz/ do zeigt es mir mein vater vñ sprach. Li  
ber sun nū hüt dich bey deinē leben dz du nymant dz  
krütz zeigst/ wān es geschicht das mā die juden wirt  
nōten das sie es sūchen vñ geben/ od sy müßent ster  
ben vñ den tod darūm leiden/ vñ ee du dē tod leidest  
so soltu es sagen vñ zeigen/ wie es Annas in daz hōr  
gelegt hat. Mein vater sagt mir auch wie das vnser  
reich von vnser sünd wegen vns werd genomen vñ  
den cristē vndertan. Die keiserin hōrt vngern dz sie  
so lang zū rat giengēt/ vñ in einer gāße hieß sie sy all  
vaken vnd verprenen oder ir das kreütz zeigē. Da  
sprachē sie. Fraw sind vns gnedig/ wir zeigen eūch  
ein vnd vns der es eūch zeigen kan/ vñ wie es ein ge//  
stalt darūm hat/ vñ eūch wol vnderrichtē kan/ es ist  
eins weiffagē kind/ vñ zeigte ir Judas Die künigin  
nam in zū ir vñ het in vast wol yn hüt vnd sprach zū  
ym. Willtu leben so zeig mir das holtz daran gemar  
tert ward Ihesus. Da sprach Judas. Dz ist mir vn  
kündig/ vñ swür mengē eyd das er es nit wiste Mit  
lieb noch mit leyd kund sie in nit zwingē das er ir dz  
wōlt zeigen. Vnd do die fraw sein kettigkeit sach do  
sprach sie in zorn Du müßt mir es zeigē od in dē mo//  
sigen see hungers sterben. Er wolt es nit zeigen do  
hieß sie yn in den see werffen/ vñ yn gar wol bewarē//  
das ym nymant zū hilff kōme/ noch nymant zū essen  
geb/ do lag er siben tag ganz vngessen/ an dem achtē  
tag schrey er mit lauter stym/ varent herin nach mit

Ich will euch drei ding zeigen. Da die frau das erhört  
do ward sie von hertzen fro/ vnd hieß yn vō stund an  
her wider bringē/ vñ besant ir herre vnd diener vñ er  
gieng vō stund do er das kreutz west. Da sie kament  
an die stat do bat er got den schöpffer himel vnd ert-  
richs das er sich über yn erbarmet/ wān du sitzt ob ke-  
rubin vñ seraphim die kōrd engel/ vñ hast alle dineg  
von nicht geschaffen/ vñ al creatur veriehent dich zu  
einem schöpffer/ nū zeig vns das kreutz do du deinen  
seindē an ab gesiget hast/ vñ du kamest den selbē ju-  
den in dē segseur zu trost Vil inniglichē er zu himel  
auff sach. Do er das gebet gesprochen her do gieng gar  
ein süßer geschmack aus der stat do dz kreutz in lag  
das nie kein mā süßern geschmack befand dān do w3  
do mā das etrich regen begund/ vñ Judas in dz er-  
trich graben was do das kreutz lag An der selbē stat  
do er .xx. elbogen ein grub do fand er drii kreutz ligē/  
den ward da von meniglichem grosse er erbotē Da  
west Judas nit welichs das recht kreutz wār/ do starb  
ein mensch in der selben stund in d stat/ do hieß man  
pald lauffen vñ den totē dar bringen/ dān er her gros-  
se hoffnung er wolt das recht kreutz finde. Also nam-  
men sie ein kreutz nach dē andern vñ legten sie auff  
den toten/ er ragt sich nit bis das recht kreutz kā/ vñ  
do man das auff yn legte do stund d tod zu hāt auff  
vñ do er lebendig ward do schrey der teüfel ausser dē  
lufften her ab das es alle menschen horten die da wan-  
ten. Judas du vnseiliger man was hast du getā/ du  
solt on zweifel sein ich bringe ein an dz kreutz der des  
gemartertē gottes verlögnen wirt/ d keiser in meins  
em namen soll sein/ der selb wirt mich an dir rechen.  
Vnd da dasselbig zeichē beschach do stift die frau

ein kirche vnd ein münster an die selbe stat vñ für  
ret dz kreuz mit ir heim vñ bekleidet es mit gold vñ  
edelm gestein. Judas ließ sich tauffen vñ d' Bischof  
hieß yn Curtabus. Darnach starb d' Bischof vnd die  
Künigin satz yn zu ein bischof gen Jerusalem. Er  
ward der welt gar lieb. Da bat die künigin d' Bischof  
off das er ir hülf vmb die drey negel die Ihesu durch  
hend vnd fuß wurden geschlagen. Do d' Bischof ir  
gebet erhört do nā er zu ym die priesterschaft vñ für  
von stünd an gen Cauariam sein gebet hieß er an vñ  
bat got von hünelreich mit ganzē ernst vñ andacht  
das er ym zeigte die drey negel. Da er das gebet vol-  
bracht het do erschein ym ein liecht an der selben stat  
do die drey negel lagen vñ do Curtabus die sand do  
ward er von hertzen fro vñ kam zu d' Künigin Hele-  
na die macht gar ein kostliche peütel darin sie die ne-  
gel legen wolt. Vñ macht ein brieff für das gotzhaus  
das es allweg frid solt hon in allen kriegē vñ solt got  
darin gelobt vnd geert werde. Da sie nū het geschafft  
weß sy begert het do für sie widergen Rom vñ ward  
gar hübsche ordnung vō ir an gefangē. In den zeitē  
was ein herz zu Bissena in d' stat des nam wz Eme-  
rius d' besant Helena wān sie het vō ym gehört wie  
das er von teütschē landen wār vñ fragt yn von wā-  
nē er wār. Er sagt ir er wār vō Trier vñ wār mit dē  
Margrafen hinein kumen vñ het vier sün vñ toch-  
ter sein weib hieß Marina vnd sein geschlācht von  
Marpach vñ d' zwölff geschlācht einer vō Trier Do  
fraget sy in ob er ein crist wār. Ja sprach er Do bat sy  
in gar tüe das er ir in teütsche land züg vñ ir ein stat  
erwelte do sie das loblich heiltum ein teil hinfickte  
do es geert würd. Emerius wz ir willig vñ gehorsam

Herz Emerias wie er dar komē wer vñ geschickt vō  
d̄ Künigin Helena/ vß wurden die stück des heiltūß  
verkündet In dē land was ein selige fraw die het ein  
Besundern willē alle iargen Rom zūgan/ do sy dz so  
offt t̄het do ward es dē Bapst gesagt/ der wolt sy sehe  
vnd ließ sie für yn bringen vnd fragen warum sie so  
offt gen Rom k̄mme. Do saget sie ym/ auß keinner  
andri vrsach dān allein wān sie wider heim keme so  
het sie belangen wider gen Rom. Do fraget er sie vō  
wānen sie wer. Do sagt sie ym sy wer von dem Hei-  
ligen berg. Do ließ er ir sagen sie bedörfft Rom nit/ sy  
het heiltūßs genūg do heimen bey ir/ vnd gab ir zū  
büß das sie ym des ertrichs von dem heilige berg solt  
bringen oder schicken/ dān er ebenso gern auf dē Hei-  
ligen berg komen wölt als sy gen Rom/ so v̄möchte  
er das an dē leib nit. Darzūmal ward d̄ berg vñ die  
vesten geheissen der heilig berg/ vñ sein sūn die von  
dem heiligeberg. Darūß ward d̄ lauff vil vñ so gar  
groß das sich aus d̄ massen vil volcks an yn begabe/  
vñ ym zinsenten vñ v̄ndtenig wurden/ da nit er ser  
zūnam vnd mechtig ward. Vnd dz ward zwen her-  
ren darzūmal gar vast ībel verdriessen/ d̄ hieß einer  
Amelang/ vñ was von der silß/ der and̄ hieß Gilg  
d̄ was vō Kelmūng/ vñ die zwen genanten herren  
näent vil volcks zū yn/ vñ al ir gūt güner vñ zugen  
vff yn an dē zwölfften tag des Mertzē vñ lagēt do  
vier tag/ do ward alles volck plind. Da was grosser  
iamer in dē hör. Da kam die selig fraw Claret a vñ sa-  
get vñ riet in das sie ein ewigen frid mit im machten  
so kement sie wid vñ würden gesehen Do die herren  
hörte die borschaft werben/ do wurden sie ein gelast  
en mit vierundzweingig mānen/ vnd für das heil

vnd zoch auß vñ besach manig end. Zulest k̄ er in  
Schwaben auff ein berg d̄ gefiel ym wol vnd machte  
ein capell darauff in der ere des heiligē kreütz. Vnd  
zoch wider zū Helena vñ sagt ir was er geschafft het  
funden vñ gebawē. Da danckt sie ym vnd bat yn zū  
besūchen ob yemant an das end komē wolt vnd sein  
wonūg do haben. Da antwort er vnd sprach, wāt ich  
neißwer zū nütz vñ eūch zū eren so wōlt ich selbs dar  
ziehen mit weib vñ k̄inden/ d̄an es mir aus d̄ massen  
en wol gefelt. Des sagt sie ym danck/ vñ bat yn zū r̄i-  
sten als er auch thet. Er kam wid̄ zū Helena do gab  
sie ym ein michels stück vō d̄e heiligē kreütz/ vñ des  
stūls do Ihesus auff gekrōnt ward/ der krō/seül/gei-  
sel/rūt/ des schwmb̄s/ des hars Marie/irs m̄atels vñ  
des tūchs ab irem haubt/ des kleides Herodis d̄z Cri-  
stus an het/ des kleides sans Johānsen das er verließ  
do Cristus gefangē ward/ auch des steins do er auff  
k̄riet an d̄e ölperg/ vñ sunst mengerley heiltūbs, vñ  
ein michel gūt vō gold vñ silber. Do zoch er aus vñ  
bauwet alldo ein schöne wonūg vnd vesten. Do er  
nū wol gebawen het do kam als gott wolt ein iāmer-  
licher s̄ichtag in die welt/ das die leūt nider fielent vñ  
sch̄irent/ vñ ging yn der safft zū dem mūd aus das  
gar vil leūt sturbent.

**D**u was ein stein an dem tieffen see gelegen  
do was ein s̄alige frau auff die hieß Claren-  
ra/ die tag einer nacht an irem pet/ do kam ir  
für das die mensche soltent sich antworten auff den  
neūwen berg/ so würd der geb̄est ein end nemen Da  
ward dem volck̄ des landes das geoffenet/ vñ ward  
ein vast grosser lauff auff den berg/ wer dar kam  
oder sich dar verhiess die genaset all. Da offnet in d̄

*Credere p  
est.*

*in d̄e h̄eden  
in d̄e h̄eden*

zum gefürt/Do wurden sie vō stund an gesehent/Do  
ward das gantz volck darfür besant vñ wurden al  
wider gesehen. Vñ zwischen in ewiger frid vñ fründ  
schafft gemacht. Vñ gab d̄ Herz vō der filß sein tocht  
ter seinē sun Alban/Do bauet er auff den vels̄ Do die  
fraw Clareta auff saß ein Kastele vñ sagt sein sun Al  
ban darauff/vñ nant d̄ Kastele Merespurg Diesalig  
Clareta bauet ein Kloster mit sibentzig mägte/Des  
nam was Kßling. Vñ der Herzen von d̄ filß warēt  
drei Brüder/einer hieß Amelang/der and̄ Hāns/der  
drit Wilhalm/vñ Amelangs wesen w̄z zū Gmünd  
Hānsens zū Hiengen/vñ Wilhams zū Pfullendorff  
• **D**arnach macht d̄ Herz vom Heiligē Berg ein  
Kastele bey ein schön prunen der wiet dreier el  
pogen hoch auff von der erden/daz ward in  
neün monaten gebawen von dem gemeinen volck  
vmb das Brot/dān ein sack mit Korn den ein yeglich//  
er ring trüg galt gern drey marck pfennig. Do nun  
das Kastele gebawen ward Do nant er es Walsee/vñ  
gab es seinem sun Alban/vñ nant yn ein Herzen vō  
Walsee/da bauet d̄ Herz vō Kelmüntz ein stat hieß  
Weming/darumb das sich manig mēsch Do erneret/  
das sunst grossen hunger müst haben gehebt/od̄ gar  
Hungers sterben. Nū het er gar vil Korn vñ bauet  
sunst noch ein Kastele hieß Babenhansen/Do was ein  
Herz in Schwaben d̄ het sein wonūg zū Dillingē der  
Her des vō Kelmüntz tochter zū ein weib vnd was  
sunst keiner vō Kelmüntz mer/darum̄ so erbt er yn.  
Nū dingt er sein sweher ein schreiber vnd bestalt yn  
das er yn ertöte solt/darumb gehieß er yn. xx. marck  
silbers Vñ auff ein tag an dem abent Do gieng d̄ Herz  
vff dē Berg bey dem schloß spatzin do stieß in d̄ schrei

*Babenhansen  
Dillingen*

Ber überab vñ vil ertrichs mit ym/als ob es süst mit  
ym hinab wär gefallen/vñ schrey gar laut. Dwe mei  
nes lieben herze. Da dz die fraw vñ die andn in der  
vesten erhörtē die schreient vñ lüffent heraus zū in  
do kund er nit mer reden/vñ starb vō stundan. Do  
kam sein tochtermā der herz vō Dillingē vnd tet als  
ob es ym vastleid wär/vñ nam dz güt/land vñ leüt  
ein. Da kam herz Jacob vō Rßlingē seiner schwester  
er sun vñ herz Peter vō Wolffs reit auch seiner swe  
ster sun die meiten auch erben zū sein/das mocht yn  
dannocht nit gon/vñ würdet vneins. Do er nū dem  
schreiber sein verdienst vnd vheissengelt solt gebē do  
wolt der schreiber mer haben/do wolt yms d herz nit  
geben. Da kam d schreiber zū dem herzen vō Rßlin  
gen vñ sprach wölt er yn nit meldē vñ jm ein behau  
fung bauwen da hiner ym wolt sagen/so wolt er ym  
vñ seinem vettern zū dem erb helffen/vñ thet er daz  
nit so solt er yn töten. Das sagt er ym zū/vñ bauwet  
ym ein veste auff ein hohen berg vnd gab ym die ein  
Da wolt ym der schreiber nit halten/vñ müstent die  
zwen herze beyd ir freünd vnd güt günnner anrüffen  
vnd nament zū yn den vō Berneck/den von Rotē  
burg. Seiffrid vō. Stauffn. Wilpart vō Krenberg  
vñ zugent für dē schreiber/do begeret er das mā ym  
das leben frist so wölt er sagen wie es ein gestalt het  
Sie fristent ym das leben Da saget er yn ganz wie  
es ergangen was Da nam yn der herz von Rßlingē  
vnd fürt in mit jm. Da er in heim bracht do fragt er  
yn vō wannen er wär/do sagt er ym er wär vō Die  
trichberen vñ wär des geschlächts die man nānt vō  
feigen/vñ ein plowen schilt fürtē vñ darin drei grün  
feigē/er het auch weib vñ kind vñ wär an zeitlichem



*Cayphas*

güt arm worden/ vñ sagt wie sein vordn vō Jerusa-  
lem wāren kumē/ vñ von Keiphas geschlācht gebo-  
ren/ dān Keiphas het ein brüder d̄ hieß malchus der  
het vil kind gehebt/ vñ den warēt zwē güt meister  
in der schwarzen kunst/ der ein hieß Symō der and̄  
Dalmar/ die kamē beid über mōz. Symō in ein stat  
genant Gent Dalmar in Lampartegen Bern/ also  
ist vnser geschlācht herkumē über mōz. Also ward dē  
herzē vō Euslingen vñ sein vetern vō Wolffs reut  
geraten das sie nach dem vō Dillingen stalten Das  
hetē sie vñ fundent yn in ein kassel d̄ hieß Lawin-  
gen/ vñ gleich vō stundan fürten sie yn für dē künig  
Sigmund/ des wonūg was dazūmal zū Trier/ vñ  
rüfften das recht an/ do wurdē vil leüt darzū berüffe  
vñ das recht gab das die zwen herzen dē mōrder vñ  
schreiber bringē solten. Nach dē ward zū hant gesant  
do stund der herz vō Dillingen in grossen laugnē  
Da zeigt d̄ schreiber zū Kelmūntz die brieff so er mit  
sein selbs hand geschriben het/ nach dē ward pald ge-  
sant/ do die kamen do befant sich mit warheit d̄ das  
übel vō dē herzen kumen was. Do het d̄ herz vō Dil-  
lingen ein herzen vō Hirschorn bey im der hieß Phi-  
lipp dem bat er zū gebē ein vest mit namē Landaw  
Das geschach/ vñ ward geheissen herz Andrez vō  
Landaw. Es het auch der herz vō Dillingē mit mer  
kind dān ein knaben d̄ was in dem dritē iar/ vñ w̄z  
die frau verwidemet auff ein schloß hieß Feichingen  
Das gab mā der frauen/ do gehört wol sechs hūdert  
marck an gold vñ korn zū. Nū ward an gesehen d̄  
man dē kind seins vaters güt wārtē lassen solt bis er  
zū seinē tagen kām/ vñ solt ym vormünd̄ gebē/ also  
ward ym gebē herz Nidiger vō Wasserburg vñ Pen

*Landaw.*

ter vō Kulental. Nū ward 8 von Dillingen gerichte  
als er verdint het/ do woltent die herze den schreiber  
nit töten lassen/ dān sie hetent yn des lebens getröst.  
do ward an gesehen dz man in vmauren solt vñ zū  
essen gebē bis in sein tod. Es ward auch an gesehen  
vñ ernstlich geschafft vō dē künig/ wäre das 8 Knab  
zū sein tagen kām das man yn geistlich machen solt/  
wölt er aber nit geistlich werden so solt mā yn ein ley  
gen vñ versorgen damit er kein frawen nemē möcht  
dān sein plüt vnwirdig wār. Do ward auch dē schri  
ber vñ allen sein nach komē genomē das sie nit mer  
solten die feigen füren/ sie möchten aber wol im schilt  
füren fünff od neün kalbs platern/ vnd soltē auch ni  
mermer nichts eigens haben/ vñ was sy hetent od zū  
ewigen zeitē über kumen möchtē das solt lehen von  
den herzen vom Heiligē berg sein/ die dān in teütsch  
en landen wärent/ vnd i dem Römischen reich. Vñ  
welich des namē vnd stammen vō feigen wärent in  
Lampartē von den herzen vō Vincentz. Nun nam  
die fraw vō Dillingē iren sun vñ bauwt ein kloster  
das nant sie Sefling/ vñ bauwt ir ein wonung dar  
bei vñ was mit irem sun da bis er. viij. iar alt ward  
do überkame die frauwe den knabē das er sich begab  
geistlich zū werdē die weil sein mütter in lebē w3/ vñ  
darnach wölt er aber tūn was yn sein fürmünd vñ  
freünd hießent vñ rietent Da macht die fraw in das  
kloster. lxxij. frawen/ dar über gab sie ein vogt grass  
Wilhalm vō Helffenstein/ vñ den frawen gab mā  
zū einem verseher ein tūmherze von Wullensteten  
Der knab ward gebissen vō ein vnfinnigen hund/  
vñ starb am. xv. tag elendiglich/ vñ lebt die mütter  
nach ym. viij. iar vñ viertthalt monat/ vnd ward be

graben in de kloster Sefling dz sie selbs gestiftet hat.

*Das saxon  
vix regit  
Regensburg*

**D**en künig Sigmund starb do ward hertz  
og Ludwig vō Sachssen künig/dazumal  
was grosser vnfride in teüschē landē. Do  
ward ein gesprech oder tag gerüfft vnd gelegt in ein  
stat an der Donaw hieß Regenspurg dahin kament  
geistlich vnd weltlich mit grossen gewalt vñ macht  
vñ künig Karolus vō Böhem mit der guten müntz  
vnd ein graff vō Nisland/Gabriel vō Meienberg  
der kam mit grossen volck Da was ein graff von de  
rotensan yetz vō Montfort ein grosser starcker man  
der stünd vor dem künig mit andern herē Da gieng  
der graff ein vñ einer seiner diener mit ym d schlüge  
in mit ein stab vñ sprach. Tuck dich du langer man  
Do warff sich d vom rotensan vmb vñ nam de graff  
fen d was ein klein man bey dem hore vñ warff den  
vnder sich vñ sprach. Streck dich du kurtzer mā Do  
warde ein grosser außlass das mer dann achtzehen/  
hundert man erschlagen wurden. Da ward d künig  
verborgen in eins juden hauß dz ym nichts geschecht  
Der selbkünig gab den juden vil freiheit/vñ die grō  
sten die sie noch hand. Nu ward ein grosser außzug  
von der stat yederman heim/do west dannocht nie/  
mant wo der künig hinkomē was/dann es was nie/  
mat mit ym hinweg kumē dān allein d Marschalck  
vnd ein knab. Darnach über dreiwochē ward er ge/  
funden bei graff Metzeln von Fogburg/do berüfft er  
ein andern tag vnd gesprech gen Heilprunn/vnd do  
die herren wider heim kament do ward graff Hein/  
rich vom rotensan an ziehen vñ geschuldigen de gra  
fen vō Werdenberg mit dem weissen fan wie er wär  
von ym geflohen/daruon wurdent sie so vneins dz

*Heilprunn*

sie den kampff butent. Vñ solt das beschehen vor de  
künig vnd andern herze die dazumal zu Heilprunn  
warent. Dān sie herrent vormals auch ein vnwillen  
gegen einander vō der schloß vorst vnd iagens weg  
en. Nū kam herz Hanns vō Werdenburg vnd mit  
ym herz Thoman vō Nellenburg sein schwager, vñ  
herz Sigmund vō Helffenstein seiner schwester mā  
vnd graff Balthaser vō Wegk vnd Bartholomeß  
vnd Veit vō Reckberg, vnd Philipp vō Westerste  
ten. Peter von Mülhausen. Seitz von Grafeneck/  
vnd Hanns von Griesingen. Claus vō Kamstein  
vnd Jacob vō Lmerchingen vñ sunst vil schlechter  
edelleit. Vnd do bracht graff Heinrich vō dem ro//  
tenfan mit im herzen Lffram vō Arburg, vnd her//  
ren Seiffrid vō Lichelberg, vnd Lutzen von Asch  
herz Anders vō Klingen. Wolffart von Grenbach  
Hannsen vō Hochenstein, vñ Pauls vō Schwein  
hausen. Wilbrecht vō Hochenek. vñ sunst auch vil  
schlechter edelleit. Do sie für de künig kament do ret  
herz Henrich von Salwerd von heissens vnd züge  
bens künig Ludwigs de herze vō Werdenberg vñ  
dem herzn vom rotenfan ret herz Hāns von Oschen//  
stein. Vnd do sie nū lang vnd vil retent do begert d  
künig die sachen in der gütllichkeit zū richten, vñ mit  
der nū zū entscheiden. Das wolten sie nit vergünnen  
Vnd do die herzen die mit im da warent vnd ander  
ir freünd ersahent vñ iren grossen neid erkantent do  
wurdent sie einß vnd viengent sie beid vñ satzten ir  
vneinigkeith in geschriff, vnd legten sie beid zusamē  
in ein stüben, vnd sagent yetweder in einen stock  
vnd befalchent yn das sie sich mit eināder beintem/  
vnd ansehent das sie von einem plüt vnd vō einem

staman geboren vnd herkommen wärent/ vnd thetē sy  
das nit bis morgen vmb die ächte so wöltē sie in ge  
schrifft zeigen die siemüsten halten. Da es nū morgē  
was do kamen die herzen vñ freünd zū yn do warent  
sie vil vneinsē dān vor. Vñ do die herze das kante  
do nament sie die geschrifft vñ hūbent yn die für/ die  
stünd also das sie einander güt freünd solten heißen  
vnd sein/ von der geschicht wegen zū Regenspurg ge  
sehen/ dasolt von keinem teil yetz vnd hernach ni  
mermer gemelt noch für gezogen werden in keinen  
weg dān von der vesten land schloß vnd forst wegē  
solt die veste Werdenberg dē rein auff das land bis  
an Salganer herzschaft gan/ vñ vñdsich ab bis an  
die pfarkirichen Grienstein/ daran stößt d herzen vō  
Keinegk herzschaft. Vñ des herze vom rotenfan ve  
sten vñ kassel felt kirch ober halb solt gan bis an des  
herzen vō Nüburg herzschaft/ vnd vnder herab bis  
an des von Bregentz herzschaft. Vñ solt von in bei  
den ein thürn gebauwē werden der solt dē vorst/ en  
halb vnd dißhalb Keins in irer beider land teilē/ vñ  
der thürn ward geheissen Vorsteck.

**D** Vñ het der herz vō Bregentz ein tochter vñ  
ein sun die het er auff der vesten/ vnd er vnd  
sein weib warēt in dem kassel Bregentz/ sein  
fraw was ein von Schlüsselberg/ so het d herz vom  
rotenfan ein brüder der was der jüngste vñnd hieß  
Walsier der ward d jungkfrawen hold/ vñ stig einer  
nacht über die mawrn zū ir/ vnd fūrt sie vñ die alten  
frawē mit ym gen Aspermont Darab ward ir vater  
vast zornig/ vñ wolt ye die ding nit vricht lassen sein  
vnd mechtiget sich vnd zoch über den herze vñ wolt  
ym beschedigen. Des ward sein vater von Tübingē  
junē/ der het ein schwester man hieß graff Wilhelm

Reynert

Von J. J. J. J.

mon vō Wolckenberg zu kauffen. Der Herz vō Bre  
 gentz fūrt ein hermin Kürse vñ miten dardurch ein  
 gelben strich vnd drey schwarz egli darin. Da het d  
 Herz von Wolckenberg ein alte frawen die was eine  
 vō Krenberg vñ het kein kind, do erbt yn der hertz  
 og von Schwaben, die lehen erbt Herz Luy vō Kren  
 berg vñ schilt vnd helm damit Do nū hertzog Wal  
 thaser von Schwaben het genomē hertzog Albans  
 rochter von Münche die het in .xiiij. iaren kein kind,  
 do het der selb hertzog ein iäger dem getrawt er vast  
 wol vñ legt mit ym an wen sein weib eins kindlins  
 swanger würd dz er es heimlich het so müst sein weib  
 tūn als ob sie swanger wär, vñ wān sein weib genās  
 so solt er ym das kind bringē, vñ sein weib müst tūn  
 als ob es ir wär. Das geschach do was grosse freud,  
 vñ nant yn Bund? Nun herent des iägers nachbau  
 ren gehōrt etwas vngheürs in d nacht die fragten  
 was es wär gewesen, er sagt yn die iaghunt heten gen  
 welfft. Do d knab .xiiij. iar alt was do wolt er nū bei  
 de iägern sein, vñ do er w3 in dem .xxij. iar do starb  
 der alt hertzog, do wolt man de jungen ein fraw ege  
 ben ein hertzugin vō Geldern. In dem schlug d iä  
 ger einē am hoff, darumb lag er in dem tūrn, do kam  
 des iägers weib vñ begert heimlich mit de herē zu te  
 den, das trib sie so ernstlich das sie d Herz ließ eingan  
 vñ yd man hinaus, do viel sie ym vmb den hals vñ  
 sprach. Herz lieber sun, vñ sagt ym das d iäger sein  
 vater wär, vñ wie es ein gestalt het gätz überal. Do  
 erschrack er von hertze ser vñ sendet nach sein beiche  
 vater hieß meyster Cunrad lob, d wolt ym nit raten  
 das er ein frawen nām, er wōlt dān sein sel verliren  
 Da nam er des herze vom Heiligen Berg sun zu em

*Handwritten marginalia:*  
 Krenberg  
 Geldern



Hieß Hugo vñ ließ ym die hertzogin vō Geldern geben/ das was mit d lantz herren willē/ vñ mit in iūß er ein kumē das er das hertzogtūm inhaben solt vñ sein lebrag besigen vñ regirien. Darnach mochte die lantzherren aber ein welen wie sie meinte der dartzū sūglich vñ gūt wār. Nū was ein nichel bereytschafft da die nā hertzog Bundus/ vñ etweuil gelegner gūnter/ vñ kam in dz gotzhaus Altdorff vñ dint got gar ernstlich. xxix. iar. Da ersterbē wolt do besat er hertzog Hug vnd mit ym die aller mechtigistē herren des lands vñ sagt in wes sun er wār/ vñ gāt wie es vñ ym ein gestalt het/ do ward er geheisse hertzog Wolff vñ ward also in die gedechtnuß vñ iartzeit geschribē vnd w3 hertzog Hug den sterbent geflogen auff Bienburg.

*panver*

**D** Vn het er zwen sun vñ fier tochter/ einer hys Heinrich/ d ander Kūland/ die erst tochter Helena/ die ander Clareta/ die drit Feronica die viert Magdalena. In den selben zeyten stunde ein gelāß auff vnder den paren das keiner mer wolt schuldig sein dann den geystliche den zehenden/ vñ seinem herren. xx. pfening vñ ein henē/ vñ wolten nū fier gericht des iars haben zū de fier quetenbern/ vñ meinten nū. viij. erwelen vnd die ein herre zū schick en/ vñ vnd den ein Aman vñ ein richter auch erwelen vñ zū de. xij. setzend solt fragen vñ öffnen/ die vrtail pieten vñ verpiete wie dān das zū de rechten zū met. Das het ein meyster zū Augspurg prediget vñ zū wegē bracht/ hieß meyster Matheus Korsag. Do kamēt die land herre zū de hertzog vñ wurden einß. Das ein yeglicher her sein leūt vñ vndertan solt besēden vñ mit in reden vñ fürhaltē die heilige geschrifft

*Der Herzog vnd  
d. Kaiser.*



von Helffenstein, vñ sein tochter man groff Burck  
 hart vō Wegk / vñ graff Wendel von Ortenburg /  
 die zugen mit grossen volckgen Bregentz / vnd für  
 das kassel Lindaw vñ zwungent die vñ irn herren  
 das sie mit irem herē vom rotenfan gericht wolten  
 sein / vñ sich begeben gen ym vnd verschreiben / weñ  
 des namen vō Bregentz das māns pild nit mer wā  
 re so soltent all land / vñ leüt vñ was er od sein nach  
 kumē die dān d̄ letst des namen verlassen het erben  
 die des plütz vñ namen vom rotenfan wārent Das  
 ward alles mit briesen vñ leütē gefestigt. Nun über  
 vier iar darnach do was sein sun hieß Hugo in seinē  
 kassel Lindaw / dz lag dozumal nit im see / do het ein  
 ner vō Lms ein tochter hieß Lva / die wz gar schön  
 d̄ nam die vñ macht sie schwanger / do was ein man  
 in der stat gessen hieß Schönstein / der gab den vō  
 Lindaw den rat das sie mit irem herre Hugo retten  
 das er etweul geltz vō yn nāme vnd sie frei sagte / so  
 wölten sie ym helffen das er ein vesten vñ wonung  
 bauwte vnd sein liebe frauwen darauff sagte das sie  
 sicher wā das sein freünd ir nit leid taten. D̄ tribē  
 sie so lang das er mit yn einß ward vñ .xij. marck /  
 halbgold vñ halbsilber da nit bauwte er ein vest hieß  
 Bodman. Do sein vater starb do nam er sie zū d̄ ee  
 vnd het mit ir drei sūn. yn woltent die herre vom ro  
 tenfan nit erblassen sein / er was gar einfeltig / vnd d̄  
 vom rotenfan überkam mit ym vñ das erb vñ gab  
 ym Wegkinge seins brüders aus d̄ sāligen Reichē  
 aw fluchthaus / vñ gab dem Abt darūm .xxj. marck  
 silbers / vñ nam Bregentz ein mit allem land vñ zū  
 gehör. Sein sūn hieß mā die vō Bodman. Nū het  
 er ein freie herzschaft hieß Eglos / die gab er herz Si

von Leon  
 1/2 e. 119. 120

& bebst vñ der Keiser bestatigung vñ ordnüg/ vñ we  
 lich mit gehorsam woltent sein so soltent im die andr  
 all helffen sie zu zwingē. Da was ein herz vō Kling  
 en do setzent sich die seinē wider In de kam hertzog  
 Hugens sun vñ mit ym vil herze/ nun was ein paur  
 Quant sich Heintz vom stein ein herfürbringer & ge  
 rechtigkeit vñ ein hauptmā/ do kament sie mit einan  
 der zu schlachen vñ ward des hertzogē sun erschlagen  
 vñ vil herze/ dannoch lagē sie den paurn ob vñ fin  
 gent den haubtman der sagt in allen iren geheim.

**D**A zū mal was ein Babst der hieß Urban / &  
 gebot aller priester schaff/ das sie den paurē  
 kein außrichtung taten vnd ym sie schickten  
 die wider ir herzen wärent. In dem ward zū ym ge  
 schicket der paurē haubtman/ vñ ym ward zū büß  
 gegeben das er vñnd die vnder ym wärent gewesen  
 soltent zū dem Babst Urban gon. Sie kament zū  
 dem Babst do sie nū et we vil zeit da warent/ do gab  
 er yn zū büß das innigliche gericht do des geschlä  
 chts innen wāre alleweg ewiglichen. v. iaren der  
 drit teil gon soltent gen rom/ vñ ein yeglicher an tra  
 gen ein weiß leine kleid/ als lang vntz biß vff die füß  
 vñ vngegürt/ in stetten märckte vñ in dörsfern/ vñ  
 parfuß/ vnd ein stab in der hand tragē/ vnd die bāre  
 lassen wachssen. Das geschach nach der gebürt. Cri  
 sti vnser s herze neinhundert vñ zweiundzweintzig  
 iar. Die selb schlacht geschach an dem Rein. Vñ do  
 ward ein kirchen gebawen vnd geheissen das Pan  
 tadis Vnd Ulrich truchßsäß von Diessenhoffen legt  
 de ersten stein daran. Nun was ein Königlichē Kü  
 nig abgangen des namme was Ludwig. Do nun &  
 selb gestarb. do warent zwen herzen von Stauffen

9 2 2

Künig



zwen Brüder die warent von dem plüt des hertzogen  
von Schwaben/der ein hieß Ludwig vñ der ander  
Cünrad. Der mütter was Graff Ulrich vō Heilff-  
enstein des jungen tochter. Vnd warent die brüeder  
vast vneins. Vnd Cünrad het innen Hochenstaff/  
do bauwet Ludwig ein schlößlin darbey dem gaber  
den namen Stauffenegk. Nun was ein Graff von  
Ortēburg bey dem Grafen vō Heilffenstein an dem  
hoff der erwarb Cordulam der herren vō Stauffē  
schwester/vñ fürt sie in Kerrentland zū seiner mütter  
die was eine von Senegk. Dān sein vatter was tod  
vnd het zwen Brüder vñ zwo schwester/der ein hieß  
Herman/der and Sigmund. Er hieß Dietrich, die  
ein schwester hieß Anna, die and Fronica, do starb  
der künig, des ward Ludwig vō Hochenstauffen in  
nen/vnd eilt bey d nacht an das schlos Stauffen zū  
seinem brüd. Der wachter sagt es dem herze/sein brü-  
der wāt do vñ müst zū not zū im. Da gedacht d herz  
er het ein hinderhüt vñ wölt ym das schlos abgewin-  
nen. Do bat er so gar ernstlich vñ tet dz schwert vō  
ym/er gelobt vnd fiel ym zū füßen vñ sprach Lieber  
brüder v̄gib mir das ich dich ertzürnet han, du müst  
künig werdē. Wie sprach er, wo wöllent wir güt vn-  
leüt nemē/er sprach wol, wir haben vil gütter freünd  
vnsrer veter vō Heilffenstein. Graff Ulrich vō weck  
Graff Danck von Zorn vñ vnsrer schwestermā graf  
Dieterich vō Ortenburg. Graff Heinrich von Wer-  
denberg mit dem weissenfan Heinrich Justinger vñ  
graff Stoffel vō Warstein. Graff Wilhelm vō ro-  
tenfan zū Lütich. Graff Hāns vō Keinegk Wolf  
vō Klingē/Graff Wilhelm vom Heiligenberg Nū  
ward angesehen auff wen sie sorg müstē haben der

d

*Praxenberg*

wider sie wär/vn yn wee vn schaden tün möcht. Da  
kam yn botschafft/graf Kzels vō Hochenberg toch  
termā. Graff Marquart vō Hapsburg meiner Kün  
nig zū werden Also pald kament mār der Graff vō  
Freiburg meint künig zūwerdē mit macht Do sterck  
tent sich die herze all. Nū het der herz von Stauffen  
gar vil volcks/ des hauptmā was d Graff vom ro  
tenfan zū Lükirch. Vn des vō Hapsburg was Phi  
lipp vō Liechtenberg hauptman Vn des herze von  
Freiburg hauptman was der von Schwarzenberg  
Do zugent sy vn kament zū sammē in dem Seefeld  
ward ein ordnung gemacht das wol zwey thausent  
man an dem spitz warent Da was herz Gallus von  
Unmay hauptman/ vnd warent fünfzehnhundert  
man an der rechten seiten vnd souil an d lingken seit  
Zū der rechten seiten was hauptman Paulus von  
Rechberg Vn zū der lingken seitten Pat vō Künf  
eck. Vn des grossen hauffen was wol achtzehntau  
sent mār/ der was hauptman Graff Philipps von  
Eichelberg der elter. Da giengēt die vordern an wie  
sie bescheiden warent.

**D**o sienun traffen mit einander do floch der  
vō eichelberg vn vil volcks mit im do ward  
der vordern bei sechs hundert erschlagē Das  
sach der von Lükirch vnd schrey vnd bracht sie wi  
der vmb/ vnd kam mit yn wider an die feind vnd  
behüb das feld. Da ward d von Stauffē künig mit  
gewalt vō seiner frümkeit willen vn bauwet ein stat  
hieß Höpping. Da nam d herz vō rotenfan den von  
Eichelberg für vñ die flucht die er getün het Sie he  
tent zū beyd seiten vil freünd bey in/ do ret der Graff

*Nm  
ml*

von Wegk dem vom rotenfan, vñ Seiffrid vō Ro-  
 tenburg dem vō Lichelberg sein schwesterma. Das  
 wert vntz an den sechsten tag. Do ret d von Wegk,  
 den vom rotenfan kurtz weß er yn zig vnd auff ju re-  
 te, das lag offenlich an dem tag, vñ wolt yn des wein-  
 sen mit d hand, vnd ward darumb gekempft. Da zū  
 mal was sit das ein Graff oder ein Herz ein seines ge-  
 nossen müst bey im haben also het der vom rotenfan  
 graff Wilhelm vō Helffenstein, vnd der vō Lichel-  
 berg den herzen vō Rotenburg. Vnd lag d vom ro-  
 tenfan des kampfes ob.

**N**un hette Graff Clemens von Hohenburg  
 zwen sūn/einer hieß Riland/der and Cūn-  
 rad vnd zwo tōchter eine hieß Agata die an-  
 der Anna/eine gab er Wilhelm von Wullenste-  
 ten, der andern Lutzen vō Landaw, die Wullen-  
 stete het kein kind, die ander dreizehene acht tōchter  
 vnd fünff sūn/einer hieß Alban/d ander Burckart  
 der dret Lge der vierd Hug, der fünfft Ott. Nū gab  
 der Burggraß vō Nürnberg dem herzen vom Heili-  
 genberg sein tochter, do stal Lge des heilige kreutz ein  
 stück vñ ließ fassen, do ward er plind vñ vñ hieß sich  
 zū dem wirdigen heiltum zū dem heiligenberg, do ge-  
 docht er nū hab ich sein auch, vnd verhieß also was  
 ym vō seinem vater würde das wolt er gebē an ein  
 samlung, das ym got hülff das er gesehen würd. Da  
 kam ym ein traum in d nacht er solt das heiltum wi-  
 der zū dē andern tragen vñ bringē so würd er gesehe  
 Da nam er das heiltumb vñ bracht das dē herze vō  
 heiligeberg wider, vñ begert beicht vñ büß auch zeit-  
 lich gestrafft werde. Da starb sein vater vnd dem er

*Bringung  
 Nürnberg.*

*Nma  
 nld*



auff was vñ kam ym botschaft das er heim sein va-  
ter wör tod/ vñ bat den herzen vō heligenberg daz er  
ym des helctums ein wenig gāb so wōlt er ein würdig  
gotzhaus bawen vñ seins vaters gūt daran geben  
Das gab ym der herz/ do kam er zū seine brüder vñ  
teilt mit ym/ vñ machtent in 8 säligen Reichnaw  
ein münich/ vñ ward Alban vñ Hego zū samē getei-  
let/ vñ ward yn ein veste mit dē hirschhorn hieß Wir-  
tenberg/ Egen vnd Burckart ward Landaw vñ mit  
verz daruon lag ein meierhoffe hieß Bünstal den nā-  
er dar zū/ vñ. lxx. marck pfēnig/ vnd ließ seinem brüd  
Landaw mit aller zū gehörd vñ fieng an zū bawen  
Vnd do der erst stein gelegt ward do geschachē groß-  
se zeichen/ das gieng seiner Schwester auch zū hertzen  
wann er sagt ir auch was er verheissen het/ do gab sie  
auch daran was sie het/ vñ machtent also ein sam-  
lung mit sechzig mögden vñ nantē es Heiligkreutz  
stal Nū für sein brüder Alben zū vnd er warb das er  
vnd all sein nachkomē solten führen auff dē helm ein  
iägerhorn mit ein gefeß. Vñ die Landaw hetēt die  
soltent das hirschhorn führen. Nū het Ulrich von Ho-  
kenberg ein weib die was herz Hānsen vom Alten-  
steig tochter ein einig kind die het ym geschribē/ dem  
edelmā Egen vō Lindaw das verdrosß in vast vñ  
meint sie solt ym schreiben Graff Egen/ dā es was  
da zūmal vnd auch vor her sit wān ein ritter was er  
wār ein fürst/ ein graff/ oder ein frei so schrib man im  
herz Hāns/ wie der tauffnam was/ was er nit ritter  
so schrib man ym Graff Hanns/ oder wie er dān hieß  
vnd wān ein edelmā ritter was so schrib man im rit-  
ter Cünrad/ oder wie sein tauffnam was/ darüb sind  
die graffen die ritter seind gewesen nit grafe genant

Wittenberg.

Heilig kreutz  
Stall

sunder ist eie ritterschafft vergangen vñ genāt herre  
wie er hieß nach vil ergangen dingen Da nam Lge  
vō Landaw erst ein weib d vater hieß Steffā Grau  
lich/ vñ het neün kind bey ym. Do starb sein brüder  
Bürckart d het siben kind/ des halber erbt er Lan//  
daw vñ ward vor seinē tod seltsich Nū w3 graff Rū  
dolff vom Hochenberg ein frūman aber bekümeret  
vmb dē vnschuldigē tod seins gemahels/ vñ tet sein  
sun zū künig Wenzel vō Behem/ vñ die tochter ver  
sprach er graff Krafft vō Sponheim/ vñ ein graffe  
Fritzen vō Sor zū hechingen vnd graff Hannsen vō  
Sponheim dem altē enpfalch er das land vñ er für  
über möz selb viert/ vñ satz auff die vesten Veit vō  
Berneck vñ enpfalch ym die jüngst tochter vñ also  
starb er vff d vart/ vñ ligt in dem kloster der brüder  
sant franciscen ordē begrabē. Vñ die jüngst tochter  
ward hernach geben einē herzen von Tirstein. Nun  
ist ein vesten ginant Horb die het er vor gepaut vor  
etlichen iaren die ward dē jüngsten sun d hieß Graff  
Herman vō Hochenberg/ do ward graff Cünraden  
alt Rotenburg/ vnd graff Alban. Noch heten sie ein  
brüder d hieß graff Lberhart d hancf zū beiden seitē  
dē ward Birtzdorf geordnet zū leigeding /do w3 ein  
witwe die macht ein bethaus da hin vñ. xij. swester  
in götliche dienst vñ die. xiiij. ein müter vñ vsehlerin  
der andern. Da gabent die herre etweull korns gelt  
darzū da mit sie irs leibs narüg desterbas mochten  
gehaben/ vñ ligt der selb herz do begraben.

**A**S was ein graff vom rotenfan hieß Hein//  
rich/ der het ein frauwen die was graff Dit//  
tolffs von Dockenburg tochter/ die het zwü  
d iij

töchter die eine hieß Margreth die ander Frenna.  
Margreten gab er Dietrichen von Klingen. Fren//  
en gab er graff Ulrich vō Montfort seinem veteren/  
doch so woch es sipp halben wol gesein die het bey im  
ein tochter vnd drey sūn/ d ein hieß Wilhelm der an  
der Ulrich/ d drit Rüdolff. Nū het der vom rotenfā  
kein kind mer/ vnd was er vnd sie alt das sie keiner  
kinder mer warten warent. Da nam Graff Heinrich  
seiner töchter sūn zwen zū ym/ vñ gab Wilhelm ein  
schlos genant Montfort/ vnd het do Rüdolffen bey  
ym zū feltkirch. Nun gab er einem Graffen Ltzels  
tochter von Schellenberg/ vnd sagt yn gen Bregetz  
die selbig frau het fünff sūn vnd ein tochter bey ym/  
einer hieß Heinrich der ander Hugo/ der drit Rülād  
der fierd Hanns/ der fünfft Ulrich. Da nam Wil//  
helm ritter Jörgens vō Lothen tochter vñnd hetent  
vil kind/ die wurdent nū für schlecht ritters gnoss ge  
halten/ die hieß mā Montforter/ ir wappen wz dreii  
schwarzeroch in ein gelben feld. Nun starb d gross  
Heinrich/ vñ besaß herz Rüdolff das erb wann das  
was seines veteren geschäft Da ward der herz yelen  
ger ye mächtiger/ vñ d ein sūn ward Abt in d Reich  
enaw/ der and Bischoff zū Salzburg. Heinrich vnd  
Rülād die besassen ired vaters güt Da kam Hugo  
gen Lampartē zū dem herren gen Vincentz do was  
er. xxj. iar bey/ vñ bracht vil parß gelts mit ym. Vñ  
bey ein dorff an dem tieffē See fieng er an ein hauß  
zū bawē auff ein bühel in dē wasser der hieß d Heiß  
bühel/ vnd das schloß zū der langen Argo. Nū bawt  
er wol dritthalb. iar daran do ward er wassersüchtig/  
vnd kam gen Bregenz vñ starb do vñ ligt in dē klo  
ster begraben.

**D**u was Graff Rüdolff gar ein frumman  
vnd het Graff Ludwigs von Phirt tochter  
die het zwen sün mit ym, der ein hieß Ulrich  
der ander Rüdolff. Vnd het Graff Lberhart von  
Werdenberg Graff Hannsen zü ymme genommen  
wän er gar ein vntreü man was, vñ graff Rüdolff  
von Montfort was gar ein frömer herz, das mā yn  
nant den frumē graff Rüdolff. Vnd auff ein tag do  
warent die jüngen herzen beyd an dem geiäg, do kam  
Graff Lberhart vō Werdenberg vnd sieng sie beyd  
vñ firt sie gen Albegk. Da dem vater die mār kamē  
do ward er ser betrüebt vñ reit zü Graff Wolffhart  
vnd zü graff Thoman vō Döckenburg vnd het irē  
rat, da was ir rat das er sich samelet als starck vñ er  
möcht, das wöltent sie auch tün. Das auch beschach  
Da zugent sie gen Werdenberg vnd zer wüstent im  
was sie an kumen mochten. Da sie nū all dar kamē  
do was der vō Bregentz dinner, vnd mochten nütz  
geschaffē. Es halff ym sein brüder Heinrich, an dem  
was graff Rüdolff vast übel, dān er in. viij. iare nie  
kein wort mit ym geredet, dān er saß mit haus zü  
Pludentz vñ het eins paurntochter zü der ee genom  
men der hieß Zehender. Vñ do was Graff Rüdolff  
in grossen kumer vñ sein sün, vnd vñ hieß sant Liē  
hart ein kirchen zü bauwen das sie ledig würden, vñ  
hüb an zü bauwen, vñ do er eins knies hoch gebaw  
en het do het einer von Westerstetē den jungen herz  
en aus geholffen, vnd het sie beyd Graff Wilhelmē  
von Helffenstein gen Hiengen bracht. Nū kam der  
von Westersteten zü dem alten herzen gen Bügētz  
vñ sagt ym wie die jüngen herzen ledig wärent wor  
den, do kamēt die von Werdenberg mit gewalt gen

*Kaiser  
Rosenberg*

Westersteten. Da kammt die Graffen vō Helffen  
stein. Graff Hāns/ vnd graff Ulrich vnd berichten  
es/wān es in irem land lag. Also ward alle sach ge//  
richt/ vnd kament die jungen herze beid wider heim  
Da het sich graf Ulrich zū dem heiligē grab in d ge//  
fengknus v̄heissen/ do für er hin/ vñ nam mit im Ja  
cob Lmser. Waryen vō Keinschwab vñ Rüdolffē  
vō Rosenberg/ do starb d herz auff der fart vñ ward  
begraben in sant Johans kirch zū Genach/ do wolt  
graß Rüdolff der jung ein hirsch iagen zū Beseling  
der stach yn zū tod. Da der vatter sach dz er kein sun  
mer het/ do macht er den vō Bregentz warent auch  
Montforter was vnd der Klausen was vñ Teträg  
biß in den vorst der lantsogtei/ vñ wā er stürb so solt  
Feltkirch vnd Meienfeld vñ Sunnenberg die graß  
schafft halb als er es erkauft het vñ Güttenberg/ die  
eigenschaft het er Ulrichē vō Sachsen sein letrag  
geben. vñ dān so er nit mer wār so solten dān die vō  
Dockenburg das erben vñ hon. vñ machtēt es auff  
das best vñ wān kein herz mer wār vō Dockenburg  
so solt es ein herzn vō österreich gefallen vñ werden  
dān Meiland solt einer frawē vō Dockenburg wer  
dē/ ob eine do wār vñ kein herz. Das ward alles mit  
Brißen vñ allen sachen nach dem besten vñ aller not  
durfft versichert vñ vsagt. Auch gab er dē von Bren  
gentz all sein gerechtigkeit an Wangē vnd Lükirch  
das sie es lösen möchtē mit hundert vñ sibenzig pfū//  
den Regespurger/ die hetten sie dam herzen geliben/  
Nun do erstab do wolt es ym ein hertzog von öster//  
rich nemē/ das wolten die grafen von Dockenburg  
nit lassen zügen. Des wurdent die vō Dockenburg/  
vñ Bregentz vneins/ do richtent sie ir freünd dz die

vō Bregentz das neu schlos Montpfort nemē soltet  
vñ die land vñ leüt so darzü gehörēt helfen beschir-  
men vñ yn des kriegs helffe Da hieß einer Wilhelm  
Montforter der sieng graff Hannsen vō Hapsburg  
der was des hertzogen nester freünd / vñ firt in auff  
Montfort / der het ein kelner der gab dz kauf auff vñ  
nam man den herren heraus / vñ kamen zū gütlüche  
tagē gen sant Gallen / do kament souil leüt dahin dz  
mā sie in die stat nit wolt lon / do wurden sie gricht.

**D** Vn do rom gestift was / darnach was fünff  
zehenkundert vnd drei iar das nie kein kei-  
ser do was. Der erst keiser d̄ do ward zū rom  
der hieß Julius / der was ein teütscher man / vñ was  
vō Trier bürtig. Dē selben keiser satzein herz vō / sch  
waben mit gewalt Der hertzog Breme het vor gekri-  
get mit den Remern hundert vnnnd zehen iar / kreff-  
tiglich vnd on vnderlos. Er bauwet auch mit ge-  
walt für Rom sechs stet auff sie / vñ das sie auch gegē  
teütschen landē sachen / das auch die Römer auff dē  
land nit zū ym mochten kumē / do was die Hohensen  
die Teütschensen. Bewē vñ Brissen. Merland vnd  
Pauy / vnd alles das oppfer das man solt bringē aus  
Lampartē vñ Teütschē landē in das kauf Capito-  
lium gen Rom dē heiligē / das müst man bringē den  
heiligen gen Bern. Dartzū zwang sie der hertzog vō  
Schwaben. Er bauwet auch ein gotzhaus zū Bern  
do man das oppfer hingab / vñ ward auch gebauwen  
in den zeiten als das Capitolium zū Rom gebauwt  
ward. Da kam Virgili<sup>9</sup> zū den selben zeitē gen rom  
der w3 bürtig vō Mantua / der macht mit sein listē  
als er wol kund alle land die der römer waren gewe

Roma  
1503  
Julig

No.

Virgili

Mantua

sen vnd sie hetent bezwunge das sie müstent tribut  
dahin gebe. Also santē die rōmer keiser Julium aus  
mit grossen gewalt v̄ leūt v̄nd auch mit reichthumb  
des güts darmit er gen Schwaben für v̄n daz land  
bezwang v̄n auch andere Teütsche lande v̄n santē  
yn aus v̄o seiner witz kunst v̄nd manheit wegen Do  
hieß ein herz Craffus den santē sie gen Hispania/ei-  
ner hieß Pontheus den santē sie gen Ägypten/ V̄n  
warent da zumal zu Rom. xix. mit den genantē drei  
herren die warent gewaltig über all land. Der yeder  
gewaltig was ein monat v̄n sechs tag/ v̄n was auch  
der Senat ir Hauptherz gewaltig über die lād die yn  
v̄ndertänig warent/ v̄n die selbē v̄n die land gemein-  
lichen santē die drei vor genanten herre aus v̄nd ge-  
butent yn auch bey ir huld das keiner v̄nd yn dreien  
lenger auß wāre dān. x. iar v̄nd welcher v̄nd yn ein  
tag über dz zil auß belib. v̄ het ir v̄n des lands huld  
verloren Da für herz Pontheus in Ägypten v̄n be-  
zwang das land v̄n satz do ein künig mit gewalt/ v̄  
auch den rōmern wartet v̄n yn v̄ndertänig w̄/ was  
sie ym v̄n dē land gepütent des warent sie gehorsam  
zütun/ v̄n hieß v̄ künig Thelus V̄n do für herz Pon-  
theus wid heim vor dē. x. iaren/ v̄n ward v̄o den rō-  
mern wol empfangen Da für Craffus in das lād zu  
Hispania v̄n zwang es auch/ v̄n satz ein künig dar-  
mit gewalt/ v̄n kam auch bey rechter zeit wider heim  
Da für keiser Juli⁹ gen Schwaben v̄n facht mit dē  
herren v̄o Schwaben/ v̄n teten drei feltstreit/ dē ein  
auff dem Hasen büchel ob Süessen bey dē Lech den an-  
dern bey Mündelheim/ v̄n mochtent keiner dē andern  
angesigen/ als mächtig warēt sie beitt Da wurdent sy  
mit einand versönt v̄n gericht/ v̄n wart v̄o schwa

Ben des Keisers diener vñ gab ym vñ bauwet ym ein  
stat darumb zu lieb/ das er dar mit seinen leuten wit  
wen vnd weisen besserte/ vñ die schaden vō jm vnd  
den seinen enpfangē hetten. Er galt auch den armē  
leuten was sie von seinem wegen vlozen hetent Die  
selb stat ward geheissen Tharcinus/ das bedēit ein  
stat der milten Julius d Keiser vnd der Herz vō Sch  
waben die fürent mit einander in dz land zu Beirn  
vñ fachtent do mit zweien Herzen vō Beirn/ do wur  
dent die selbigen zwen Herzē auch des Keisers diener/  
dān sie zwen Brüeder warent. Vnd het yn der Keiser  
beiden angesiget/ der elter hieß Portemont d jünger  
ygrum Julius der Keiser bauwet yn auch zu liebe ein  
stat die hieß er Albach/ vñ macht in do ein Margraff  
thüm Er für auch mit in durch das land mit gewalt  
Er bauwet auch Wienn/ vñ bezwäg Behemor lād *Vnde Sulz*  
Boland Sachsen Meissen Osterland Thüringē  
Westfalen. Hessen. Westerreich/ vnd darzu winn  
discheland auch besaß er Trier dritthalb. iar on vñ  
derlos.

**D**Vn warent in Trier zwölff Hertzogen mit  
wesen/ vnd er bauwet auff sie mengen grossen  
en steinberg Andernach Büchsparten Wen  
sel. Wenz Oppenheim vnd Altsach Nungabent im  
zwen Hertzogen Trier im sein gewalt/ der hieß einer  
Eigentür/ der ander Dultzemer/ die selben Herzen  
satzten Julium denn Keiser gen Wenz zu haus mit  
weib vnd mit kindē Vñ dauon heissent die. Wenz  
er noch heüt beitag vō alter her mengēger verräter  
Vnd do besetzt d Keiser die lād vnd Trier/ vnd gab  
dem Hertzogen vō Schwaben vñ den zweien Hertz  
e ij

*Wenz  
verreter*

*Wenz  
verreter*

ogen vō Beirn vrlaub vnd ließ sie wider heim faren  
vnd er für gen Rom Mit was keiser Julius eins hal  
ben. iares lenger auß gewesen dān die zehen. iar wie  
es dān die Römer gesagt vnd geboten heten. Also  
versagte sie ym kuld/ vñ wolent yn mit einlassen do  
erschraek der keiser ser vñ ward des von gātzem sein  
nem hertzen betrüebet dz er meinet er solt des pillich  
geniessen das er es also wol geschaffet hette/ vñ ent  
bot es seinem ohem dē hertzogen vō Schwaben / vñ  
flagt es ym/ vñ bat yn fleissiglich ymmer durch sein  
ner liebe willē das er ym zū hilff kōm/ vñ brecht mit  
ym alle die/ die er meint im gūts zū gūnnē Vñ kam  
zū ym mit einem gat grossen vnzalberlichem volck/  
vnd kament vñ zugent für die Römer. Da nun die  
Römer vernamēt das d̄ gewaltig künig Breno fu  
men was mit so grossen volck/ do erschracken sie gar  
ser dān er het yn vor auch gar vil leides gethūn/ vnd  
von rechter forcht da fluchent der gewaltigen herren  
zwen vō den zehen/ der ein was der hertzog Pompey  
us/ der entran vñ floch in Egiptē land zū dē künig  
Bartholomeus/ den er auch dahin gesetzt het/ vñ do  
was er auch sicher Da floch herr Taro der ernsthafte  
richter/ vnd entran mit einem grossen volck an das  
mōz vñ wolt darüber gefaren sein. Da eilt vnd zoch  
ym hertzog Breno noch mit seinem volck an dz mōz  
vnd facht mit ym vñ schlug yn zū tod vnd vil seins  
volcks mit ym Da das die Römer vernamē do wur  
dent die acht herre zū rat/ die auch gewaltig do wa  
rent das sie Julium dē keiser enpsiengent zū einem ei  
nigen herren vnd iren gewaltiger vnd keiser. Wān  
der gewaltig got wolt es also habē/ vnd sie machrent  
ein loblich gesang damit sie yn enpsiengen vñ enpsa

M  
B

ken woltent Vn das gesang sprach also Got der al  
mechtig vnd gewaltiger Herz & sey gelobt trulich/ wir  
kettent vor. x. Herzen den sprachen wir alle Herz/ vn  
müß auch in das land vndertänig sein wā wir aber  
nū ein Herzen haben der soll auch ir aller ere vnd ge//  
walt haben vn würdigkeit in alle billichen sache/ vn  
wā er auch & erst vn einiger künig ist vn ir Herz de  
nie gesprochen ward von vns Herz/ wā es tūzet da  
zum al yedermā den andn/ die selbere vn würdigkeit  
gewalt krafft vn macht die Julio de keiser gefestnet  
von den römern vn gebe ward vn auch krefftiglich  
besessen vn die besaß mit alle dingen vn sachen/ vnd  
auch mit all den rechten die darzū gehörten vnd ge//  
hört hand Die selben al wie die genant sind gab der  
keiser Julius de hertzog Bremo/ vn mit allen de rech  
ten als sie an yn bracht warent vn auch vō den Rō//  
mern mit den critliche gewalt besessen kettent vn der  
würdigkeit die er an in gelegt het mit seiner hilff vnd  
gab sie auch im vn allen Teütschen Herzen die dann  
von gebürt dn von ere vnd ritterlicher tat wegē der  
selbigen eren würdig warent/ daruon hat nymāt die  
ere noch soll sie nymant haben dann die Schwaben  
vn Teütsch leüt & gnaden beholffen warent vō den  
Römern Vn solich gnad vnd freiheit ist bestalt mit  
gnügsamer vzkünd vō ein artickel zu de andern als  
man es findet in & Schwäbischen kanzley mit vzi  
kund vnd mit brieffen.

**I**tem zu den selben zeitten do ist gewesen ein  
mechtiger vn edler Herz von Montfort/ vnd  
der saß ob der stat die hieß Cleroa/ auff einem  
scholß das hieß auch Montfort ein ritterlicher frum  
e iij

Capitulum  
v. Montfort

mer vnd manhaffter man gewesen ist. Der ist vmb  
eren willen vnd der ritterschafft nach weitē vnd yn  
vereland aus gezogen, vnd kummen an des gros  
sen Keisers Hoff des Chans vō Kathay/dar an hat  
er sich etwen vil zeit so gar ritterlich vnd wol gehalten  
ten In dem do het sich ein sach begeben das die Kün  
igin des egenanten Keisers vō Kathay ausserkhalb  
ires herze vnd eelichen gemahels einen andern gelie  
bet vñ auß erwelt ir kurtzweil mit ym zū haben Das  
ward ein ritter an dem Hoff ser übel vñ vast v̄dries  
sen Vnd die Künigin ward gegen de König v̄kla  
get Nū ist da zūmal an dem Hoff vñ in dem land sie  
gewesen das ein yegliche getzigne frauw der vneren  
sich mit einem rittermessigen man des Kempflich ge  
gen dem zeicher verantworten vñ ab ir bringē müst  
das ir auch also von dem König auffgelegt ward  
Nū was die Künigin in grossen schwären leid vñ  
west nymant an irem Hoff vmb solichs an zūsuchen  
auff den sie trauwen vñ glauben setzen möcht Vnd  
kam des an den Straffen vō dem rotenfan mit hoch  
em ermanen vnd ersuchung vil glimpflicher schönē  
vñ güter wort die teütsche hoch in frauwen dienst her  
kumen berömen vnd bittlich vmb aller frauwē zucht  
vnd ere willen an kumē/ob ym ye kein gütheit oder  
erwidigkeit von keiner frauwen geschehen wär oder  
aber noch zū gegen würtigē zeiten geschehen möcht/  
soliche ir er vñ güte leümdē gegē dem mortlichen vñ  
ere abschneid eren v̄sager Kempflich zū entschuldigē  
mit vil vnd gar grossen erbietē das selbig bittende.  
Darvon zū schreiben nit not ist sünd ein yeglich rit  
terlich man sich des wol besinē mag Der frumb riter  
lich Graff beweist sein manheit weißheit vñ herkun

men vñ gewert der künigin ir gebet Dar durch ward  
alles ir trauren hinlessig/ vnd ir hertz zū grosse freu-  
de gemert das sie gar zū grossen danckperlichem vñ  
in gnaden erkennē von ym auff nam/ doch also er ir  
zū mütten bei irē küniglichen treuwen in einer frag  
er zū iren gnaden hette ein warheit zū sagen/ das sie  
auch also thet Da fragt er sy bei der gelübte ob sie der  
tat solichs zigs schuldig wär od nit Da saget sie ym  
iasy wär des schuldig/ do sagt er ir zū nit dester mind  
wölt er dannoch vmb irer eren willen vñ seinem zū  
sagen kempffen Solicher kampf ward durch de kü-  
nig für genommen vnd an geschlagen Der frum riter  
lich Graff besamelt sein gemüete mit an rüeffung den  
almechtigē got vñ sein liebe müter bittent vñ aller  
frawen ere wilen hilff vnd beistand zūtō/ vnd ward  
sich des besinnē vnd kempfflich gegen dem vsager d  
künigin in den kreis Vnd do er in den kreis kam  
vnd sich kempfflich gegen dem ritter vmb d künigin  
ere wegē wören solt forcht er d frawen veriehen vñ  
ware tat vnd weich vnd floch in ein kleine zeit vnd  
weil Das ward de ritter v̄ driessen vñ sich mit schelt  
worten an ym legen vñ schreien. Ky du bößwicht du  
flüchst. Das ward de grafen zū hertzen gon sich des  
gegen ym zū entschuldigen vnd sprechen. Du lügst  
mich an vnd bist an dir selber/ vnd will heüt ob got  
will mein ere vñ frümkeit an dir rechen/ vñ dich dar  
vmb mit d hielff gottes zū tod schlachen. Vnd gewā  
des de sig vñ rett d künigin ir ere vñ schlug in zū tot

**D**as kam der künigin zū grossen gut als das  
mit vnphilich was/ mit hochem erbieten vnd  
vermögen/ im wandel vñ widergelt zū tün  
e iij

*Luzifer*  
Vnd ym grosse hab vnd gut zugeben Des er sich win-  
deret/ vnd keiner zeitlichen hab darumb begert noch  
auch haben wolt/wan er das zu voran vñ vnser lie-  
ben frawen ere vnd aller frawen ere wilen getun het  
Doch so het sie ein tuch das war als vnser herz Ihesu  
crist vō dem stamen des heilige kreutz gestorber ge-  
nomē wāre war das vnder vñ über ym gelegt wordē  
Bete er ir künigliche gnad vmb das zu geben vñ nit  
anders Da gab sie im mit grossen eren diemütigkeit  
vnd hochem erpieten seingnädige fraw zu sein Also  
kam er hinweg vñ furt dz mit im vñ kam an des her-  
zogen hoff vō Saffoy do ist es belibe Vñ sein riter  
liche getat an d künigin hoff ymer vnd ewig ym vnd  
allē teutschen zu lob vñ preis ein geschriben Des sich  
ein yeder rittermessiger man wol freuwen mag/vñ  
schön frawen dest er pflichtlicher hernach dienen wöl  
vmb den lon zu empfangen den sie zu geben habent.

*Dux  
Bavariae*  
**T**em wie ein Römischer Keiser ist gewesen/  
vnd genand Heinrich/ein Hertzog geboren  
von Sachsen/d hat wollen gen Franckfurt  
ziehen vnd ein reiten/do ist mit ym gewesen gar vill  
fürsten/gemein herren ritter vnd knecht/vnd alldo  
ist gewesen ein hertzog von Beiren der hat geheissen  
Adolff/vnd ein hertzog vō Schwaben der hat Ul-  
rich geheissen. Vnd ist gewesen ein Graff von dem  
rotensan gar ein stoltzer wol gestalter man vnd dar-  
zu hochuertig vñ meinet mit dem hirtzogen von Beie-  
ren gleich zuhaben vñ ym gantz kein vorteil zulasse  
Das wolt der hertzog vō Beiren nit leiden vō dem  
erwelten hirtzogen vō Schwaben/vñ machten sich  
gegē einander auff mit gar vil leuten/vñ ward gar

ein grosser anflauff Da wurde vil guter leüt erschla-  
gen vnd gar vil wund Es ward do erschlagen ein  
graff hieß Philipp vō Sen/ vnd graff Cünrad von  
Kunggel/ vnd einer vō Abersperg aus Beirn einer  
vō Der rigen hieß Seitz Vil grafē ritter vñ knecht  
wurden auff beiden seitten wüd vnd erschlagē Da  
ward darüder geret vñ die sach gericht auff den fru-  
men hertzogen von Braunschwig/ der den tag satzt zū  
kumen gen Nürnberg vñ solten beid teil mit in brin-  
gen wer yn darzü gefellig wär/ auff den nechsten zint/  
stag nach sant Hallē tag an der herberg zū sein. Da  
wurdēt die sach an gefangen/ vnd d ob genant hertz/  
og vō Braunschwig saß nider die ding zū verhören.  
Da stünd der hertzog vō Beirn dar vnd ließ ym re-  
den ein Doctor genant meyster Pauls vō freisingē  
wie er vō dem grafen vom Kotenfand erwelt wär  
an das hertzogtüm zū Schwaben yetzūd zū regiren  
anders gehalten wär mit sein Worten vñ geperdē/ mit  
gan vñ stan ands dān pillich vñ leidenlich wär/ vñ  
wolt sein klag setzen mit manig artickel vñ gebrauch.

**N**ur wider redet hertzog Ulrich vō Schwa-  
ben durch sein redner genant meyster Hāns  
von Bregentz auch ein Doctor/ vñ meinet  
er wär der/ der die klag pillich haben solt wann doch  
die ding an gefangen wärent durch den hertzog von  
Beirn/ wann er vnd die sein wärent die/ die im vnd  
den sein hettent vil schmach vñ mitwillens ertzeigt  
vñ wurdent do zū beidē seitten vil wort geret vñ ge-  
prauchē die die mit not sind zū schreiben. Vñ wert dz  
den gantzen tag bis nach der vesper Da ward so vil  
darunder geret das d hertzog vō Beirn sein red solt

e v

füren vñ der vō Schwaben darnach, Damals gieng  
yeder man zū herberg/ vñ murgens des tags soltē bei  
de teil also zwischen fünffen vñ sechssen wid do vor  
de genanten hertzogen vō Braunschwig sein vñ die  
sach wider an zū heben/ als auch geschach Vñ do die  
genant stund kam da warent beid teil wider do. Do  
stünd der hertzog vō Beirn vñ ließ ym redē/ es wār  
menglich zū wissen das d genant vō Schwaben nit  
ein geborner hertzog wār. süder vom vater ein graff  
vom rotenfan/ vñ wār von d mütter ein herz vō Klī  
gen/ vñ wār keiner seiner vier änen ein fürst gewese  
vñd wār er welt vñ gesetzt vō dem keiser Erhart dē  
got gnädig sei nechst ab gangen vñ vō diser welt ge  
schiden vñ meint auch darbei es wār auch gar unpil  
lich vñ aller fürsten nit zū leiden das mā ein ampt  
man als er nū wār zū ein hertzogen solt nemen/ dar  
durch er vñ ander fürsten vō ym anders gehalten we  
rent dān pillich wār Vñ sagt darbei gar mengerley  
Klag vñ wort/ das alles durch kurtz wilen vñ der we  
gen beleibt zū schreiben Die klag wert dē gantzē tag  
vñz das es fiere schlüg/ do gieng der hertzog vō Br  
aunschwig vñ yeder mā an die herberg/ vñ des mor  
gens zwischē fünffen vñ sechssen wider do zū sein die  
antwort des hertzogen vō Schwaben zū hören/ als  
auch geschach Da nū diß morgen die selbstund kam  
do warent aber beid teil do vñd wer das hören wolt  
Da ließ jm der vō Schwaben reden den vor genā  
ten doctor der sprach yn gedeücht solich klag vñ für  
nemen gar unpillich vñ meint es wār menglich vñ  
allen fürsten vñ herzen vñd einer gemeinschaff der  
land zū güter maß wol zū wissent dz keinem seinem  
vordern hertzogen zū Schwaben solich schmach vō

Keinem fürste nie ertzeigt worden noch solich verach-  
tung getün het Es het auch des vō Beirn vater her-  
zog Ernst sei vordern hertzog Wendel vō Schwa-  
ben alweg geschribē vnserm liebe dhem als ein fürst  
Dem andern schreibt Er wär auch selbs nū ein graff  
vō Keinegk vō sei vater vñ von d mütter einer von  
Dockenburg So wär der genant hertzog Adolff vō  
Beirn vō seiner mütter ein graff von Ortenburg des  
halber meint es wär allen fürsten dar zū tün/ vñ es  
wär nit leidenlich/ vñ meint es verstünd es d hertz-  
og vō Braunschwig wol vñ wer das hört das solchs  
nun geret ward vñ beschech durch neids willen vnd  
nit durch der gerechtigkeit willē als ein fürste zān  
auch meint er nach d weißheit die der von Beirn het  
so wär nit not all red vñ wort zū achten/ vñ sund so  
sie das reich leren wölt wie sie sich halten vñ regiren  
söltent/ vnd seitmals die füeß dē haupt nit geuöllig  
wöllent sein vñ in seim fürnemē vñ gefalē regirē vñ  
lebē/ so wär leider wenig frids in dē land/ vñ wirt die  
gerechtigkeit leid gar wenig an gesehen. Vnd die an-  
dern artickel all verantwurt der vō Schwaben gar  
subcill das gar lang zū schreiben wär vñ durch kurtz  
willen vnderwegen beleibt Do sie nū zū beiden seite  
ir red notdürfftiglich geretten do nam ym d vorge-  
nant hertzog vō Braunschwig ein gedencke/ er wölt  
merkhalb dreier monat sei spruch yedēteil in geschrifte  
schicken In d selbē zeit het der römisch künig ein ge-  
schafft beruefft vñ die fürste bei ym zū Wurmis am  
Kein gelegē/ vnd vnd andern ward nāmlich geret  
vnd grüntlich beschlossen nach aller notdurfft dz zū  
ewigen zeiten nimmermer kein hertzog vō Schwabē  
sein solt/ noch genent werdē ein hertzog/ vnd solt das

Wurmis

selb ampt versehen werden vñ geheissen sein ein lād  
uogtei/ vnd der selbgenant man solt auch geheissen  
werdē ein lantuogt vō Schwaben auff dem schl os  
genant sant Veizberg ob Rauenspurg gelegen vñ  
solt in dem schilt füern drei schwarz löwē/ vñ auff dē  
helm ein pfawenfeder boschen/ als dān bißher gewe//  
sen wār/ vñ wān ein lantuogt ab gieng so soltent. xij  
zū Schwaben ein andern welē mit namen fier graff  
en/ fier herze vñ fier rittermessig/ vnd ob die nit eins  
möchten werden so solt ein pfaltzgraff vō Rein ein  
lantuogt geben ein gebornē man/ doch nū auß dem  
land zū Schwaben/ vñ wurdent die geslācht genent  
Item ein graff vō Tegel/ ein graff von Tübingen/  
ein graff vom rotenfan/ vñ ein graff vō der sils Itē  
ein herz vō Stöffeln/ ein herz von Alsch/ ein herz von  
Klingen/ vñ ein herz vō Wolffurt. Item die fier ge  
schlācht/ ein ritter von Clerenbach/ einer von Reck//  
Berg/ einer vō Waltpurg/ vñ einer vō Schellēberg  
vnd mā sol alweg die eltsten des selben geschlāchts  
nemen/ vnd wēn ein lantuogt ab gieng so solt man  
innerhalb in sechs wochen vñ drei tagen ein and er//  
welt werdē in der stat zū Kotweil Daz ist also ange//  
sehen vñ solt auch ein ewigen bestant habē/ vñ hab//  
ent es die vergangē keiser vñ künig allso all conför//  
miert/ wēn der geschlācht eins od mer vnder den. xij  
vor bestinbten ab gieng so solent die andern vñ die  
überigen gewalt haben ein andern zū erwelē vñ er//  
kiesen/ doch das die an gebürt vñ geschlācht dē ab ge  
gangē gleich seient vngenorlich. Vñ auff das do be//  
stetiget d römisch künig d schwaben recht vñ freiheit  
Also ee der spruch zwischen dem hertzogen vō Beirn  
vnd dem vō Schwaben beschach/ vnder dē ward d

*Rothweyl.*

Hertzog vō Schwaben erschlagen von seinem dīner  
eim/der was sein vogt hieß Walther vō Wolffegk  
der fand yn bey seiner swester/ & von Wolffegk floch  
gen Werdenberg zū dem herren mit dem weissen fā  
der gab im ein das schlos Vadutz/ vnd & hertzog vñ  
der vō Werdenberg warēt lang vneins mit einand  
gewesen/ also zog des hertzogē brüder aus mit einem  
micheln volck vñ wolt den vō Werdeberg schedigē  
do was der vō Werdenberg ein alt mā vñ het fünff  
sün vñ zwo tōchter/ & samelt sich auch mit ein gros  
sen volck/ do was einer hauptmā hieß Amalrich vō  
Aspermont/ vñ herz Hāns vō Nüenburg des ward  
gewar ein hertzog vō östereich hieß Lūpolt der kam  
selb vñ verricht die ding zū grund. Also zoch er gen  
Fellkirch vnd wider heim. Do ward gesprochen das  
der vō Wolffegk hūdert meil aus Schwaben land  
solt vñ nymmer dar ein dz tet er/ vñ nā mit im sein  
ner swester sün Arbogast vñ Andelō vñ kamēt mit  
einand in das land zū Portigal/ do fundēt sie einen  
teutschen ritter hieß herz Oswald vō Hatstat & was  
ir freünd vñ halff yn beydē an des künigs hoff Nur  
wz Andelon ein knab vō .xx. iare den tet man in dz  
frawen zimer/ do ward der vō Wolffegk des künigs  
truchsäß. Nun stünd ein vnglaub auff in einer insel  
hieß Zang/ den vermeint der künig zū werē/ also zog  
er aus auff die Zänger/ do satzten sie sich zū wer vnd  
ward vil volck's erschlagen vñ erschossen vñ der vō  
Wolffegk auch leiblos geton do wichen die Zänger  
in ein ander insel heist Vegtal Also gewan & künig  
die insel vñ zwang sie zū cristem glauben/ vñ gab sie  
wider in den gewalt des künigs vō Bossa/ der was  
auch kurtzlich zū dem glauben gebracht wurden/ vñ

zog des künigs volck wid heim/ do kam die pestilenz  
vnder das volck/ do floch d' künig mit sein kindē wā  
er ein wider was auff ein schlos hieß Ampernesto.  
Aun h'et er ein tochter die was das eltest kind die hi  
eß Elisa vñ zwen sün einer hieß Anthoni' der and  
Franciscus/ nū belib der künig nit lang do/ er hieß ab  
er die kind da beleiben/ als nū die jungē leüt da beli//  
bent vō kurtzweil siengēt sie an zū lauffen in einem  
garte/ do sprach Elisa zū Arbogast/ wir wällent dich  
wellisch leren vñ ler du vns teütisch/ Er sprach/ gnä//  
dige frau gern/ künd ich nū etwas anfahen das eü//  
wern gnadengefellig wāre als ein armer diener vñ  
möcht so vil verdienen das mich eüwer genad etwas  
hieß Da sprach die künigin Ein jung mā sol allweg  
gedencken in die höche/ dān denckt er vnder dē pāck  
er kumbt nimermer daruff Da sprach Arbogast/ wer  
hoch klimbt der felt hart/ wer dann übersich hauwet  
dē fallent gewonlich die spen in die augen Da sprach  
Elisa/ ich mein du seist mit yn gen schul gange/ wān  
gelertē leüten ist gut predigen Da sprach Arbogast/  
ich bin vnweiß vñ eingäzer tor/ got geb mir barm//  
hertzigkeit vñ gnad das ich ein mēsch über kum das  
sich über mich erbarm vnd mein vnd wind vñ mich  
lere seinwillē vñ zucht zū gebürlichen dingē/ hierumb  
gnädige frau seind mit gnädig vnd heissent mich er//  
was thim oder lon in eüwerm gefallen Do sprach sy  
do bist ein kind man soll dich mit rütten straffē das  
stünd dir wol an Da kam d' kamermeister vñ sprach  
er solt gan zū dē dienst/ do gieng er vñ bereit den tisch  
vñ gieng zū seinē veteren vñ sagt ym alle die red die  
geschehen warent von Elisen vnd ym Da sprach er  
Wein lieber sun gang zū dem dienst ich hab dich wol

427

vernomen, du solt mir geuöllig sein. Da sant der vō  
hatstat nach ein schneid vñ hieß ym vnd allen den  
seinen mache grüne kleid vnd übernet mit rüten vñ  
auch sein veteren Arbogast mit yn. Als nū die kleid  
gemacht wurden do legten sie die an/ vñ gieng Arbo  
gast mit d̄ künigin zū kirchen/ do sprach sie von wan  
en kumt dir das neu kleit. Arbogast antwürt/ mein  
veter hat mir es gebe Da sprach sie/ nū ist er doch ein  
alter schüler er solt pillich wol gelet sein d̄ kunst vñ  
mer schüler vnd ym haben Arbogast d̄ was iung vñ  
ward vor scham rot vñ west nit was er zū ir sprechen  
solt Da sprach sy her ich ein schüler ich hieß in an den  
schaten sitzen vñ das anlit weiß behaltē/ wēn aber  
ein schiff über das mōr fuer über die heidē so müest  
er yn engegen kumen vñ sie mit den rütē streichen do  
west Arbogast aber nit was er sage solt vñ sagt es sei  
nem veteren do sprach er/ sie meint wēn die heiden her  
schiffen so solt du dich mit andern in ein schiff setzen/  
vnd wider sie fechten Also kurtzlich darnach kament  
die mār wie das die heidē kumen wārent das land  
zū beschedigē do eilt Arbogast mit andn in ein schiff  
vñ hielt sich so ritterlich das sie meinte wār er nit ge  
wesen sie wārent gen den heiden nider gelegen.

**D**as geschrey kam an dē hoff vñ in das fraw  
en zimer Das gefiel Elisengar wol vnd ge  
wann yn vast lieb Vnd eins tags sprach sie.  
Arbogast hastu dein müter noch Er sprach nein ge  
dige sauw/ mein vatter der hat ein andere frawē  
genommen nach meiner müter tod. Da sprach sie. Du  
solt on zweifel sein ich wille dein mütter sein/ vñ  
was dir an ligt so kumb zū mir ich wil dir mit gantzē

treuen raten vñ helfen als meinē eignen herze Des  
Dancet ir arbogast so hoch vnd er daz an seinē hertze  
mocht gehalten Also gewunen sy einander vast lieb  
Vñ darnach über eilff monat kament die Heide mit  
grosser macht do macht sech Arbogast auff vnd eilet  
mit andern in ein schiff vñ facht mit den Heide vnd  
do gewunen die Heiden den sig vnd ward Arbogast  
gefangen vnd alle die darinn warent vnd fürten sy  
mit yn hinweg Also kament die rodischen herzen vñ  
wurffent die Heiden nider vñ nament yn alle die sie  
gefangen hettent vnd meinten sie wärent auch wid  
sie gewesen vnd fürten sie gen Rodis vnd fragte yn  
sund wer er wär. Da sprach er. Ich bin ein teütscher  
vnd wolt nit sagen wie er hieß noch wänen er wär.  
Da fürten sie yn auff ein schlos genant Schönehaß  
do lag er in einem zimer gefangē in dem was ein ee-  
halt in des künigs hoff der wz auch ein teütscher vñ  
was bürtig aus einer stat hieß felt kirch sein namm  
was Caspar Rimolt der ward aus gesant vō künig  
von Portigal zū dem Römischen künig vñ zū andern  
fürsten graffen vñ herzen vñ gemeiner ritterschafft  
in teütschen landen vñ rüefft die an vñ bat sie vñ  
hilff wider die Heiden. Vñ do er kam gen feltkirch  
do fand er den Graffen auff dem schlos da selbs vñ  
der was einer vō feltkirch s hieß Henrich mit dem  
weiffenfan der het ein frawen genant Dorothea vō  
faz die het bey ym zwo töchter eine hieß Künegünd  
die gab er einem grafen vō Ortenburg die ander hi  
eß frena die gab er einem herzen von Seadeck von  
Behem. Vnd het fünff sün der eldest hieß graff Hein-  
rich der and graff Albrecht s drit graff Rüdolff der  
fierde graff Hug der fünfft graff Ulrich. Nun was

graff Heinrich gar ein einfeltig man vñ was übel ge  
sprech/ dem gab er ein weib ein gräfin vō Sonnen  
berg ein erbrochter ir müter was geborn vō Starck  
enberg vñ gab ym ein Salgans mit seiner zū gehör  
vnd nam d vatter graff Albrecht ym zū helfen das  
land regiren/ wān er vast alt vñ kräck w3/ vñ schick  
et graff Rüdolffen zū einem König vō Böhem hieß  
Karl mit dem ein augē/ vñ macht graff Hug zū ein  
rümherren zū Straßburg/ wān er gebresthafft was  
an einem fuß/ vñ gab graff Ulrich ein weib ein von  
Wullensteten vñ starb d vater am fünfften tag im  
Meien als man zalt vō der gebürt Cristi hundt vñ  
eilff. iar Da nam graff Albrecht die herschaft zū hād  
vnd regierr die. In kurtz darnach was ein pasthar  
von Sonnenberg der riet graff Heinrich er wār der  
elst er solt pillich das land regiren/ do erfodter das  
an sein brud/ do anwurt ym graff Albrecht/ sein va  
ter het yn bei lebedigem leib auß gericht vnd ym die  
herschaft Salgans gebē für sein teil/ an dem wolt  
aber graff Heinrich kein benügen haben/ vñ kamēt  
darvon in grossen vnfrid das sie einand an griffent  
vnd vderbren vñ schedigē Das woltent die gemei  
nen freünd nit leidē vñ die ritterschaft vō Schwa  
bē die schicktēt dar herz Hānsen vō Waltburg/ vnd  
herz Cünrad vō Eckersteten Seiffrid von Wolff  
hartschwending/ Dietrich vō Helmstorff die mach  
tent ein richtung in maß als hernach stat/ das yeder  
teil sechs geborn man dar gab die fürsten herze oder  
graffen werent vō vater vnd müter Das solt gesche  
hen in zweien monaten zū Costentz in der stat Also  
schicktē sie beidē teil zū iren schwestermānen dē graf  
fen vō Ortenburg/ vñ dem vō Stadecck/ die kamen

.1.11.

f



111  
Beid mit vil volcks als gemein freünd/vñ kam gar  
ein groß volck dar Nū wolent die von Costentz mit  
mer in die stat lon dann ein fürsten selb zwölfft/ ein  
graffen selb fünfft/ ein herzen selb drit/ vnd ein ritter  
oder edelman selb ander. Also besaztent die vō Co  
stentz die stat vñ gabent dartzu zwen hauptmā Cün  
rad Strickern/ vnd Binnen Tetikoffen/ vnd wēn s  
ein abgieng so stünd der and an Vnd sieng sich der  
tag an/ vnd satz graff Heinrich graff Ulrichen von  
Teck des müter was vō Nellenburg Vñ satz graff  
Waltrauff vō Döckenburg des müter was vō Ky//  
burg/ graff Hannsen von Hapsburg des müter was  
von Steten/ graff Hugen vō Heiligenberg des mü  
ter was vom rotenfan/ graff Egen von fürstenberg  
des müter was vom falckenstein graff friderich vō  
Leiningē des müter was vō Liechtenberg Dasatz  
graff Albrecht gross Rüdolfen vō Hochenberg des  
müter was von Tierstein/ graff Wilhelm vō Helff//  
enstein des müter was von Henenberg/ graff Cün  
rad vō feringen des müter was vom Heiligenberg  
graff Erbental vō Lādaw des müter w3 vō Pfit  
graff Ott vō Ettingen des müter was vō Schlüs//  
selberg/ graff Heinrich vō Schlüsselberg des müter  
was vō Görz/ vñ rett graff Heinrich lang Hanns  
vō Bodman/ vñ graff Albrechten herz Cünrad vō  
Tengen Also wurdent sie durch die obgeschubē gra//  
fen vñ herze gülich geeint mit irer beider wissen vñ  
willen Also das graff Heinrich die herzschaft Sal//  
gans mit irer zū gehōrd bekūb vñ die ander brūd an  
de überigen ungeirt lon Aber die gemein freünd re  
ten dar zwischen Es bedeuht sie gut vñ nutzber sei  
das sie die herzschaft Salgans Werdenberg vñ die

andn schloß besetzt mit ein gemeinē mān 8 all rānt  
vñ nützūg ein neme vñ die gemein schuld darmit be  
zalte/vñ das lād ledig macht Es het graff Heinrich  
ei gūt betragnuß mit sein gemahel so solt mā graff  
Albrecht gebē ein zerung vñ rüstgelt aus dē land zū  
reiten ritterschafft nach Vñ des gingen beid teil ein  
mit gutem willen Nū ward das schloß Werdeberg  
vñ andre schloß vñd herzschaft enpfolhen vñ ein ge  
ben ein ritter hieß Herz Jacob vō Altsteten der was  
ein weitfarender riter vñ ein frum mā der solt es fier  
iar in halten nach dem besten als man im trauwet 8  
selb vō Altsteten het ein weib die was eines ritters  
tochter der hieß Herz Lüglin Wundehengst Der vō  
Altsteten het auch zwen sūn/einer hieß Marqart 8  
and Lügli Nū rüst sich graff Albrecht aus dē land  
zū reiten/vñ nam mit ym Marqart vō Altstete vñ  
ritent in dz künigreich Purtigal/do kam er gen Hoff  
do vand er ein hieß Oswald vō Hatstat der sagt ym  
wie einer vō Wolffegk/dinner tod wer/der bei sein  
vater gewesen wār/vñd der het mit im bracht seiner  
schwester sūn Arbogast vñ Andelon/die hetten die  
Heiden gefangen das er besorgt sie wāren ertöt. Nū  
bat graff Albrecht den von Hatstat das er niemant  
sagt wer er wār vñ ym in ließ befolhē sein vñ in des  
lands vñ Hoffs sieten sagte/das sagt er ym zū er wölt  
das mit gānzem willen tūn/vñ halff ym an den Hoff  
Nun was graff Albrecht ein weidenlich starck man  
vñ was mā ihet zū schimpff vñ zū ernst so wolt er al  
weg einer sei Eins tags do gieng der künig vñ beid  
sein sūn auch die künigin Elisa mit iren frawen vñ  
jungfrawen in dē garten vñ in das zucker feld spa  
ziren/do sprach die künigin zū graff Albrecht. Ach ir

f ij

Zoother  
felder



teütscher das eüch got vñ allen teütschen heil geb vñ  
erfüffzet gar iniglichen darzü. Graff Albrecht fiel  
auff die knie vñ danckt ir als seiner gnädigē frawē  
vñ wo er für sie gieng/ vñ wo er sie vñ sy in ersach so  
süffzten sie gar inigliche. Des nam graff Albrecht  
war vñ süegt sich eins mals zü ir liebste jungkfrawen  
en hieß Amisa vñ bat die zü erfare ob die künigē ein  
missfallē ab ym het so wölt er an dē hoff nit wider sie  
sein Die jungkfraw tet es mit d künigin Sie sprach  
vñ antwurt/ dz er kam zü abent so nit vil leüt vñ dē  
weg wärent so wölt sie ym sagen was ir anlege. Die  
jungkfraw sagt es graff Albrecht d kam als er geheis  
sen ward/ do epfung sie yn gar gnädiglich vñ sprach  
Das vns an ligt das wöllent wir eüch sage als einē  
frumen teütschen vmb das ir vns helffent vñ ratēt  
vnd hüß an vñ sagt ym wie ein teütscher bei ir gewe  
sen wär vñ yn zü güter maß ertzogen het/ der vō den  
Heidē gefangen wär worden vñ hinweg gefürt/ vñ  
niemant west ob er lebendig oder tod wär vñ bat in  
vmb hilff vñ rat ob er ir möcht gehelffen das sy innē  
würd wie es vmb yn ein gestalt het/ so wölt sie im ge  
ben zerung vñ was darzü gehört/ vñ dennoch hoch  
darzü danken/ vnd das zü güte gnaden nymermet  
vergessen.

**A**lso sagt ir graff Albrecht zü/ vnd bat dē kün  
ig das er ym erlaubte zü dem heiligen grab  
zü ziehen wän er ein fart dar schuldig wäre  
Also erlaubte ym der künig/ des was er gar fro/ vnd  
sagt es der künigin, die gab ym zerung vnd was ym  
not was. Also bereit er sich vñ reit hinweg vñ nam  
mit ym den vō Altsteten vñ ein knecht vñ kam gen

Rodis/Do het er ein freünd d was ein graff vō pfirt  
zü dem kam er vñ sagt ym warum er aus kumē wär  
vñ wie es ein gestalt vñ i het Do sprach sein fründ  
Ich weiß wol eingefangen d ist ein teütscher der wil  
niemant sagen werer sei noch sein tauffnamen/noch  
sein geschlecht nit nennē/ vnd ist gar zū mal ein hüß  
scher junger knab. Da bat er sein freünd das er yn zū  
ym ließ Das t het er vñ firt yn zū ym/da bat er in dz  
er im ein wol kündē maler besande vñ in ließ ab ma  
len/dz geschach ein maler ward besant vñ zū ym gen  
füert der malte in eben gleich nach seiner gestalt vnd  
nach aller lidmaß. Also nam er das gemalt tuch vñ  
macht sich vorderlich wider auff den weggen Porti  
gal Vñ do er kam vñ sein die künigin innē ward do  
was sie gar fro/vñ sant nach ym das er forderlich on  
alles vergißen zū ir kām/das t het er gar behend Da  
sprach die künigin Sind vns got wilkume mein lie//  
ber freünd/sagent vns wie es eüch ergangē sei/vnd  
was ir vns geschafft habent. Er antwurt vñ sprach  
Ich bin gesund wider kumen vō den gnaden gottes  
Aber der vō Altsteten d ist gar törtlich kranck wordē  
doch so hab ich yn mit mir her bracht. Da sprach sie.  
Hat er nit rüwig gemacht vñ was ym an ligt vñ not//  
durfft sei das sol er vns sagen des wöllent wir ym ge  
nüg schaffen vñ sprach was habent ir erfarn od was  
sind ir innē worden. Da sprach er/gnädige frau ich  
hab eüch ein gemäl bracht ist es ym gleich so hoff ich  
wöll gut mār bringen. Da sprach sie/zeige her/das tet  
er Als pald sie es ansach do ward sie vō freüden rot  
vñ darnach pleich vnd sprach Wo habent ir das gen  
mäl genomen oder wo ist es eüch wordē do sagt er ir  
alle ding Da sprach sie ist er noch bei leben so wölt ich

Ordo  
Berg

mein leben wagen vñ zū ym kumē möchtent ir mich  
darzū bringen ych wölt wol groß güt vñ kleinert mit  
mir hin weg bringē Da sprach er / gnädige frau was  
ich mit erten tūn mag do wil ich meinen leib vnd güt  
vmb wagē Da sprach sie / gedencf ym nach / das will  
ich auch tūn vñ kument morgē vñ die zeit wider zū  
mir Also nam er vrlaub vnd gieng wider vō ir vñ  
kam zū seinem diener dem vō Altsteten vñ sagt ym  
die ding / vñ was ym die künigin entboten het er sōlt  
kein mangel haben. Nū was sant Bernharts orden  
erst angefangē in der cristenheit / do het d künig an  
fahen lassen machē ein kloster vñ darin lxx. münich  
do sprach der vō Altsteten / ich weiß ein gütē weg ich  
will begern das mā mich in daz kloster leg in ein hei  
melich gemach darinne ich die rü haben möcht / vnd  
wēn das geschicht so gont zū der künigin vñ redent  
mit ir vnd besekent ob sie mit eüch hinweg wölt farē  
wölt sie das tūn so westent ir gar ein gütē weg dar  
mit sie gar wol daruon möcht kumē vnd daz kloster  
lag nashen bei dē mōr Also wart der vō Altsteten in  
das kloster gefüert vñ lag mengen tag do / vnd dem  
kani graff Albrecht aber zū d künigin wz ir wil wār  
Da sprach sie / ich habe mich bedacht das ich mit eüch  
hinweg will vnd mein jungkfrau Amisen mit mir  
nemen Nū was Amisa eins heren tochter zū Porti  
gal d hieß herz Anthonide Penaziri die rüst sich mit  
ir hinweg zū kumen Also gieng er mit ir zū dem vō  
Altsteten vñ sagt wie er es an fahen wölt. Da sprach  
d von Altstetē Har wol mei rat ist ir sollent vrlaub  
nemen vō dem künig dz ir nimer sein diner seiēt vñ  
sprechent ich sei rōtlich siech ir wöllent mich heim für  
ren in mein lufft. dān die artzt ratet es / sunst mügich

mit genesen/so wöllent wir dan ein gut schiff bestelle  
das mit leuten wol geuertigt sei vñ forðlich vō stat  
faren/dan so es als zu gerüst ist so soll die künigin ein  
weil vor tag kumē vnd bringen was sie mit ir nemē  
will in mein gemacht/so wöllēt wir in das schiff sitzen  
vnd hinweg faren/vñ ee man sein innen wirt so wō  
lent wir gar ein ferrē weg sein das wir wol sicher sei  
ent mit gores hilff Das gefiel graff Albrecht wol vñ  
gieng zu d künigin vñ sagt ir das/do gefiel es ir auch  
vast wol vñ sprach sie wōlt es in dem namen gottes  
wagen vñ saget es irer jungkfrawen Amisen/vñ sie  
nā zu ir vnmeßiglich vil guts vñ vil hübscher klei//  
net Graff Albrecht gieng vō stund an zu dem künig  
vñ nam vrlaub vō ym Da sprach er warumber von  
ym wōlt/wā er het yn gar lieb vñ ließ in vngern vō  
ym Da sprach er/genädiger herz die ärzt sagen der  
von Altsteten müeß sterben man süer yn dan in sein  
lufft/vnd ob es sich also macht so kumb ich vñ vielleicht  
wider/also gab er ym ein gute zerung vñ kostlich tuch  
vō samet vnd vō seiden/vñ nam also vrlaub vō al  
lem hofgesind vñ dē jungkfrawen vñ d künigin vñ  
von dem vō hatstat vñ sagt ym nit vō den dingen  
Also morgens frū vor tag sassen sie in das schiff vñ  
kam die künigin mit irer jungkfrawen vñ süent vñ  
do die son wol auff kam vñ vmb die zeit als ir gewō  
heit was das sie auff stünd vñ meß hört. Da kam ir  
diener einer vnd sprach ob sie schier wōlt meß hören  
do sprachent die jungkfrawē sy wār noch in der kam  
mer vñ Amisa bei ir/als pald sie auff stünd so wōltē  
sie es sagen/also beitet er noch ein weil vñ kam aber  
vñ sprach das man sie weckte es wār grosse zeit wie  
sie heüt also lang sliēß/do sprachen sie/wir haben sie

noch heüt nie gehört vnd thüren sie nit wecken. Das  
sagt der diener dem künig/der sprach er sölt wid dar  
gan vnd sie lassen wecken. Das thet d̄ diener vñ kam  
hin auff zu den jungkfrawen vnd hieß sie wecken es  
het es der künig geschafft Die jungkfrawen giengent  
hin ein/vñ wo sie hin sahen vnd lügten so sahent sie  
niemant/do erschracken sie no massen ser/vñ westen  
nit wie sie ym thun solten/vñ schickte nach dem mar-  
schalck des hoffs vñ sagten jm wie es ein gestalt het  
der marschalck erschrack vnd gieng zu den anderen  
räten allen vnd wordē über ein das sy es dem künig  
sagten/vnd also giengent sie zu dem künig vñ sagte  
es ym/do erschrack er on masse ser als pillich was vñ  
schuff das man alle die sieng die zu ir gehörten fra-  
en vnd män/vnd besunder auch all teütsch vñ gest  
die an dem hoff warent/also ward Herz Oswald von  
Hatstat auch gefangen vnd besund in ein gemach  
beschlossen/dān die gemein red ward von stund an  
die teütschen hetent sie hinweg gefüert Also schicket  
mā vil volcks auff dem wasser vñ auff dem lād ob  
ymant möcht erfahren wo sie aus wär/do gieng man  
über all ir behaltnuß zu sehen ob man ichtz mangelt  
do warent die besten kleiner alle hinweg/also fürent  
sie dahin vñ kament in kurtzen tagen gen Rodis/do  
ward sie von dē grassen vō Pfirt gar wol enpfangē  
der firt sy in ein heimlichen gemach do niemant west  
wer sie warent/vñ kurtzlich darnach füret er sy auff  
ein schlos genant zu der Schönhab/wann der von  
Pfirt das selb schlos besund inn het/vnd do es abēt  
ward do sprach d̄ vō Pfirt vñ graff Albrecht. Wir  
wöllent gan zu dem gefangnen vñ in fragen wer er  
sei od wie er heiß/vñ ym trawen wöll er es nit sagen

so müeß er sterbē. Also giengent sie zū ym vñ fragtē  
yn was geschlōchts er wār oder wie er hieß/vñ retē  
vil mit im herte vñ trōwliche wort Da sprach er wer  
sie wārent oder wie sie hießent/er west doch nit ober  
wār in cristenlichem oder heidnischem glauben vñ  
landen Da sprach der von pfirt Ich heiß graff hāns  
von pfirt/ vnd der graff Albrecht vō Werdenberg.  
Da ward er vō hertzen fro vnd sprach. Mein vetter  
sālig vō Wolffegk dem gott gnädig sei der hat mich  
her eingefüert/ vnd ist aus dē land vertriben wordē  
vmb der vō Werdenberg willen/ vnd sprach. Nun  
schat mir nit was ich gelitten hab so ich zū frummen  
herzen kumen bin die mein gewalt habent vñ sprach  
Ich heiß vō meinem geschlācht Andelon/ vñ mein  
vater heist Rūprecht vō Andelon. Da sassen sie zū  
samen vnd retē gar vō mengerlei do sprach d von  
pfirt. Wir wöllent euch eüwer langē zeit ein s teils  
ergetzen vñ euch zū schönen frawen süeren Da spr //  
ach Arbogast. Ich bin gelb vñ vngestalt/ vnd so ich  
mich auff das schönest mach so bin ich dannoch nit  
gar wol gestalt zū frawen zegan. Also giengent sie  
aus vō ym vnd schüffen ym ein parbirer der ym rat  
thet Da es nun nacht ward vñ tuncfel do kam graf  
Albrecht vñ süert yn zū der frawē vnd saß er zū der  
jungkfrawē/ nun waz es tuncfel in der kamer/ do fra  
get er sie ob sie teütsch künde/ do sprach sie/ nit vil do  
wolt er sie an griffen haben/ do sprach sie inn ir sproch  
er sōlt die hend bei im beheben do gedacht er wol wie  
redet sie meiner frawen Elisa so gleich/ vñ ward gar  
von hertzen traurig/ vnd do gedacht sie auch/ wie re  
det der meinem Arbogast so gleich Da sprach d graf  
Albrecht Wol auff wir wöllent hinweg gan Da spr //

ach Amisa. fraw wer ist der der an eüch gefessen ist.  
Sie sprach Ich weiß nit/wol ret er meine lieben Arbogast so gleich, das mir gleich an meinem hertze we  
ist worden. Also sprach Arbogast zu groff Albrecht  
Ach lieber hertze wol ret die fraw neiß wer einer fraw  
en so gleich das mir gleich an meinem hertze wee ist  
worden Da sprach er Ist dir erst wee wordē, ich mei  
net ich wolt dir ein lang zeit kurtz mache. Da sprach  
er Ich fürcht sy immer die ich mein Do sprach graff  
Albrecht Gott ist aller gnadē zu trawen. Vnd murgens  
früe kam graff Albrecht zu Elisa sitzent an dē  
fenster vñ lügent dort hin über in gene beü, vñ wēn  
ich dān zu eüch kum so sagent mir wz ir gesehen ha  
bent, vnd gieng zu Arbogast vnd sprach. Gang mit  
mir dort hin über vñ sich wie d wirt ein schöne fraw  
en hab Vnd do er sie sach do bran er vnder den augē  
als ein feür vnd sprach Wär es möglich zu redē/ es  
ist aber vñ kan nit gesein so wör doch die fraw einer  
frawen so gleich das ich geren ein leiplichen tod wolt  
leiden das ich sie noch weis Da sprach graff Albrecht  
Nū thū es von der liebsten willen die du habest vnd  
sing mir ein tag weiß so du meinst dz die liebste vor  
hab vō dir gehört/ vñ gieng damit von ym vñ kam  
zu Elisa vnd sprach. fraw was thünd ir Da sprach  
sie Da sitz ich vñ mir ist weder wol noch wee Lieber  
lassent vns schier hinweg das ich kum zu meine Arbogast  
Do sprach er fraw wir wollen noch zwen tag  
hie rüwē vnd dān hinweg faren. Do hüb Arbogast  
an zu singē/ do sprach graff Albrecht. fraw wē habe  
ir gesehen. Do sprach sie, eins hübsen manns pilde,  
wēn er nit so pleich wär so sech er meinem Arbogast  
gleich vñ do er sang do sprach sie, er singt im auch nit

vnleich. Da sprach graff Albrecht Es ist ein knecht  
in dem hauß Nū was der von Pirt gen Rodis gefa  
ren vñ wartet graff Albrecht sein d selben nacht als  
er kam do wurdent sie mit einand auß dē dingen re//  
den vñ kament über ein das er mit yn gieng/ also gi  
eng er mit yn do füerten sie yn zū ir/ vnd do sie in ans  
sach do erschrack sie vō hertzen vor rechten freüden/  
des gleich geschach ym auch. Da fraget der von Pirt  
wie es ein gestalt het/ do sagt sie ym alle geschicht vñ  
allen handel wie es er gangē was/ vnd wie die ding  
vmb vñ vmb ein gestalt hetent/ do het sie yn gern zū  
d eegenomen Da sprach er nein/ des wöll got nimer  
mer das ich eüwern gnaden soliche vner erzeigt/ dab  
er diser ist ein wolgeborner graff vō Werdenberg dē  
solt ir nemen/ vñ mag ichs an eüwern gnadē vñ an  
ym gehalten so gebent mir. Amisen Also schicket der  
von Pirt vō stund an nach seinem kapelā der hies  
herz Hāns Heberlin der selbgab sie zūsammen vnd  
also ward graff Albrecht vnd Arbogast über ein wie  
sie die frawen dem von Altstetē wöltent entpfelken  
das er über mōz füere vnd zū Triest wid zū lente vñ  
iren alldo beitetē/ als es dān auch geschach So wöl//  
ten sie gen Iherusalem zū dem heiligen grab faren/  
vnd aldo heim süchen die heiligen ster/ vñ auch aldo  
zū ritter geschlagen werdē/ vnd füro hin weiter farn  
zū sant Katherina grab gelegen auff dē berg Sinai  
als sie dān auch theten Da sie dar kamen do funden  
sie vil reütscher aldo/ also lieffent sie in sant Katheri  
na leben an schreibē das ob irem grab hangt/ als mā  
es dann yetz allenthalb hat Da sie nun also ir kirch  
fart geendet hetent vñ gerecht warent do fürent sy  
endlich mit erē bestē vermügen vñ kamē gen Triest

Moo  
sinaj

*Salzburg*

Do was der vō Altstete tod vñ ward do begraben in  
d Kapellen des patriarchen d was ein graff vō Hörtz  
hieß Ludwig/alldo noch heüt bei tag sei helm vñ sch  
ilt seind. Also zugēt sy heraus vñ kament in ein stat  
hieß Salzburg do ist ein bistumb vñ lagent do still  
vnd schickt graff Albrecht zū dem vō Altsteten der  
vogt zū Werdenberg was/ vñ ließ ym sagen das er  
ein künigin vō Portigal brecht die sei gemahel wer  
vnd mit ir ein groß güt/ do solt er zū sein brüdern vñ  
andern sein freündē reiten vñ in zū wissen thun dz  
sie ym entgegen riten so best sie künde Auch das sch  
los Werdenberg zū richte so kostlich vñ best sie kün  
den Da was der von Altstete der botschaft gar fro  
vnd west nit das es sein tod was vñ wie ym sei herz  
geschriben vnd enboten het Also ward ym auch enge  
gengeriten wol mit sechs hundert pferdē vnd zwei  
undtreissig frawen wägen/ vñ wol achtzig vnd hun  
dert speiß wägen/ darund warent zwen Burggraff  
en vō Nürnberg/ d ein hieß friderich vñ der ander  
Bernhart/ vñ drei graffen vō Tegk/ vnd zwen von  
Helffenstein/ vñ etlich vō Döckenburg/ vnd seiner  
sün drei/ einer vō Heilspurg/ zwen von Ferinken vñ  
d hinc Kent graff Wilhelm vō Acham vnd zwen sei  
ner sün Diether vō Stöffeln vnd sein brüd vnd do  
warent d herren vñ knecht so vil das man sie nit all  
geschreiben mag/ do ward d graff vom rotenfan der  
zū Lükirch saß des innē vnd entbot seinē schwester  
sün vñ dem graffen vō Leinigen das sie zū ym kām  
ent/ vñ die weil man zū der hochzeit wär so wöltent  
sie schadē tün Also sterckent sy sich vñ zogen an dē  
Bodensee gen Hard/ vnd in die graffschafft Reinegk/  
vnd prantē vnd nament was sie hinweg mochten

*Bodensee*

brüege, vñ das geschrey kam in das volck bey 8 hoch  
zeit vnd was am end vñ auff prechen, doch was es  
mit grassen freüden volbracht, da nā graff Albrecht  
zū ym sein brüeder herzen freünd vñ günner vñ zoch  
dem graffē vō rotenfangen Ternang, das het er vō  
sein weib die was eine vō Bregentz, vnd zerschleiff  
ten vñ zertzartē das stetlin gar biß on ein pfarrkirch  
vnd ward der krieg gar schwär vñ groß. Des ward  
ein pfaltz graff vom Reingewar der hieß Rüprecht  
der ret dar ein vñ pracht es zū einer richtung Also do  
ward das stetlin wider gebauwē vñ gesetzt zwische  
8 pfarr kirchen vñ der burg Darnach ward ein herz  
vom rotenfan ein lantuoget 8 macht dorumb ein gra  
ben vnd bauwet es erst recht Also nam graff Hein  
rich vō Werdenberg Salgans für sein teil, vñ graf  
Küdolff sein brüeder starb zū Behem, vnd graff Al  
rich ward zū sein weib der vō wullensteten die herz  
schafft Alwegk mit ir zū gehörd, vñ do het graff Hei  
rich zwen sün, der ein hieß graff Hartman, der and  
graß Hāns, vñ das gemein volck hieß den vō Alu  
steten nū den herzen vō Werdenberb biß in sein tod  
Nun het graff Albrecht ein sün der was dz erst kind  
als pald 8 neün. iar alt ward do schicket er yn in das  
land gen Portigal seinem anen auff genad, vñ ließ  
ym sagen er het ym den liebsten vñ grōsten schatz ge  
geben dē er vñ sein gemahel hetent auff diser erd, vñ  
dz er ym gnädig wär vñ sein vngnad abließ vñ yn  
verhörte so wölt er ym sagen wie die sachs eingestalt  
het vnd an ir selb wär Also do er das hübsch kind er  
sach do ward er frölich vñ schub jm ein geleit zū vñ  
der sein heimlichen secret dz er zū ym kam Also ma  
cht ersich auff vnd für zū jm vñ do er in die stat kam

gen Portugall zu seinem schweher auff gnad/ Do fragt  
er yn wie es ein gestalt het Do er hinweg ist kumē/ vñ  
vmb der frawen jungkfrawē vñ diener die gefang  
en wärent worden Da sagt er ym das sie drei monat  
wärent gelegen vñ ander teütsch vñ gest/ doch het  
man yederman ledig gelassen on den vō Harstat d  
leg noch/ der wär getzigen worden er het darzu gerat  
en vñ geholffen/ vñ wär das also so müst er in der  
gefentnuß sterben. Das lag nū graff Albrecht Hart  
an Des morgens schickt d künig nach ym Also kam  
er vñ do er zu dem künig ein gieng do fiel er auff sein  
Knie vñ bat d künig das er ym vergäbe ob er in ye  
ertzürnt het. Der künig antwort vñ sprach Ein  
meinet ein frumer zu sein d solt ein sein/er vñ güt nit  
enpfremde des dein ere wär/ vñ vnbeuwart dieplich  
bey nacht vñ nebel Da sprach graff Albrecht Gnadi  
ger Herz eüwer genad vgeß eüwers zorns so will ich  
eüch sagen wie es ein gestalt hat vñ wie es darzu ku  
men ist/ vñ küß an vñ saget von anfang biß zu end  
wie Arbogast in das land kummē wör/ vñ die sach  
gantz auß zu end Da sprach d künig Gott d allmech  
tig wil vns mit mengerley straffen vñ manē dz wir  
die sünd meiden vñ erkennen dz er allmechtig sei vñ  
hieß den knaben bringen/ der hieß graff Hanns/ der  
ward gebracht Do sprach der künig. Das ist meinee  
vñ eüwers plüt/ got vñ sein lebe müter voran die  
sich über mich erbärbt hand/ vñ vnser Herz Ihesu  
crist vns zu nutz geborn vñ erpern werde vñ hieß in  
auff knie vñ sprach d künig Also wil ich gnad freunt  
schafft vñ liebe zu eüch haben/ vñ bitten was ir wöl  
lent das zimlich sey des wölle wir eüch gewern so ferz  
wirkunden vñ mögē/ des viel er auff seine Knie vñ

dancet ym hoch vnd vast Vñ vor freüden giengent  
graff Albrecht die augē über Da sprach d̄ künig mer  
Ich will eüch geben ein gab das ist ein zeichē des frii  
des also dz ir vñ alle eüwer nachkomē auff eüwerm  
helm vorn an der yffelon ein güldin ring mit einē sa  
phir söllent führen Des dancetym graff Albrecht gar  
hoch vnd was von hertzen fro. Da sprach der künig  
Nū tünd eüwer gepet/ do sprach graff Albrecht. So  
pit ich eüwer gnade das ir mir wöllent gebē herz Osw  
wald vō Hatstat ledig mit mir heim zūführen dān er  
weder rat noch that noch kein schuld an der sachs hat  
Des ward er gewert Also lag graff Albrecht dem vō  
Hatstat zū lieb dennoch. xvi. wochē do still biß er er  
starckt vñ des luffts gewonet. Da für er yn mit ym  
heim Nū het graff Albrecht ein tochter hieß Marg  
reth vñ eine hieß Dorothe/ vñ als er auß was geritē  
do lag sie dennoch in d̄ kintypet eines suns hieß graf  
Ulrich/ do er nū heim kam do vermehelt er die elter  
tochter Margreth des graffen sun vō Sophay Dar  
nach het er etwen menig kind. Vñ sein brüder graff  
Hug wz gar ein geistlicher tumberz vñ kam in sant  
Bernharts orden/ darin storb er. Nū hieß graff Al  
brecht den vō Alsteten sein vater biß in den tod dā  
er het wol an ym geton vñ für geschlagen das sie die  
schuld bezaltē vñ die herzschaft allenthalbledig gen  
macht/ vñ het herz Oswald vō Hatstat auch bey ym  
biß an sein tod/ vñ saß graff Albrecht im land vñ re  
giret es ordelich als es ein frumē herze zimbte Jte do  
graff Albrechts hochzeit ein end genam vñ auch die  
reis do het. Arbogast sein kaufrauen auch heim ge  
füert in die stat Bern/ do wz sein vater lantuoget vñ  
statthalter des stiffs zū Strassburg Nū was mit ym  
g iij

graff Albrecht vñ ander herre vil vñ würdet wol en  
pfangen vō seim vater vñ aller ritterschafft / vñ das  
erst kind das sein frau gepar hieß Albrecht dz ander  
was auch ein sun vñ hieß Lazarus / dz drit was ein  
tochter vñ hieß Elisa / vñ kam in grosse würdigkeit  
ere vñ güt dān er vnünfftig was frum vñ keck. Nū  
ward graff Hāns graff Albrechts sun der zū Porti  
gal was nū. xiiij. iar alt do starber vnd ward in sant  
Bernharts kloster begraben / vñ ist noch heüt zū tag  
do ein stein do schilt vñ helm vnd s ring an dē helm  
an hangt / als manig ritter vñ lantsarer gesehen hat  
vñ noch sehen mag Vñ ich Thoman Lirer gesehen  
zū Kanck weil das do gehört zū dē schloß vñ herzsch  
afft feltkirch hab dise ding dē merern teil gesehe / vñ  
auch vil an frumen leütē erfragt vñ erfarn / an war  
hafften herren rittern vnd knechten die mich des gar  
worlich vndricht habent / dān ich auch meins gnādi  
gen herren vō Werdenberg knecht bin gewesen vñ  
mit ym auß gefaren gen Portigal / vñ mit im wider  
heim kumen Vñ ist das büch zūm ersten ab geschri  
ben worden in dem als man zalt vō der gebürt Cristi  
xj. hundert vnd jm. xxxiiij. iar an sant Oswals tag.

1133.

**In Gottes namen Amen.** Dise Cro  
nig ist gemacht auff das aller kürzst darūm das mā  
vō langer red nit vrdrützig werd darin zū lesen von  
den Römische künigen Vñ besunder von dē die sei  
der dem grosse künig Karolo zū dem römische reich  
kumen sind. Die habent auch zū dem ersten Gmünd  
gestift vnd die selben stat gefreit.



en behalten het.

Es ersten so ist zu wissen das nach anfang vnd schöpfung der welt zwey tausent. iar die welt gantzlich mit der sündflut des wassers ver// tilget ward/ on allein herzen. Noe vnd die menschen/ das gefögel vñ die thier die er bey jm yn der Arch//

2.0.0.0.

¶ Item nach der selbē sündflut aber über zwei thau sent vñ sibentzig. iar ward Troy durch Paris vnd Helena vō den Kriechen zerstört/ vñ vil and gros// sen fürsten vñ herzen dannen vertriben/ der einer was genant Eneas/ der kam gen ytalia vñ wonet do bis an seinen tod in kriegs weise. Vnd nach ym sein nach kommen vil. iar. Vñ sunderlich so kamēt nach jm zwen brüed Kumulus vñ Remus die baw ten Rom. Das geschach nach dē als Troy zerstört ward. cccc. vnd. viii. iar.

Troya

Roma

414

¶ Item Kumul<sup>9</sup> ertöt sein äne Ninitor/ vñ sein brü der Remum. Vñ vnderzoch sich einig des römische reichs Darum so ward er vō dem thunerstrall ersch// lagen Darnach do ward Rom wol zwei hundert vnd vierundfünffzig. iar mit Künigen auffgericht Die Römer vtribent do die künig vñ erweltent ratgebē vñ gesetz macher die sie vñ ire kind aus richtent/ vñ darnach erweltent sie aber schöpffer vnd senator die sie vñ ire land versehenent/ daruon wuchs yn grosser langwerig vñ vnmesig krieg/ also das sie in vil. iare mit mer dān ein sumer on anfechten vñ krieg belibē.

Roma

220

Handwritten signature or mark at the bottom right.



¶ Item nach dem als Rom des ersten vō Romulo  
gebawē ward, vñ darnach über vierhundert vnd  
fünffzig. iar do w3 rom zehen. iar on vnderlos vō den  
aus Gallien besessen vñ zerstört vnd ward darnach  
wider gebawen von keiser Julio.

1168  
Julius

¶ Item do man zalt vō anfang der stat rom tausēt  
hundert vñ achtundsechzig. iar kam keiser Julius  
der erst keiser zū dem reich Vñ do er fünff. iar regirt  
do ertöten yn die rōmer. Vnd nach dem keiser Julio  
kam Augustus zū dem reich, vñ vnder dē keiser Au-  
gusto seins reichs im. xl. iar do ward Cristus geborē  
zū Bethlehem Also finden wir das von rom anfang  
bis zū Cristus gebürt tausent vierhundert vñ. xv.  
iar gewesen sind.

415 do

¶ Item das von anefang der welt bis zū Cristu ge-  
bürt fünfftausent hundert vnd neünundneünwig  
iar gewesen sind.

1168  
Vñ. hoc  
Vñ. da

¶ Item vō dem ersten keiser Julio sind sechs vñ si-  
benzig rōmischer keiser vñ künig gewese bis zū des  
grossen künig Karolus zeitē. Vñ der selben künigē  
vnd keiser ward einer erhēckt, einer vbrant, zwen  
ertrenckt, zwen ertötten sich selber vierden ward ver-  
gen, vnd den andern dreundtreissig ward vergebē  
von den Rōmern vnd vō iren freunden. Die andn  
sturbent rechts tods.

Och  
Aquisgran

¶ S ist auch zū wissen das hie vor zeiten teüt-  
sche land ein besüder künigreich gewesen ist  
In dē reich w3 hie vor ein künig d hieß Gr-  
anus d bauwt ach darū so heist es noch also im latei

**A**S was auch hie vor ein künig des selben rei-  
chs bey Mentz gefessen der hieß Atus, & het  
ein weib die hieß Pyla, von den zweien na-  
men do gabent sie irem sun den namen Pylatus der  
ward in Judea gesant vō Tyberio. Von dem ward  
Cristus verurteilt vnd gekreuzigt. Vnd darnach  
nach vil künigen vñ. iare do kam Pipinus zu dem  
strenckischen reich das vor das teütsch reich ist genāt  
vnd auch dz germanisch, das allmanisch od theoton-  
nisch reich heist, die namē wissent die gelerten wol.

*Pilatus*

*Germania  
Almania  
Theotonia*

**N**ach dē Pipino kam sein sun Karolus magn-  
nus zu dem teütschen reich, der selb halff die  
römischen kirchē wider den Pilstulffum be-  
schirmen lange zeit Der thet so weißlich biderberlich  
vnd so cristenlich das ym der stul zu rom vñ mit  
der rōmer willen das rōmisch reich enpfolhen ward  
vnd die würdigkeit, vnd auch das keisertum, des sel-  
ben reichs zu Constantinopel, als es vor d groß Cō-  
stantinus ein rōmischer keiser gewidmet het vnd es  
den teütschen in des grossen künig Karls persan gab  
vnd im enpfach das ymermer zu behaltē vnd zu be-  
sigen doch mit des babst conforwirung Das beschach  
do mā zalt von d geburt Cristi achthundert vñ zwey  
iar Der selb keiser Karol<sup>9</sup> regirt bey dem reich. viiiij.  
iar, vnd ligt zu Ach begraben.

*802  
Ach*

**D**er keiser Karolus erbet sein sun Ludwic<sup>9</sup>  
vñ regirt. xvj. iar Vnder dē starb sant Hilg  
vnd ward Vngerland des ersten criste Der  
keiser Ludwig ligt zu Meinz begraben.

*Meinz*



**D**er keiser Ludwig ließ drey sün Lothariū Ludicum/ vnd Pipinum Die kriegten mit einder vmb das reich das zu der selben zeit mer dann eilff hundertthausent menschen erschlagen worden inn iren gefechten. Doch ward es zu letst gericht/ also das lotharius das römisch reich solt ben heben/ der ander brud frantreich/ das dar vor Gal lia hiesse/ ee dz es Karolus d groß mit dem schwert gewan Das selb reich ist noch heüt des tags vom römischen reich vnd vō teütchen landen gesundert ist Dem dritten brüder wurden andere land zu seiē han den. also das er auch verricht ward Lotharius lebt vñ regiret vnläng darnach vnd starb on sün in des babsts bann.

*vide fastidij  
177*

**D**en Lotharius erbt ein bruder Ludwig/ d vor mit ym vñ mit pipino wol. iij. iar kriege het/ vñ regirt. xv. iar. der selb keiser Ludwig ließ drey sün Karolum Bartholomeum vnd Ludwicum/ do kriegt Karolus mit sein brüedern. xj. iar vnd ward do vertriben.

*Die leuße  
fressen  
Carolus*

**N**ach de selben regirt sein brud Karolus ma gnus sün genant Arnolfus. vij. iar de frasse die leuße Der keiser. Arnolfus w3 vnd dem babst der ein frau was/ vnd an offner strass zu Rom do zersprang sie an einem kind/ als ym der tüfel geoffnet het vor den römern. Die selb strass meide noch alle best das sie nit dar an komen von der schande wegen.

*Bapt Jutta*

*iohes pp̄a. octauus fuit femina. naac anglic.  
rexit anno dñi. 852.*

**A**ls 8 keiser Arnolff starb do regirt sein sun  
auch .vij. iar vnd dem keiser nament die tü  
sel bischoff hats von Mentz vnd fürten yn  
gen Sicilia auff ein berg vnd wurffen yn lebendig  
in ein feürin grüben wän er het graff Albrecht durch  
hasß dem keiser hingeben zü töten.

Miracy  
Mentz

**D**en keiser Ludwig erbt sein sun Cunrad / 8  
regirt .xviij. iar vnd an ym starb schilt vnd  
helm ab Also was kein vatermag mer von  
schilt vnd von helm des grossen künig Karolus.

Item des künig Karol<sup>9</sup> geschlächt het dz römisch  
reich mer dän .c. vñ .xx. iar innen gehebt Der letzte  
keiser Ludwig ligt zü fuld begraben.

120  
fulda

Item do man zalt vō Cristi geburt .ix. hundert vñ  
xxiiij. iar. vñ nun kein erb des grosse künig Karol<sup>9</sup>  
vō schilt vnd vō helm nit mer wz do vnderzugent  
sich die hertzogen von Sachsen des reichs / wän sie  
warent des letzten keiser Cunrads nechsten mütter //  
mag / vnd ward hertzog Heinrich von Sachsen er //  
welter künig vnd den hieß man keiser vogler / wän  
ym wz gar vast wol mit dem federspil Er kam auch  
nit gern zü dem reich / aber er nam sich des reichs dar  
umb an das es seinen geschlächt nit entpfürt würde  
Der selb künig Heinrich der regirt .xviij. iar vñ was  
auch der erst an dem namen Heinrich in de römisch  
en reich.

Dux saxo

**D**en erbt sein bruder Ott der erst an de name  
der hieß 8 groß Ott vñ regirt .xviij. iar vñ  
der de keiser verbrant ein bischoff zü Mentz  
ein schüren woller armer leüt / wann das selbige iar

Mentz v  
ein sch  
vol bet

was gar grosser hunger in dem land / vnd darumb  
so plaget yn gott das er die meiß fliehen müst in den  
Rein Vnd do mocht er dannocht gottes plag nit en  
trinnen yn fr assent die meiß in dem Rein. Der selu  
big groß keiser Ott ligt zu Weidburg begraben.

**D**er keiser Ott erbet sein sun / der and Ott rey  
girt neün. iar Bey des zeitē w3 sant Ulrich  
zu augspurg Vnd sant Cunrad Bischoff zu  
Costentz. Der keiser verbot frid prechen / bey ab schla  
hen des haubts / wann das gar gemein was in wö//  
lischen landen / welcher den friden sprach dem schlug  
mä sein haubt ab. Vnd hieß eins mals do er grossen  
hoff hielt zu rom Vnd do die herren ritter vñ knecht  
zu tisch gefessen warent Do ließ er all frid precher leu  
sen vnd rüegen / vñ nam do die selben von dem tisch  
vnd hieß sie enthaubten / vnd hieß do die andn frä  
lich essen. Was freud do mocht gesein Der selb kei  
ser Ott ligt zu Rom begraben.

**D**en selben keiser Otten erbet sein sun 8 drit  
Otto Vnde versus Otto post otto regnavit  
tercius otto Der selb Ott het ei vnstet weib  
die warb an einen Graffen das er sie leiplich nüffe /  
das wolt der Graff nit thun / dan er wolt seinen her  
zen vnd sich selber nit enteren. Die künigin gab den  
Graffen hingegē dem künig vñ sprach Der graff het  
sie ired leibs vnd ired erē an gemutat Der künig hieß  
den Graffen in einē gäßen zorn ertötē Da begegnet  
ym sein eelich hausfraw / do sagt ir der Graff sein vn  
schuld / vnd wie in die künigin so bößlich vñ sein leu  
ben vñ vmb sein frümkeit vnd biderpkeit hingebu

Diese was  
Adyt zu  
Me. 27  
Hf



en het Vñ er ermanet sie ser so er ymmer ernstlichest  
mocht das sie auff sein sel nach seinē tod mit dem glü  
enden eisen sein vnschuld beweisen wölt. Wān das  
was zū den zeiten vast gewonlich Vñ darnach eins  
mals do berüfft der keiser Ort ein gericht vnd darzū  
all wicwen vñ weisen, die wolt er all nach dem rech//  
ten richten lassen vñ do er das gericht besetzt do kam  
des enthaubten Graffen weib mit des graffen haube  
für das gericht vnd rüfft do das gericht vñ hilff vñ  
recht an vñ beweist also des Graffen irs enthaubte  
mānes vnschuld, vnd sprach den keiser an vñ sein  
haube Der keiser erschrack des gar ser vnd hart vnd  
er warb ein auffschlag des gerichts zehē tag / darnach  
acht tag / darnach sibē tag, darnach sechs tag. Vnd  
gab der Gräfin vmb yeden auffschlag ein güte veste  
vnd ir namen dar vō eine heist die zehent, die ander  
die ach, die tret die sibent / die vierd die sechst, vnd lig//  
ent in Lümer bistum / vñ ee die tag nun volgiengē  
do befand s künig des Graffen vnschuld vñ das im  
vnrecht geschē was Vñ das die künigin mit ein  
andern ir vnkeüsch auch gepflegē het, vñ sieng sy vñ  
ließ sie lebendig in ein feür werffen vñ sie verbrenen  
Vnd do der künig keins erben mer warten was vō  
schilt noch vō helm, vnd auch kein erben het der ym  
vō schilt noch vō helm zū gehört do machter im mit  
willen s rōmer vnd bestetigūg des Babsts, die ordn  
nung s kūr als sie noch die künfürsten habe vnd gab  
do yn die ämpter vñ darzū gewalt vnd macht do ein  
rōmischen künig vñ künfftigen keiser zū erwelen vñ  
zūuolfüren ire ämpter, als sie noch heüt des tags ha//  
bent Der selb keiser st regiert. xv. iar vñ starb schilt  
vnd helm mit ym ab. Also hetent die hertzogen von

*Electoris  
Imperij*

*Rayona*

Sachsen das reich bei. xvij. iaren inn.

Keyser  
Henry

Menz  
grih  
Lond  
Lipe

**D**o man zalt vō Cristus gebürt tausent drei  
iar do erweiltē die k̄urfürsten hertzog Hein-  
rich von Beiren zū Rōmischen k̄nig vnd  
k̄ünfftigem keiser / vnd ward auch der erst dē die k̄ur-  
fürsten ye erwelten . Vnd er het ein frauen die hieß  
K̄unegundis . Die zwey eelichen gemechett beliebet  
keusch in irem leben bis an ir end / vñ sind noch beid  
heilig Vnd dem keiser do was eins armen wagners  
sun Bischoff zū Mentz der hieß Willigis d̄ het von  
Demüctigkeit wegē ein pflugstrad bey seiner bettstat  
hangen. vnd het dar ein mit grossen güldin b̄uchsta-  
ben geschriben Wiligis Wiligis gedenc̄ von wān  
en du kumen seiest . Vnd darumb so habent die von  
Mentz noch heüt des tags ein pflugstrad in irē b̄ær  
vnd auch das bistumb vō Mentz vō des wagners  
wegen / vñ ist also da mit bezeichnet vnd bestetiget  
Derselb keiser Heinrich was der and̄ an dem namē.  
Heinrich / vñ regirt. xvij. iar. vnd ligt zū Babenberg  
begraben.

**D**o man zalt vō der gebürt Cristi vnser s her-  
zen thausent vnd funffundtzwentzig iar do  
erwelten die k̄urfürsten hertzog C̄nrad vō  
franken d̄ regieret funfzehen. iar vnd ligt zū Speir  
begraben / der selb k̄nig C̄nrad gebot wer den frid  
brech dem solt man sein haubt abschlahen. Das geo-  
bot brach graff L̄ipolt vō Kalb / vnd do der k̄nig  
zū land wider kam do entweich graff L̄ipolt an den  
Schwarzwald in ein öde mül vñ meinet sich do zū  
enthaltē mit seiner hauffrauen / bis das ym des k̄u

nigs huld erworbe wurde Vñ eins mals reit der Künig vngesfarlich an Schwartzwald für diemül hin Vñ do yn graff Lupolt hort do forcht er der Künig & süchte yn vñ floch in de wald vnd ließ do sein hauß frauē in der müll Die frau mocht vorschrecken niē dert kumē wān es vñ die zeit was dz sie solt gebern ein kind/ als nū der Künig nebe die müll kam vñ die frauen in iren nöten hort schreien/ do hieß er besehen was der frauen geprest. In den dingen hort & Künig ein stim die sprach Auff diß stund ist ein kind hie geborn dz wirt deiner tochter mā. Der Künig erschrack vñ west anders nit dān das die frau ein beürin wār vnd gedacht wie er fürkam das sein tochter nit einē bauru würd vnd schickt do zwen seiner diener in die müll das sie das kind töten soltent. Vnd des zū einer sicherheit so hieß er ym des Kindes hertz bringen/ vñ sprach er müst es haben zū einer büß Die diener müste dem keiser genüg thun/ doch hetent sie gots forcht vnd woltent das kind nit töten/wān es gar ein hübsch knöblin was/ vnd legtent es auff ein baum/ darumb das etwer des Kindes inen würde vnd brachtē dem keiser eins hasen hertz/ das warff er den hunden dar/ vñ meint er het darmit fürkumē der stim weis sagung In den weillen iaget hertzog Heinrich von Schwaben auff dem wald vnd fand das kind einig vnd sach das es ein neu geborn kind was. vñ bracht es heimlich heim seiner frauen die was vnberhafft vnd bat sie das sie sich des Kindes an nām vñ sich in ein kintpet legt vñ das kind für ir eigen natürliches kind het wann es yn von gott geschickt wār worden. Die hertzogin thet es geren/ vnd also ward das kind getaufft vnd ward Heinrich geheissen/ vñ das kind

h

27 *Dram*  
dorft niemand anders halten dan für ein hertzogen  
von Schwaben. Und do das kind also erwuchs do  
ward es künig Cünrad gesant zu hoff/ do hieß der künig  
den Knaben gewonlicher vor ym stan dan die an  
dern jungē herzen die an seinem hoff warent vō sei  
ner klügen weißheit vnd heftigkeit wegen. Nū kam  
dem keiser für das ein lānde wār das d̄ jung herz mit  
ein rechter hertzog wār vō Schwaben/ vnd wie das  
er eingeraubt kind wār. Da das der keiser vnam do  
rechner er sein alter nach vñ kam in ein forcht d̄ er  
der wār von dē die stim bey d̄ mül geret het/ vñ wolt  
das aber für komē das er seiner tochter nit zu einem  
mā würd/ vñ schrib ein brieff der keiserin yn dem en  
pfalch er ir als lieb ir leib vñ leben wār das sie dē zein  
ger diß brieffs hieß töten. Den brieff enpfalch er dem  
jungen herze beslossen das er yn der keiserin antwur  
te vñ niemant anders. Der jung herz vstünd in den  
sachen nit ands dan gūts/ vñ wolt die botschaft vol  
enden vñ kam vnd wegen in ein gelertē wirtzhuss  
dē enpfalch er sein teschen vō sicherheit wegen. Darin  
der brieff vnd ands ding lagent/ Der wirt kam über  
den brieff vō seins wunds wegen vñ do er geschribē  
sand das die keiserin yn töten solt do schrib er das die  
keiserin dem jungen herze zeiger diß brieffs ir tochter  
gebe vñ ym sie zu legte vñ hertzogenlich/ vñ beslos dē  
brieff mit dem insigel gar hoflich zu/on gebrechē. Da  
nun der jung herz d̄ keiserin den brieff zeigt do gab sy  
im die tochter vñ legt sie ym zu. Die mār kament für  
den keiser do befand der keiser mit dem hertzogen vō  
Schwaben vñ and ritter vñ knecht wie d̄ jung herz  
was vō graff Lūpolds weib in d̄ mül geboren von dē  
die stim ym geweissagt het vñ sprach Nun merck ich



herbypolis sola iudicat euse 7 stola

Er fieng auch ein Babst/darumb so ließ yn auch got  
on leibs erben sterben/vn ward do mit ym schilt vn  
Helm zu Speir begraben vnd ka do das hertzogtum  
in Francken mit hilff des stüls zu rom an das bistub  
zu Würzburg.

Dux  
Saxoniae

Mosim  
xviii

**D**o man zalt von Cristigebürt tausenthundert  
vnd sibenzwenzig. iar do erwelten die  
kürfürsten in einer zueiung hertzog Lochari-  
rius von Sassen/vnd hertzog Cünrad von Swa-  
ben hertzog friderichs brüder darumb kriegt Lochari-  
rius Schwaben land/vnd zerbrach Ulm/vn behüb  
auch das reich wider den hertzogen von Schwaben  
wän der babst conformiert vnd krönet in/vn warff  
do den hertzogen vö Schwaben vnd den Lochario  
Da gebat ein fraw von Hispania ein gebürt die her-  
vornen ein menschen haubt vn hinden eins hunds  
haubt in der zeit do sant Bernhart ein münich was  
vnd eingetreuwer vogt der kirche. Der Locharius  
regirt eilff. iar.

*bei satt das kloster vnd  
studen vetter fündig vnd  
ligel an da begraben 3 mal von Ananias*

**D**o man zalt vö Cristus gebürt tausenthundert  
vnd achtundtreissig. iar do erwelt die  
kürfürsten hertzog friderich des vor genan-  
ten künig Cünrads brüders sun/der wz der erst kei-  
ser friderich/der gewan Meyland vnd gab bischoff  
Künolt von Kölen der heiligen dreier künig leich-  
nam zu sold/wän der bischoff het ym mit grosser ma-  
cht geholffen Der keiser was ein güter Crist vnd für  
über mör durch die wüest Rumanen/do schanckt im  
künig Sold on einē mickeln. Schmaragte was vol  
Balsams dz nam der keiser friderich in angesicht des

Herb  
rege

Königs Soldan boten vñ lobt daz vō seiner kostlig  
keit wegen/wān es was ein s ganzen lands wert vñ  
sprach Da sey got vor das ich so einig ein solich groß  
schencck nem/vnd nam das was vñ varff es auff de  
estrich das es zū klein stücklin zerbrach/vñ hieß das  
sein edel diener auff lesen als vil dān yeglichem wer  
den mocht/des ward do manig edelmā reich vñ sōlig  
Vñ vnder dem selben keiser friderich wurden eines  
mals drey sunnē vnd drey mon gesehē/vnd vnd ym  
ward das . Decret vñ das bñch vō den hohen sinnen  
gemacht/als er wol. xxxviij. iar geregieret het/vnd  
het auch dē heiden vñ allen sein feinden heilsamlich  
angefiget. Da ertrenckt er sich an sant Bartholomes  
tag zū Armenia i ein klein bach darin er sich wusch  
in angesicht aller seiner diener/der doch ym keiner zū  
hilf kam/vñ in der stat Thyzo bei dem keiser wurden  
drei Beist erwelt Vñ der keiser hielt den vngerech  
ten. Der künig vō francreich hielt Alexanrum dē  
die gerechte hieltent. Vnd do die zueiung. xvij. iar  
gestünd/do behüb Alexand den stül zū rom. Da be  
kant der keiser sein vnrecht/vnd darumb ward ym  
zū büß geben das er müst über mör faren.

**D**o man zalt vō Crīstus gebürt tausent hūn  
dert/vnd. xcj. iar do erwelten die kñrfürsten  
keiser Heinrich den sechsten/der vor genant  
en keiser friderichs sun der bezwang Buller land in  
seinem erste. iar an sant Johans abent zū sūnwen  
den/do erlasch die sunn von tertzzeit bis zū nonzeit  
Als nun das erleschen der sunnen allweg künfftig  
übel tūt/do kam gar vil übel s darnach/vñ kamēt so  
lich groß regen doner vñ weterplick s gleich vor nie

h iij

1011  
Kec soler  
Kec linn

Prinz  
Decret

Kec  
papab  
sit legis  
frisse

Pol obsri  
vans of

*Muz*  
mer gesehen noch gehört ward Grosser vnfrid in den  
landen Man sach do auch die rappen prinnent folē  
in irē schnäbeln tragen vñ die heuser anzündē. Vñ  
do er acht. iar regiert do ward im vergeben vñ ward  
zū Speir begraben.

*1200  
1201  
1202  
1203  
1204  
1205  
1206  
1207  
1208  
1209  
1210  
1211  
1212  
1213  
1214  
1215  
1216  
1217  
1218  
1219  
1220  
1221  
1222  
1223  
1224  
1225  
1226  
1227  
1228  
1229  
1230  
1231  
1232  
1233  
1234  
1235  
1236  
1237  
1238  
1239  
1240  
1241  
1242  
1243  
1244  
1245  
1246  
1247  
1248  
1249  
1250  
1251  
1252  
1253  
1254  
1255  
1256  
1257  
1258  
1259  
1260  
1261  
1262  
1263  
1264  
1265  
1266  
1267  
1268  
1269  
1270  
1271  
1272  
1273  
1274  
1275  
1276  
1277  
1278  
1279  
1280  
1281  
1282  
1283  
1284  
1285  
1286  
1287  
1288  
1289  
1290  
1291  
1292  
1293  
1294  
1295  
1296  
1297  
1298  
1299  
1300*  
**D**o man zalt van Cristi gebürt tausent zwey  
hundert. iar do erwelten ein teil der kurfürst  
en hertzog Otto vō Brannschwig/ vnd d an//  
der teil hertzog Philipp vō Schwabē keiser friderichs  
brüder. Otto ward durch legaten des. Babsts zū Aū  
ch gesalbet zū ein künig. Aber hertzog Philipp wid  
stünd ym vestiglich. Vnd künig Otten siens ersten  
iars lag hertzog Philip eins streits ob bey Kōln vñ  
schrib sich darnach in rōmischen künig. Das stonde  
bis inn das. ix. iar do erstach in ein Pfaltzgraff von  
Wilspach zū Babenberg mortlich.

**D**o vnderzoch sich aber hertzog Ot des reichs  
vnd ließ sich zū Rom krönen/ vnd schwur  
der kirchen als gewonlich ist/ vnd sprach den  
eid von stund an/ wann er beraubet die den heiligen  
stul heim suchten/ darumb bannet yn der Babst In  
nocencius d drit vnd gebot den kurfürstē das sie der  
kirchen ein andern vogt vñ rōmische künig erwelte  
do erwelten sie hertzog friderich von Schwaben kei  
ser Heinrichs des sechsten sun Aber künig Ott was  
im zū starck das er an das reich nit kōmen mocht die  
weil künig Ott lebt Vō den misleüffen schreib Ba  
bst Innocencius dem hertzogen von Tōringen vnd  
beweist in gar eigentlich das dē. Babst zūgehört er  
keennē vnd erkiesen die person die dān also vō den

*und d ist nicht was.*

Kürfürste erwelet wirt zu dem reich ob sie des würdig  
wör/ vnd die erwelung als recht ist geschehen od nit.  
In disen leüssen ward parfusser orden angefangen.

Ordo Mi  
noz

**D**o nun künig Ott in des babsts bän gestarb  
do ward d vor genant hertzog. friderich zu  
rom gekrönt. Er wz auch künig zu Sicilia  
Er fur auch gen Iherusalem vnd gewan es mit ma  
cht/ vnd schuff auch das die kürfürsten bey seinem le  
bedigem leib sein sun. Heinrich zu römisch: m künig  
erweltē, vñ dz er auch zu Ach gekrönt ward Der kün  
ig Heinrich miß tet wid sein vater keiser friderich  
darumb sieng in sein vater der keiser vñ verschick in  
yn das ellent Darnch satz der keiser friderich mit  
für der kürfürste sein sun Cunrad zu römischem kün  
ig Der keiser friderich bauwet Esling Keütling.  
Heilprun vñ ander stet Schwaben, vñ gab yn frei  
heit vñ stetrecht Er was auch vast gewaltig vñ gi  
eng ym wol/ des über hüb er sich, vñ leit sein böß züg  
in de himel. Vnd sprach in gegē würtigkeit lād  
No<sup>7</sup> graff Heinrichs vō Türingen vñ auch and herze rit  
ter vnd knecht Diß ketzerlich lästerlich drei göt habē  
die gantz welt betrogē. Moyses die judē. Nachmet  
die heiden, vñ. Ihesus die cristen, darumb het ich es  
an den fürsten ich wolt besser weg finden vñ wissen  
rechter zu leban dan ir noch keiner Vñ vmb die böß  
heit vñ gemeinschaft die er mit de heiden vnd auch  
vmb sein leichtigkeit das er nit acht ob er ein satzüg  
brech oder vmb and vncristenlich getat do gebot der  
babst de kürfürsten das sie ein andn künig vñ künff  
tigen keiser erweltē/ do erwelten sie lantgraff Hein  
rich von Türingen wider keiser friderichen Der lās

Esling  
Keütling  
Heilprun

No<sup>7</sup>  
Hr d. u.

Langgrawig Hertzog pass e republik Franckfurt.

graff kriegt Schwabenläd gar vast vñ belag Vm  
aber er müst vngendert dānen ziehē. Der lantgraff  
ward riterlich an sant. Als wals tag von Franckfurt  
geiaget das t̄het k̄nig C̄nrad des keisers sun Dar  
nach k̄rtzlich starb der lantgraff/ do er ein ganz. iar  
vmb das reich gekriegt het.

**D**arnach erwelten die k̄urfürstē hertzog Wil-  
helm von. Holand wider keiser friderich/ d̄  
schüff auch nichts/ wān er lebt nun drii. iar  
do nun keiser friderich regirt wol auff. xxxij. iar vñ  
xj. iar inn des babsts bann gewesen was do starb er.  
Bey dem keiser stünd die kirch wol zwey iar on bebst  
wān er was gar ein grosser wüetrich/ also das er die  
kardinel bischoff vñ and̄ prelaten vñ die pfaffenheit  
betzang das sie müstent vor den weltlichen richtern  
recht nemen/ vñ betzang sie das sie müsten kempfen  
vñ erhancet vnd ertrenckt etlich prelaten vñ pfaffe  
Er brach auch sein eyd Vnd das waren sache seins  
absetzens wie ob stat.

**D**o man zalt von Cristus gebürt. M. cc. vñ. l.  
iar do vndertzoich sich k̄nig C̄nrad des rei-  
chs nach seins vaters tod. Vnd darnach  
k̄rtzlich zoch er in Buller land vnd sach do vmb  
das k̄nigreich/ do sieng in d̄ k̄nig Mauricius vñ  
hieß ym das haupt ab schlagen. Also starb das hertz-  
ogthum zu Schwabē mit schilt vñ mit helm ab. Die  
selbē hertzogen hetent das reich wol bey hundert vñ  
xxij. iar inen Darnach stünd das reich wol. xxij. iar  
on k̄nig vñ keiser/ vñ w̄z doch güter frid in d̄ landē.

Man zalt von Cristus geburt. M. cc. vñ  
lxxxij. iar do erwelten die kurfürsten graff  
Rüdolff von Hapsburg, der ward künig vñ  
mit kaiser, vnd macht gütten frid in den landen, vñ in  
dem sechsten. iar seins reichs do was es so wolfeil in  
schwabenland das ein schöffel rocken galt zwen schil  
ling heller vnd ein schöffel dincels. xx. heller vñ ein  
schöffel haberns. xvj. heller der künig Rüdolff ersch  
lüg in de fünfften. iar seins reichs de künig Odelker  
vō Behem in einē streit zū tod Vñ vnd ym do starb  
ein hertzog vō östereich mit schilt vnd mit helm ab  
vnd ward do das hertzogthüm vō östereich dem he  
ligen reich ledig vñ do lech künig Rüdolff östereich  
vnd die Behem seinem sun graff Albrecht vō Hap  
spurg/also wordent aus den graffen von Hapsburg  
hertzogen vō östereich Der künig Rüdolff regieret  
xxvij. iar darnach stünd dz reich ei. iar on künig vñ  
on kaiser Bey des ob genantē künig Rüdolffs zeiten  
was ein herz genant graff Eberhart zū Wirtemberg  
der leget sich auch wider künig Rüprecht mit kriegē  
hertigklich Der selb graff Eberhart ward aus seiner  
müter leib geschnitē als er geborn solt werden. Sein  
müter was ein erbere fra w genant Agnes/ein hertz  
ogin auß Holland vnd als pald sie das kind an sach  
als es vō ir geschnitē ward do sprach sie. Tünd hie  
das kind/dän die weil es lebt so gibt es allem schwa  
benland zū schaffen mit kriegē Darnach zūhand do  
starb die fra w/ vnd wie sy gesaget het das ward alles  
war, wän er kriegt die weil er lebt mit allen römisch  
en kaisern vñ künigen die bey sein zeitē warent. Der  
selb graff Eberhart ward wol. lxxx. iar alt.

Caristia

phena  
H. vñ  
de filio

*Nassa*  
*aus dem*

**D**o man zalt von Cristus geburt. M. cc. vñ  
xcij. iar do erwelten die kurfürste graff Adolff  
vō Nassaw zu Römischen künig. Dar  
wider sagt sich Hertzog Albrecht von östereich vnd  
sprach sie soltent yn pillicher erwelt haben / wann er  
meinte dz reich solt aber an dem geschlächte beleiben /  
die weil doch noch einer von dem geschlächte in leben  
wår der do nütz vnd gut zu dem reich wår. Die für  
sten meinte man solt ein aus ein andern geschlächte  
nemē vnd erwelen / darumb das mā es nit in langer  
gewā: für ein erbampft hette Da meint aber Hertzog  
Albrecht man solt im tün als vor auch geschēhē wår  
nach dem dritten Otten / wān do belib das reich all  
weg in einem geschlächte / als dann vor geschribē stat  
von den Hertzogen vō Schwaben. Aber das mocht  
nit gesein Da zoch Hertzog Albrecht auff dē Rhein win  
der den künig Adolff / vnd erschlug yn in einē welt  
streit in dem seften. iar seines reichs. Der ee genant  
Graff Eberhart vō Wirtemberg bewegeet sich auch  
wid den künig Adolffen / vñ halff künig Albrecht  
von östereich dē ee genantē künig Adolffen in ein  
em streit erschlahen Darnach do hūb er an vnd krie  
get mit künig Albrecht als lang biß das er vō seinē  
bruder Hertzog Hānsen von östereich zu tod erschla  
gen ward

*aus dem*  
*aus dem*

**D**o vnderzog sich Hertzog Albrecht des rein  
chs vnd stiftet do künigsprunn in Aug  
spurger bistum. Vnd do er also mit gewalt  
vnd mit vnrecht in das eilff. iar geregiert het / do pla  
get yn got d allmechtig mit seinem eignen plüt / wān  
er hūb seins bruder sun Hertzog Hānsen vō östereich

sein väterlich erb mit gewalt vor. Vñ do er nun sein  
erb muntlich an yn erforderet do antworthe er ym vñ  
sprach/er solte nach einem schepelin gedencke das ge  
hörte ym zu vnd nit ein soliche herzschaft. Hertzog  
Hans der het das für ein gar grosse schmacheit vñ  
schlug ym sein hals darumb ab on streit. Vñ ligt bey  
Künigfeld ob Basel. Bei seinē zeitē macht Babs  
Bonifacius d acht Sextum Decretalium Der kün  
ig ward auch nit keiser wän er ward erschlagen an  
sant Walpurgē tag/do man zalt vō der geburt vn  
fers herzen. M. ccc. vnd. viij. iar

*Pex  
p. 11*

**D**arnach do man zalt vō Cristus geburt. M  
ccc. vnd acht. iar do erwelten die künfürsten  
Graffen Heinrich vō Lützelburg der ward  
keiser zu Rom vnd tet grosse mechtige ding/doch so  
het er krieg mit künig Ruprecht von Sicilia. Der  
Babs wolt sie verrichten vnd schickt brieff yn beide  
vnd ein Kardinal von Rom do hin sy dan zu tagen  
kamen waren. In den briesen was vnder andern  
dingen begriffen wie das die beid künig von eides  
wegen der kirchen treu w vnd werheit leiste soltent/  
vnd der kirchen nutze zu werben vñ iren schade zu  
wenden. Das nam keiser Heinrich gar verübel auff  
vnd sprach/er het niemāt kein eid geschworn der yn  
zu solichen dingen pündt. von den dingen schreibt d  
Babs in de Clementi de iur eiurando Romani prin  
cipis in clē. Vnd ist vsehenlich het er lenger gelebt  
er wär in des Babs bann gestorbe. Aber ym ward  
vgegen in Lampartē in einem kelch do er an vnser  
frawē tag Assumptionis das sacrament empfing in  
dem achte iar seins reichs. Darnach stond das reich

*Das pdr.  
caro  
D. 11  
h. 11  
p. 11*

in übeln dingē zwei. iar / Der yetz genant Keiser Hein-  
rich het mit stoß zū teütschē landē / doch bestalter mit  
allen herzen / vnd des reichs steten in teütschē landē  
das sie mit dem ob genanten Graff Eberhart krieg-  
ten Der selb krieg weret. x. iar. Vñ die weil Keiser hei-  
rich lebt do besassen die herzen vñ die reichstet Wir-  
tenberg das schlos. Da nā der selb Graff Eberhart  
ein vñ messen streit mit ym Er het den streit erfachten  
do was sein dienern zū gach nach dem raub vñ fielen  
nach dem güt in die getzelt vñ ym die hüttē / mit dem  
verloren sie den streit wid / vnd wordē seiner diener  
vnd auch des füßvolck der mer teil gefangen vñ er  
schlagen. Darnach worden seiner stet ettlich brüchig  
an ym vnd vielent vō ym / welich aber das nit thetē  
die worden ym an gewinnen / bis on Drach Nissen  
Wirtenberg vnd Seeburg. Als er nū den streit vñ  
Wirtenberg das schlos zerbrochē ward. Da zugent  
die stet gen Bütelspach do was ein stift vñ was der  
her schafft vō Wirteberg leichlege vñ begrebnunß  
do selbst. Da geschach der her schafft zū schmach vnd  
widerdrieff das die greber do die her schafft inen lag  
ent zerbrachen vnd die stein die dar ob lagen erschla-  
gen worden. Als nun der ee genant Keiser Heinrich  
gestorben was darnach in den nechsten zweien. iarē  
gewan er all sein stet schlos land vñ leüt wid. Noch  
dem selbē gedacht der selb Graff Eberhart vō Wir-  
tenberg wie seinē vordern soliche schmach geschehen  
wāt / vñ solichs zū uerkomen das es nit mer in künff-  
tigen zeitten geschehe do reit er selbs persönlich gen  
rom vñ mit gunst vñ erlaubung vnsers heiligē vat-  
ters des Babsts leget er de stift zū Bütelspach gen  
Stogkurt in die stat Vñ warent zū. Bütelspach in

De stift nit mer person dan ein Probst sechs Korbherren  
und auch sechs Vicari. Zu den selben macht vñ  
ordinirt ob genant Herz nach sechs Korbherren und  
sechs Vicari vñ das ein Probst solt haben zwen ge-  
sellen vñ helffer die daz volck versehen mit den sacra-  
menten. Also das zu ewigē zeitē sibenundzwein-  
zig person sollē sein in dem stift on and kapelō und  
früemesser die auch pfümbō habēt in dem stift. Also  
kamē die herren des stifts zu Bütelspach gen Sto-  
ckgartē Und ward diser stift erhaben vñ bestetiget  
auff sant Johāns Baptiste tag in dem. i. ar nach der  
geburt cristi als mā zalt. M. ccc. vñ. xxviii. i. ar nach  
de als diser stift erhebt ward In dem. iiii. i. ar starb  
der ob genant Herz L. herhart Graf zu Wirtemberg  
Stifter des stifts zu Stogkeartē an sant Bōifa-  
cius tag do man zalt von Cristi geburt. M. ccc. und  
xxv. i. ar.

**D**o man zalt von Cristus geburt. M. ccc. und  
viii. i. ar. Do erwelten ein teil der kurfürstē  
herzog friderich vō österereich und der an-  
der teil herzog Ludwig von Peiren. yetweder teil  
het ein teil der fürsten und Reichster an ym. Vñ do  
sie etwe vil zeit mit einander kriegtē do kamen sie zu  
samen an sant Michels abent und stritent mit ein-  
ander do gewan herzog Ludwig vō Peirn de sig-  
und sieng herzog friderich seinen öhem. Und dar-  
nach über dreii. i. ar do lediget yn sei freünd. Er swür  
und verbriefft sich wid künig Ludwigen nymmer  
zu thun. Aber er brach dz alles vñ schrib sich aber ei-  
nen römische kaiser. Darnach mit lang do frassen yn  
die leuß Der selb künig Ludwig regieret yn kün ab

i tij

Die le  
habt  
heyr  
früer

er niemand darzu bringen das er sich dem Pabst er  
zeigte vñ beweiset das er recht erwelt vñ darzu kum  
me wär/ als dz gewonlich ist. Davon kam vil übels  
Pabst Johans hielt do sein hoff zu Amen/wann die  
Römer hetent feintschaft zu ym. Der künig für gen  
rom vñ ließ sich do on güst des Pabsts ein einfeltig  
en Pischeff zu keiser kröne des holffen im die römer  
vnd wurffent mit ym auff ein Parfussen zu Pabst d  
hieß Nicolaus, vñ thet ein kleine zeit die weil d keiser  
Ludwig in wällischen landen was als zu bebstliche  
ampt gehört, vnd do der keiser hinweg kam do erkät  
er sein vnrecht vnd enpfing vō de rechte babst büß  
darüber. Keiser Ludwig nam ein vō behem sein ee  
lich weib die was .xj. iar bey jm gewesen vñ gab sie sei  
nem sun den vō Prandeburg, dz geschach vō Kern  
ten vñ Triel wegen, die auff die frawē erstorben wa  
rent d keiser het zu gelimpff d künig von behem möcht  
nit, dz solt mit geistliche recht aus getragē werde/ er  
belib aber in des Babsts ban bis an sein tod, wān jr  
verbäten drei Böbit nach einand, vñ worden gar  
vil kirchen in teütschen landen vō seinent wege ver  
schlagē. Aber er macht in Teütsche landen vil güter  
stet, vnd gab vil stette zunffrecht vnd and freiheit,  
das vor nie geschehen was in Teütsche landē. In dē  
xxxj. iar seines reichs do gebot babst Clemens dē kūr  
fürsten das sie ein andn römischen künig vnd künff  
tigen keiser erwelten Da erwelt ein junger Bischoff  
vonmentz wān dem alten was sein würdigkeit geno  
men vō der benne wegen vñ het der Babst dem jün  
gen das bistumb gelihen, vnd der Bischoff vō Triel  
der bischoff vō Köln vnd ein Hertzog von Sachss  
en vñ ein künig vō Behem die erweltē künig Karl

*po magister*

Von Beheim zu Römischen König vñ fünffzigē kei-  
ser. Der stond do wider keiser Ludig vñ friget mit  
ym zwey iar do viel keiser Ludig den hals ab auff ei-  
nem geiäg do er nach ein bern reit/etlich meinte ym  
war vergeben vñ die vergift felt ym zu tod vñ starb  
in dreier Bōst bann. Graff Eberhart von wirtens-  
berg ließ ein sun der hieß Graff Ulrich der w3 allein  
herz biß in das zehent iar/ vnd starb an sant Bene-  
dicten tag den man nent translatio/nach Cristus  
geburt. M. ccc. vnd. xliij. iar.

O male  
male

**D**arnach wolt künig Karl regiren aber etlich  
fürsten vñ herzen stalten sich dar wider/do  
er welten etlich für fürsten Graff Guntbern  
von Schwartzenburg de selben kulderten die stet  
in der Wederaw vnd die von Nuenburg/ym legte  
auch zu die pfaltz grafen bey Rhein. Die Herzogē vō  
Beirn brachten ym vil volcks gen Franckfurt vnd  
krōnten ym mit gewalt auff sant Bartholomeß al-  
ter vñ teten sich aus yn gen Aich zu füren mit gewalt  
in do zu krōnē Das fürkam künig Karl mit grosser  
hilff 8 stet auff dem Rhein. vñ des vō Wirtēberg des  
eegenantē Graff Ulrichs/vñ 8 von Helffenstein vñ  
ander herzen vō Schwabē die legten sich gegen ym  
an das gestat yenhalb des Rheins. Einstags ward  
ein geschrei vnder beidē hören do was der vō Wirtē-  
berg mit den sein 8 ersüber Rhein an die feind. Dar-  
nach die andern künig Karls helffer Do wurde vil  
neüwer ritter gemacht. Wā meinet es solt do gestri-  
ten sein wordē von beiden künigen/8 von Schwar-  
zenburg entwich vñ ward lam/vnd man zig des de  
ein arzt vnd sprach er het ym vergen/das ward veru

221

Wirtēberg

Beirn

richt. Also das künig Karl ym v̄hieβ ab zū ton alle  
kost vnd schaden die er auff das reich gelegt het vnd  
das er ym dar zū geb sechstausent marck silbers vnd  
eingegent heist Luteri zū leip geding / do gab künig  
Karl hertzog Rūprecht ein ledin dz het sei Endlin  
versetzt dem bischoff von Trier der herze was keiner  
ym ward etwas hübsch geschenckt wān künig Karl  
gedacht es wurd minder volcks schadhafft gewūn  
er daz reich mit gūt wān mit dem schwert Dem hertz  
ogen aus Beirn dem halff er aus dem bā v̄n er warb  
ym des Babsts kuld v̄n halff im Brandenburg wid  
gewinen wider ein d̄nant sich volckmaeit v̄n sprach  
er wer des altē margrafen sun v̄o Brandenburg v̄n  
nach d̄ richtūg für künig Karl gen Ach v̄n ward ge  
krönt. In dem ersten iar seins reichs an sant Pauls  
bekörūg tag kam ein grosser erbidem yn Ungern in  
Behem v̄n in tūtschen landē v̄n v̄darb do ein grosse  
stat heist Vyllach / darnach kam ein grosser sterbē in  
alle lād als nie kein mā gehört het / do stūd ein lūnd  
auff es hettē die Juden geton / das fand sich auch an  
vil sachen / wān man fand vil säcklin in dē prūen  
ligen / v̄n fand das auch an vil bösen criste die man  
darumb wag / vnd das sie auch veriahen daz sie daz  
vmb der Juden sold hettent geton.

¶ Item do mā zalt. M. ccc. v̄n. l. iar do wordē die Ju  
den in Teütschen landē erschlagen vnd ertötet. V̄n  
darnach als man zalt von d̄ geburt vnser s herze. M.  
ccc. v̄n. lvi. iar do kam ein erripidē das ein teil Basel  
nider viel.

l. 100  
100

100

Republ  
Juden  
Basell

Item do mā zalt. M. ccc. vñ. lx. iar do w3 künig  
Karolus vō Brag mit einem grossen volck gezogen  
in Teütsche land daz den vō Rflingē gar übel kam  
Wān sie müsten ym geben sibentzig tausent güldin  
vō eins auflauf wegen der geschach zū den parfüss  
en als man in dem refental zū rat was.

10000

Item vnd müsten die vō Rflingen do auch gebe  
dreissig tausent güldin Graff Rberharten von Wir  
tenberg das der dem keiser die vō Rflingē bekriegt  
vmb seinen solt. Vnd müsten all reichstett vñ alles  
reich für Rfling ziehen do gaben sie ee das gelt.

Do man zalt vō Christus geburt vnsers her  
ren. M. ccc. vñ. lxvii. iar do kamē die Graff  
en vō Rberstein mit einem zeüg volcks für  
das Wiltpad vnd woltent den herzen von Wirtē  
berg inn dem land gefangen haben do halff ym ein  
baur inn der nacht über die berg allein daruen dar  
nach ward der Schlegel krieg das al edel in disem  
land wider die herzen vō Wirtenberg warent. Vñ  
Rfling stond den Wirtenbergischen herzen bey vñ  
legeten sich für Heimheim. das sich der adel ergab  
an Wirtenberg.

18 ghtig  
1519

Der ob genant. Graff Ulrich zū wirtenberg  
verließ zwein sün graff Ulrich vñnd graff  
Rberhart. Graff Ulrich d verließ kein leibs  
erben vñ starb nach seinem vater in dem. xxvi. iar  
an dem nesten tag nach sant Jacobs tag in dem iar  
als man zalt nach der geburt vnsers herzen. M. ccc.  
vñ. lxx. iar. Graff Rberhart vō Wirtenberg des ob  
f

genanten graffen Ulrichs Bruder & was darnach als  
lein Herz Der selb Herz graff L. Berhart her auch etwe  
vil zeit vnd manig iar Krieg vnd vustride mit des  
reichs steten.

Item do mā zalt vō der geburt Cristi vnser Her  
ren. M. ccc. vñ. lxxij. do geschach ein streit vor Alt  
hein mit den vō Ulm vñ die Wirtenbergische Her  
ren gewüent den sig vñ viengēt wol dreihundert der  
vō Ulm edel vnd auch vnedel Vnd darnach in dē  
als man zalt nach d. geburt vnser Herre. M. ccc. vñ  
lxxij. iar do nam d. vō Wirtenberg grosse schatzung  
von gemein reichsteten.

Darnach als man zalt von Cristus geburt.  
M. ccc. v. lxxvñ. ij. iar do geschach ei streit  
vor Keitling vnd wordē vil Grafen Rit  
ter vnd knecht erschlagen vnd kam d. von Wirten  
berg kaum daruon auff das schlos dar bey Darnach  
besamelten sich die reichstet mit einem so gar grossen  
hōr vñ zugent dam Herzen mit macht vnd gewalt in  
das land in meinūg ym sein land vnd leūt zū besche  
digen vnd sie zū verderben. Vñ der ob genant graff  
L. Berhart der besamelt sich auch mit seinē vocē vnd  
auch mit grosser macht vñ kamēt zū sameut zū Tes  
fingen bey Weil gelegen vnd hetē ein grossen streit  
mit einand. Der von Wirteberg gewan den sig vñ  
wurde auch vil vō den reichsteten erschlagen vñ ge  
fangen die man auch darnach fast an ein zeilen vñ  
ir etwe vil erstach die gefangē waren. Auff den selb  
en tag ward auch erschlagen graff Ulrich des bo gen  
nantē graff L. Berharts sun vñ das geschach auff sāt

Bartholome' abent in dē iar nach Cristī gebürt als  
man zalt. M. ccc. vnd. lxxxviii. iar Darnach in dē  
iiij. iar starb d ob genant graff Eberhart zu Stoek  
gart am nechsten tag vor sant Hardruten tag in dē  
iar nach vnser s herzen gebürt als mā zalt. M. ccc. vñ  
xcij.

¶ Item als mā zalt vō Cristus geburt. M. cccc. vñ  
xxij. iar do ward Hochenzol vō den reichstetten ge//  
wunnen/ vnd lagen iar vnd tag daruor.

¶ Item als man zalt vō Cristus gebürt. M. cccc. vñ  
xlj. iar do ward Meyenfeld gewünen vō den reich//  
steten an sant Augustenus tag.

¶ Item do man zalt vō Cristus gebürt. M. cccc. vñ  
xliij. iar do was d Telffin vō francreich mit dē ar//  
men iäcken in dem land vor Strasburg vñ vor Ba  
sel/ vnd do worden fünffzehen hundert Schweizer er  
schlagen dabey/ vñ in dem siechhaus vor Basel Vñ  
als sie heim zügent do erschlugent die von Schlez//  
stat die armen iöcken das mertel.

¶ Item do man zalt vō Cristus gebürt. M. cccc. vñ  
xl viij. iar do geschach ein streit vor Kflingē an aller  
heiligen tag als sich tag vñ nacht schied/ vñ gewun  
nen die Wirtenbergische herzen den sig/ vnd namēt  
die walstat in d nacht ein Vnd ward Walther Kf  
inger vō Ulm/ vñ Jeronim' Hopffinger vō Nörd  
lingen erschlagen/ die warent der stet haubtleit Vñ  
worden auff beider seit vil erstochen.

Mogacia  
capitulum  
1462

**D**o man zalt vō Cristus gebürt tausent vier  
hundert vñ. lxxij. iar do warent zwen Bisch  
off zū Mentz/der von ysenburg vnd der vō  
Massaw/vñ legt sich der ysenburg zū feld mit einer  
wagenpurg wider den Pfaltzgraffen hertzog frideri  
ch bey Kein/der selb hertzog friderich gewan die wa  
genpurg vnd fing vil edel vñ vnedel vñ wurde auch  
vil erschlagen. Vnd ward darnach eins mit de von  
ysenburg/vnd halff ym darnach wider den vō Mas  
saw. Darnach zoch margraff Karl vnd sein bruder  
der bischoff von Metz vnd graff Ulrich von Wir  
tenberg de pfaltzgrafen in sein land ym zū beschedigē  
Da zoch der hertzog friderich vō Heidelberg zū ym/  
vñ geschach ein grosser streit/vñ ward margraff Ka  
rel vnd d̄ bischoff sein bruder von Metz vñ graff Ul  
rich vō Wirtenberg gefangē vñ wol fünff hundert  
ritter vñ knecht vnd wurden geschetzt.

**I**tem do mā zalt vō der geburt Cristi tausent fier  
hundert vñ. lxxij. iar ward Mentz ein genommē vō  
hertzog. Ludwig bey Kein genant schwarz hertzog  
Vnd ward Sagmā o ganz gemacht/vñ pfaffen  
vnd burger geschetzt vnd erstochen.

**I**tem in dissem iar nach abgang des bapst. pij. das  
andern ward Paulus d̄ ander zū ein bapst erwelet

**I**tem do man zalt. M. cccc. vnd. lxxvij. iar ward  
Zürich durch vil anfechtung verhergt durch Carolū  
hertzog in Burgund.

¶ Item do man zalt. M. cccc. lxxij. iar am anfangē  
des iares, erschein ein groser Comet über Cōln in wi  
dersatz der wag, hat einē langen schwantz auff. xxx.  
grat wid den nider gang der Sunnē Darnach volu  
gent streit vnd Pestilentz in vil orten der welt.

Cometa

¶ Item do man zalt. M. cccc. lxxiiij. iar was über  
moßen ein heiser summer Vnd ein vngehörte dūre.  
Vn̄ in etlichen ortē was das feür ym ertrich biß auff  
den sant.

Estus  
eximius

¶ Item do man zalt. M. cccc. lxxv. am freitag vor  
sant Jacops tag hat Karolus ein Hertzog zū Bür  
gūnd (geteytzt durch Rupertum de Erzbischoff zū  
Cōln) vmlagert die stat Nūß die türn vnd mūren  
mit streit gezeüg geschediget.

Ness.

¶ Item do man zalt. M. cccc. lxxviij. iar ward Peter  
Hagenbach nach hinlegūg der ritterschafft zū Preisa  
ch das haupt ab geschlagen.

¶ Item do mā zalt. M. cccc. lxxvi. iar was ein groß  
wallfart in frangken zū Nicolaus hausen auff bracht  
vil lieffent von irer arbeit. Vnd die bau weren von  
dem feld dar lisen. Zum letzten ward der abendiret  
auffenlich verbrant.

1416  
Nichts =  
häufig

¶ Item do man zalt. M. cccc. lxxviij. iar am. vi. tag  
das monts Januarij. Karolus Hertzog in Burgund  
Als wider Hertzog Keynhart von lütringē. Vnd die  
Buntgenossen streit do ward er erschlagen.

E iij

*Minim*  
¶ Item do mā zalt. M. cccc. lxxv. was dz groß waser an sant Jacobs tag. Also das es zu Straßburg an der stein straß ein türm vñ stüß/mic vil andern schaden so sunst ym land geschehen ist.

*Caristia*  
¶ Item im andē iar darnach sünd gewis groß thüre zeit yn der frucht Derē gleichen mā nit gehört hat. Also das ein sack oder viertel vol Korns zu Straßburg. xx. s. irer münz galt Vñ d. weiß. ij. gülden.

¶ Item zu den zeiten wart Maximilian<sup>2</sup> Römisch er König/ von den vñ Bruck vñ Gent die yn vntrüwlich anstellen in gefengnüss gelegt/ mit dē merer teil die auff die zeit bei ym warē Vñ etlich in gefengnüss hart gepeyniget.

¶ Item do man zalt. M. cccc. xc. ward das land vñ .österreich in genumē durch Mathia König in Vngern/ d. besetzt Wyen/ vñ hielt dz in bis vff seinē tod

*Lis est de laus a prima*  
¶ Item do man zalt. M. cccc. xc. Do hatten die Deüt sche nacion ein groß bewegung gegen den frantzosen von wegen d. Herzogin vñ Britanien/ als die Maximiliano Römischen König vermahelt was/ vñ in deütsheland wot ziehen durch Carolem dē König von frantreich gefangen/ vñ zu der Le genū men vñ Margaritā die dochter wid Maximiliano gesant. Do durch. v. hūdert deütsher knecht/ bey ein er stat genant Selyn bewegt vñ anzünd/ gesigtē. gegen. v. tausent frantzosen/ die sie erschlugen vñ verjagten.

# Bruder Claus

Item zu diesen zeiten ist Bruder Claus yn Schwetz  
im ort Vndern walden verscheiden, der in .xx. iare  
kein leiplich speiß oder tranck nit versucht hatt, ein  
frum einfeltig baurfman, vnd eins harte leben mit  
wachen vnd fleydung.

Item do man zalt. M. cccc. xcij. am. vij. tag des  
Nouember nach mitag zu Enßheym im Sungaw  
obwendig dem Elsas yn König Maximilian<sup>2</sup> ein  
gen land, ist gefallē ein stein tritthalben Zentner sch  
wer von dē luffte, der in die Kirch mengliche zu be  
sehen geschenckt ist, Ein vngesort wirkung & nature:

1892


Lapis mo  
laris in  
mibus

Item do man zalt. M. cccc. xcij. ward ein große  
thüre zeit ym weyn also das ein füder weinß im El  
sas bezalt ward vmb .xl. gülden.

Carysta  
vinj

Item do man zalt. M. cccc. xcix. an sant Marien  
Magdalenē obē geschach ein schlacht vor Cornach.

Getrugt zu Straßburg vff Grüneck.



*Exempel des*

*Handwritten text, likely bleed-through from the reverse side of the page.*

*1292*

*Handwritten marginal notes on the left side of the page.*

*Handwritten text, likely bleed-through from the reverse side of the page.*

*Handwritten marginal notes on the left side of the page.*

*Handwritten text, likely bleed-through from the reverse side of the page.*


*Handwritten text, likely bleed-through from the reverse side of the page.*

*Handwritten text at the bottom of the page.*

*Handwritten mark or signature at the bottom left of the page.*



Cronica, nō allen Rūnig und  
 Keiseren : von anfang Rom.  
 Auch von vil geschüchten bis zu  
 unfern zeiten die geschehen seint.



x-rite

colorchecker CLASSIC

